

虞

山

水

出

北7325
3618
-31-6



道光四年新鐫

廬山小志



鄉媛別館藏板

余家甘棠湖。岫門對匡廬。幼見巖壑靈奇。陰晴變幻。心甚契之。暨長遊山南北。有所得。輒登記。備參攷也。暇日檢校。

廬山小志

卷首

序

一

娜嬛別館

毛志帙累文繁。證以耳目所經。類多同異。爰據鄙見。刪補彙為若干卷。顏曰廬山小志。雖提挈不無挂漏。而考疑徵

位。擴。撫。十。有。餘。載。或。可。備。芻
蕘。之。一。助。云。

道光四年天慶節


潯陽蔡瀛小霞叙



廬山小志

卷首 序

二 鄉嬛別館



廬山圖



圖一



自吳章
山至三
峽澗



圖三

圖二



自三峽至隘口

圖四



圖三



圖四



廬山小志凡例

- 一鄙集仍以舊志爲宗謹將舊志纂列於前其有見聞所及別註增字閃值疑處則註瀛按二字以證高明
- 一遊客題識摩崖標石劉不增減一字
- 一人名朝代舊志多畧他書確鑿可稽者補入其散見稗說及得之傳聞者不敢傳疑
- 一集中專紀名勝嗜古者便於攜帶所錄詩記未免拋珠散玉閱者諒之

廬山小志

卷首

凡例

一 鄉媛別館

- 一詩中如歐陽公廬山高歌諸作註古蹟者不復載
- 一藝文內字與舊志閃有不符悉遵三通古逸全唐文及各家詩文諸集訂正

- 一歸元鏡雖載遠公事究係平空講道唐宣宗與黃蘗禪師觀瀑聯句見晉熙志四面山寺王輞川過香積寺五律在今子午谷北率州天慶觀呂純陽肘傳丹篆詩舊志牽入白鶴觀且嫁陳希夷名概不錄

一 集中遺漏頗多容俟續刻

一是書校刊始於辛未秋仲藏事於甲申春孟其閒參
訂疑義時與同里譚晉廬昌槐萬小仲青選暨鄭慕
庭先生相商確至讐勘鏤本錯誤則新蔡劉浣秋際
華之力居多云

廬山小志徵引書目

舊志引書百九十有二種不贅茲將鄙集增引者彙載於後

天池志

求是堂集

潯陽蹠醢

九江府志

高賢傳

廬山疏

續高僧傳

彭澤縣志

冥祥記

水經注

翻譯名義集

德化縣志

玉堂閑記

竹書紀年

廬山小志

卷首書目

一 嫫媿別館

霞客遊記

江西通志

方輿紀要

廣輿記

吟嚳集

臨江府志

甘露園短書

錄異記

潛確類書

小倉山房文集

雲溪友議

南康府志

五符經

梁高僧傳

酉陽雜俎

舒夢蘭遊山日記

懸榻篇

瀛奎律髓

朱子言行錄

茶經

西灣詩話

明皇雜錄

方輿記

圖經

唐十道志

唐摭言

夢溪筆談

方輿纂要

子史精華

筇竹杖

諸葛丞相集

白鹿書院志

廬山小志

卷首書目

二 娜嬛別館

清異錄

月令粹編

全唐詩話

鹿洞古蹟

書影

宋史

澠水燕談錄

德安縣志

侯鯖錄

三水小牘

蓮花峰集

真仙通鑑

搜神記

廬山通志

念菴集

太平宮志

宋真宗實錄

宋詩別裁

東坡全集

平園集

薛瑄讀書錄

全唐文

白華前稿

竹園瑣記

江西考古錄

金陀編

今古地理述

松風餘韻

玉楮集

潯陽記

湓浦集

李文公集

廬山小志

卷首書目

三 鄉媛別館

玉海

河渠書

太康地記

昭明文選

李太白文集

九江新志

癸辛雜記

古逸

錦繡萬花谷

異苑

渭南文集

十三賢共註廬山記

東觀餘論

瑞昌縣志

後漢書郡國志

唐類函

後地理志

象緯考

闕里志

得樹樓雜鈔

文獻通考

六一居士集

江西詩徵

古詩箋

通志

何水部集

鮑參軍集

長江集

臨川集

雁門集

會昌一品集

盤洲集

廬山小志

卷首書目

四 娜嬛別館

太平廣記

栢枝皮傳

堅瓠集

西江志

詞苑叢談

四庫全書目錄

石門文字禪

通雅

能改齋漫錄

列朝詩小傳

監懲錄

太平寰宇記

翦勝野聞

最嬉集

藝圃折中

歷代畫斷

宣和書譜

鼎錄

符瑞記

彥周詩話

秦中瑣事

祥瑞志

甲乙剩言

述異記

集異記

廣異記

九江記

廣五行記

元怪錄

神鬼傳

顏氏家訓

瀟湘錄

廬山小志

卷首書目

五

嬋媛別館

稽神錄

參同契陳注

新齊諧

感應記

廬山小志目錄

一卷首

序文

繪圖

凡例

徵引書目

目錄

方輿

祀典

登山道路

卷一

山北自巖青巖南行至推車嶺

卷二

山北自大林峰南行至黃鶯砦

卷三

山北自下黃龍山東北行至張公嶺

卷四

山南自鶴鳴峰東北行至慶雲峰

二卷五

山南自七尖山東北行至巨鼻峰

廬山小志

卷首

目錄

一 嫿嫿別館

卷六

山南自五老峰南行至宮亭湖

卷七

山南自白鹿書院東行至梅溪湖

卷八

山南自觀山東北行至鷹嘴崖

三卷九

山北自吳章山東北行至蛇崗嶺

卷十

山北自松光嶺東北行至鶴問湖

卷十一

山北自牯牛山西行至廣福觀

卷十二

山北自香鑪峰西南行至隘口

四卷十三

六朝詩

卷十四 唐詩

卷十五 宋詩 元詩 明詩

^五卷十六 國朝詩

卷十七 神女詩 列女詩

卷十八 詞

卷十九 賦

^六卷二十 碑上

卷二十一 碑下

廬山小志

卷首

目錄

二

鄉媛別館

卷二十二 雜文

卷二十三 雜記 廬山書目

卷二十四 神異

方輿纂要

廬山古名南鄣山一曰敷淺原釋道所謂第八洞天三十六福地也脉自衡山東行過分寧爲白藤爲高粱東北至圓通蜿蜒蟬聯條敷指列高聳七千三百六十八丈週迴五百餘里三面阻江西乃大陸其支南行三數十里盡鄱湖之汜爲南康郡西南行盡吳城東北三數十里盡南湖嘴折而西者盡九江城兩漢及晉皆隸柴桑縣隋隸湓城唐隸潯陽五代吳時隸德化宋以山南爲星子鎮太平興國廬山小志

卷一

方輿纂要

一

鄉嬛別館

中析鎮爲縣廬山自是始分二境東界吳鄣山西界康王坂南爲星子北爲德化劉青田云斗二十度爲德化星子二縣蓋匡廬界其中焉

祀典纂要

漢以灊之天柱爲南嶽鄣山貳之武帝南巡射蛟溇陽江以匡績道成此山詔立祠於先生之舊隱封爲南極大明公唐開元十九年勅建廬山使者廟宋元豐三年加封太平興國觀廬山使者爲應元保運真君建中靖國加封匡績爲靖明真人重和元年秩祀明洪武二十六年遣使立四僊碑詔祭四僊與廬嶽神其先九南二郡合祀天池寺萬歷閔廣陵袁使君廬山小志

卷首

祀典

一

鄉嬛別館

朝

聖祖仁皇帝頒書白鹿洞

御題秀峰寺額

世宗憲皇帝勅改歸宗爲瞻雲寺

仁宗睿皇帝頒封號爲溥福廣濟

宸翰天藻焜耀林巒而廬嶽之神永享勿替

登山道路

登廬頂有三大道北自雲峰寺南自含鄱口東自淨慧寺其他小徑不可縷述而東南二道荒僻少人跡獨北道以天池盛興故人多遊觀因據北道以論山頂云

匡廬峰巒縱橫四出競秀爭奇東南麓有相辭澗從官道分徑入石牛山上麻姑崖達九疊屏觀三疊水南道棲賢谷上王照嶺分徑入桃林澗登仰天坪至晒穀石達漢陽峰青泉澗有徑造臥龍岡探崔嘉彥朱晦翁遺跡詹家巖廬山小志 卷首 一 登山道路 一 鄉媛別館 有徑至五乳寺登七賢峰開先寺有徑抵布水臺觀瀑布登文殊塔入黃巖窺石室簡寂觀有徑看雙瀑上黃鶯砦至廬山寺歸宗有徑觀玉簾泉達金輪峰禮耶舍塔栗里有徑入康王谷觀谷簾泉陟紫霄探禹王舊跡圓通寺有徑登石耳峰踰上下弔橋進康王城七里岡有徑上白雲峰至上霄諸處蓮社橋有徑入臥雲寺至龍潭庵上聖治峰秦楚風塵瞭然在目蓮花洞有徑二其一進養鹿池登松光嶺至小天池其一上筍竹嶺入吳賓陽瓜圃龍門峽

中有徑上曇花庵至振衣峰審江州地脉來處濂溪墓傍
爲官道南過吳章山西至蛇岡嶺其分支小徑一至慧日
寺一至天花井類難筆罄

廬山小志

卷首

登川道路

二 鄉媛別館

廬山小志卷一

德化 蔡瀛 小霞 簞

山北自巖青巖南行至推車嶺

巖青巖

舊志在西林寺南上有仰止庵

登高亭

舊志在巖下明都御史勞堪題

雲峰寺

舊志

在亭下增明僧圓

朗建一名雲興寺

廬山小志

卷一

古蹟

一 嬋媛別館

錦澗橋

舊志在登高亭南上里許水來錦繡谷擲筆峰後諸水之委也明成化中蛟水橋圯正德中王

陽明命僧復造增石劔錦澗橋萬歷辛丑秋九月起補楚臬天池寺出南昌黃仁榮 周顛洗髓處 錦

澗庵

舊志在澗旁上有錦澗亭增明洪武間建石劔步天池曹邦興

咒裂石

舊志距錦澗橋數百武巨石障路晉釋慧持誦尊勝咒石裂為二增石劔持公咒裂石昌裴書

半雲亭

舊志在石上一名躡雲亭增胡松夢賢記半雲為余同年羅子念庵所題睹物懷人見白



雲數十萬頃彌滿山谷皆在履舄之下其夜夢與羅子曰昨見子題其地已出雲上恐不止半羅笑曰然則子躡雲上乎請稱躡雲何如

甘露泉

舊志在半雲亭南上里許

甘露亭

舊志在泉側一名綠亭旁

有風洞夏寒冬煥駉駉逼人增甘露亭洪武時建

元猿洞

增天池志昔有樵人憩洞口有黑猿

臂長三四尺授以榛實

廬山小志

卷一

古蹟

二

嫿嫿別館

試心石

舊志在猿洞上增一名拭星石石劄半天陳萬謨書 天池 煙霞深處關西楊坦書

清虛洞

舊志由試心石而上丹嶂萬仞下有小洞洞內左上三數丈石縫巉削斜陽返照中有清虛靈臺四大字通仙二小字字皆金色傳為竹林後戶其正寺在佛手巖下至今風雨聞鐘梵聲增石劄元覽幽思水部熊汝學昔侍父大司空尚文公在此今不勝憬然攀上不知紅日近迴看又覺白雲低嘉靖口年口月口口居士蔡口口

清虛洞匡廬花隱蔡瀛書

廬山高石

舊志在洞側有石華表明副史何裴建上刻王守仁廬山高三大字增石劄歐陽修廬山

高歌贈劉凝之 廬山高哉幾千仞兮根盤幾百里
峩然屹立乎長江長江西來走其下是為揚瀾左蠡
兮洪濤巨浪日夕相衝撞雲消風止水鏡淨泊舟登
岸而望遠兮上摩青蒼以晻靄下壓后土之鴻龐試
往造乎其閒兮攀緣石磴窺空徑千崖萬壑響松檜
縣崖巨石飛流淙水聲聒聒亂人耳六月飛霜灑石
缸仙翁釋子亦往往而逢兮吾嘗惡其學幻而言嘵
但見丹霞翠壁遠近映樓閣晨鐘暮鼓杳靄羅幡幢

廬山小志

卷一

占蹟

三

鄒媛別館

幽花野草不知其名兮風吹霧濕香澗谷時有白鶴
飛來雙幽尋遠去不可極傾欲絕世遺紛麗美君買
田築室老其下插秧成疇發釀酒盈缸欲令浮嵐暖
翠千萬狀坐臥常對乎軒窗君懷磊砢有至寶世俗
不辨珉與珎策名為吏二十載青衫白首困一邦寵
榮聲利不可以苟屈兮自非清泉白石有深趣其意
矧碑何由降丈夫壯節似君少 一息亭 舊志在石
嗟我欲說安得巨筆如長杠 華表上

白雲天際石

增在石息亭上石劄白雲天際李得陽書
嘉靖口口年口月江西巡按程啟克戶

部主事李經兵備副使周廣僉事王崇慶同遊至此
巡按李順義布政汪濬按察劉奇主事戴鯨南

無阿彌

秦帝石

增在石東北上天池志崖石險

披霞

陀佛

亭

舊志石劉披霞躡雲磴御史翁溥書 稱物平施
增在秦帝石上舊名著衣亭左有醫俗亭上為蛇

臥

白雲亭

舊志在披霞亭東北佛手巖側碑鐫岳
忠武王寄慧海上人詩增一名望江亭

天池山

舊志香鑪峰迤西皆是自錦湖南路越半雲亭徑
漸險仄凡九十九盤至天池寺東瞻佛手巖西望

廬山小志

卷一

古蹟

四

鄉媛別館

白雲峰陽為九奇峰陰為石門湖二水瀠澗四山
朗豁石劉照江崖劉世揚書 霞谷鄭廷鵠書

丞

相埴

舊志在山頂宋丞相韓侂胄建石劉夜宿天池
月下聞雷次早知山下大雨 昨夜月明峰頂

宿隱隱雷聲在山麓曉來卻問山下人風雨三更捲
茅屋 野人權作青山王風景朝昏隨意取巖傍日

腳半溪雲山下雷聲一村雨 天池之水近無主木
魅山妖競偷取公然又盜巖頭雲卻向人閒作風雨

王守仁書

增

求是堂集明萬歷閒一蛛大如斗

汝愚

布絲塔上晚照如五色珠簾除夕雷擊塔遂缺

祠 舊志在山椒祀趙忠定公崇憲與其父母 增 潯陽 蹠醢宋趙忠定汝愚子知江州郡民受賜立祠

天池寺

舊志晉釋慧持創宋僧智隆更名天池院 石劄 金色世界 增 天池志明太祖勅曰天池護國寺

成祖重勅曰天池萬壽寺宣皇再勅曰天池妙吉祥寺賜有大藏經龍藏金字牌珍珠黃傘鍍金大小銅佛風摩銅接引佛並銅鐘象鼓優鉢花九龍吐水蓮花盆等器內有寂照堂棲碧堂怡雲閣清虛閣松梵樓又有浴青閣僧道從建海雲樓僧太遠建外有雲浪閣後有天餘閣 **覺皇殿** 舊志明太祖勅

廬山小志

卷一

古蹟

五 嬭嬭別館

建覆以鐵瓦嘉靖閒僧明瑤重修 增殿東有呂祖祠巡撫劉梧陽建北有霞肩閣左有轉依堂殿後右有華巖閣僧昌迪重葺 **天池** 舊志小峰絕頂有泉二時出不涸 增在殿前後甃為一池跨池有雲鶴橋

亭其上曰神泉亭後池泉忽涸僧慧歸焚香咒願清泉復湧

凌虛閣

舊志在池西腋明主事華

雲建 增後

聚仙亭

舊志在凌虛閣西一名四仙亭明太祖建祀周顛仙赤腳僧徐道人

有定慧堂 天眼尊者 增後有地

文殊臺

舊志在聚仙亭西上有藏閣僧昌隆重建 文殊閣舊名五通華光

閣石剗文殊臺夜觀佛燈 老夫高臥文殊臺拄杖
夜撞青天開撒落星辰滿平野山僧盡道佛燈來王
守仁
書

聖燈巖

舊志在文殊臺西邃壑中昏夜常有紅光人呼爲
佛燈昔黎珪見文殊於五色雲中太守王念見佛

燈隱現俄如五色車

輪增石剗聖燈巖

舍利塔

舊志在巖側以佛燈得
名石剗星壑崖劉世揚

書

龍首巖

舊志在舍利塔南下舊名捨
身巖石剗龍首巖劉世揚書

文殊巖

舊志
在龍

廬山小志

卷一

古蹟

六

鄉媛別館

首巖南下錦繡谷側中有石屋增天池志

唐會昌中東林僧藏金像處石剗文殊巖

獅子巖

舊志

在文殊巖下增怒石如獅上有

合掌巖石壁削立雙掌摩空

鐵船峰

舊志在天池西南與文殊臺並峙頂有
石船色如鐵增石剗金剛經蘇軾書

鐵船庵

舊志

在峰旁宋大覺璉禪師

靜室英宗屢錫宸章

蓮花庵

舊志在峰南有
石如蓮故名

白鹿昇仙臺

舊志在天池東北相
傳有人乘鹿仙去

御碑亭

舊志在臺上
石刻明太祖

御製周顛仙碑太祖師復南昌顛者拜於東華門至
建業問之對曰告太平如此出則逢之命以巨缸覆
之以蘆薪緣缸煨之三次無恙命寄食於蔣山寺與
沙門爭飯遂怒半月不食太祖往視因同享於翠微
亭及征九江顛者持拐趨馬前偕往至湖口遂去後
惟太平宮民見一瘦長人至聲言告太平來深入匡
廬不知所之後太祖患熱症俄赤脚僧送藥至都云
某住廬山天池有徐道人請至竹林寺見周顛及天
眼尊者曰今人主作熱當送藥太祖服藥即愈遣人
詣匡廬使者至杳然矣太祖詩云跣足慙勤事有秋

廬山小志

卷一

古蹟

七

嫗孃別館

苦空顛際孰爲儔愆消累劫寃魂斷幻脫當年業海
愁方廣昔聞仙委跡天池今見佛來遊神憐黔首增
吾壽丹餌來臨久疾

瘳增石劔蟾蜍石

青龍庵

舊志在臺南下遂
谷中南有慈雲庵

龍角石

舊志在昇仙臺西道旁出二石笋
狀如龍角石劔壺天勝覽 天池

佛手巖

舊志去仙臺東北數百武巖石參差如掌形蒼崖
翠壁巖嶮數十百尋下臨無地石劔佛手巖增江

漢陽志巖上石窟深三丈餘唐僧行因宴坐處嘗有
異鹿錦囊鳥馴擾其側石劔佛手岩 雲根 嘉靖

癸丑吉水羅洪先偕趙弼安□山陰王汝中郎不遇
明年四月王與黃陂方興□此至旬日□不遇是□

羅趙與同邑劉方

一滴泉

舊志石室嵌空中有泉一
滴下有池寒冽不涸增石

興尹澈凡四人

劉天泉洞 洞天玉液邵陞蕭遍李天植同識 巖

中不斷千秋雨洞裏常生六月寒 □□□□□□

□洞中滴滴有清泉江山不老巖前石只

佛手庵

舊志

見白雲飛上天乾隆□□□□嘯谷書

在泉南一名巖憩庵僧行因居增僧行因南唐王三
召不起衆問如何是對現色身師豎一指化後塔於

廬山小志

卷一

古蹟

八 嬭媛別館

巖之

千佛閣

舊志在庵西俯視下方空濶無際增石
陰 天在山中 萬笏面觀 詎可抱眠

區書 貞介 夏子晏坐處

頤性養壽 夏雲 磊落

訪仙臺

舊志在佛手巖右盤石突出延袤丈餘三面斗
絕明太祖訪周顛仙故名石劉遊仙石錢全志

書瀛按遊仙石三字

訪仙亭

舊志在臺下石劉竹林
無處訪仙居寥廓西風

想步虛百尺丹崖懸斷石遊蹤應是未曾除錢全志
書 既上飛仙臺還尋竹林寺小憩向巖前途僧漫

留 偈

竹林寺遺蹟

舊志在訪仙臺下佛手巖東北壁削萬仞鳥道巉巖下臨絕壑潭色沉沉相傳故竹

林寺有影無形聖僧所居石劄竹林寺瀛按竹林寺三大字旁未署名舊說羅隱周顛書未確

鐘鼓巖

舊志在佛手巖東北錦繡谷中增廬山疏以竹林鐘梵得名

黃谷洞

舊志在巖傍黃谷禪

師晏坐處內有石榻石釜

廬山小志

卷一

古蹟

九

鄉媛別館

錦繡谷

舊志在佛手巖下晉僧慧遠蒔藥處增自錦澗橋上至鐘鼓巖迂迴曲邃約十里許瑤草瓊花

紅紫爛熳唐時東林僧藏文殊像常出光明雲瑞亦名金像現瑞谷

推車嶺

舊志在佛手巖東北增石有輦痕旁雜履跡俗呼仙人掌

三塔庵

舊志在嶺側

廬山小志卷二

德化 蔡瀛 小霞 簞

山北自大林峰南行至黃鶯砦

大林峰

舊志在推車嶺東北一名雲頂峰晉釋曇詵雜檀花木鬱然成林上有新羅巖飯牛池雞冠石**增**下

有司馬花徑白香山種花處

羅漢池

舊志在峰西大林寺後一名白蓮池

卧龍庵

舊志

廬山小志

卷二

古蹟

一 嫋嫋別館

在峰西下大林峰前諸水由此趨

錦澗橋一曰水口庵石劉卧龍庵

石隱庵

舊志在水口前佛手

巖後大林寺

國朝石生禪者居上有

銀臺庵

舊志在卧

石臺高出層巒細草霜花名曰茶話石

龍庵東梁僧道珍建**增**續高僧傳道珍住廬山夢人

乘船海中云欲往阿彌陀國須營浴室並誦阿彌陀

經既覺乃于房中造白銀臺密記其事

上大林寺

舊志

安經函底圓寂時山上如列數千炬

在峰南晉僧曇詵建明僧慧宪圓泰修昔有名僧曰

登師勤誦法華常夜說戒口吻放光寺西南有西域

娑羅寶樹二曇詵手植明嘉靖中其一生花狀如蓮
大如盤蒼翠如樹色其一出一瘦如大士像石剝大
林峰

可聽

擲筆峰

舊志在大林峰南白雲峰東北相傳慧遠
製涅槃疏成擲筆空中卓立不墮故名

灑堂庵

舊志在峰西脊

增高

火蓮院

舊志在峰南下邃谷中
一名彌陀庵相傳遠公

賢傳慧遠製涅槃處

說戒處石剝戒壇

增明僧

廣聰建何遷匾曰擲筆庵

廬山小志

卷二

古蹟

二

娜嬛別館

長衝

舊志在火蓮院東牯牛嶺下地高平可藝粟有泉
數十泓水經火蓮院出鐵船東石門礮之水源也

赤脚山

舊志在白雲峰西南

增冥祥記赤脚僧覺

赤脚塔

顯元末祝髮彭澤正覺寺後入廬山證道

舊志在山陽明太祖賜葬塔以白石鐵鑄御製二金字
增彭澤縣志初顯與王奎善明永樂中奎署縣事
顯已死奎詣廬山禱雨顯坐石上話舊書二符日至
縣雨急焚記于正覺寺醮謝佛燈為驗後建醮佛燈
飛繞如七星今觀

赧封寺

舊志在塔旁舊名林隱院
明僧智素建

增一名霞峰

音山猶存七星臺

寺

將軍山

舊志在擲筆西南

神龍宮

舊志在山西遂谷中南通九奇北距天池巖石幽邃石劔文殊

攝化神龍之

白龍潭

舊志在宮左大谷中受長衝九奇諸水

宮 天池

清涼亭

舊志在神龍宮北相傳文殊跌草處四圍峰若花蕊冷翠撲面下俯絕澗時聞石門鐘磬旁有

清涼石挽雲橋鸚鵡石仙虬硯

將軍河

舊志以將軍山得名內有

池諸勝下有靜室僧亮空建

廬山小志

卷二

古蹟

三

鄉媛別館

靜

室

上黃龍山

舊志在赤脚東南三里許舊名鹿野石劔尺五天王士昌書

黃龍寺

舊志明釋了堂

闢以黃龍潭得名寺踞山阿萬山環抱松杉碧繞後枕玉屏前與天王峰相峙內有中丞吳用中造祀滲金毘盧像應真大士銅像了堂初見千鹿成羣不得進默祝曰此闕有緣羣鹿當徙鹿潛去因建寺高槐堂志黃龍寺貯有小銅佛二十三尊明萬歷陳太后賜藏經四十一函舊刻藏經六百三十七函元至

正時水墨羅漢十八軸勅書一牙籤

御碑亭

舊志在

及龍藏錦幅各四十銅爐一銅牌一

寺西碑

刻明神宗護藏勅新刊續

黃龍潭

舊志在橋西南旁

入藏經序下有興龍橋

有制龍洞降龍石

薛所習鬪龍記順治己亥五月四日潭有紅黑二雲

盤構互結飛電空中濤聲轟十餘里山坡千百年樹

化為木屑而堂

舊志在山側元末濤陽富

殿經閣如故

楊百萬洞

戶避兵處迄今尚餘遺物

宿雲庵

舊志距黃龍寺里許明釋憨宗創

三聚庵

旁有羅漢臺飛魚石烟蘿逕度仙橋

廬山小志

卷二

古蹟

四 嬋媛別館

舊志 國朝

僧具性建

金竹坪

舊志在黃龍山

千佛寺

舊志在坪上即九奇寺四

南將軍河東上

圍峰如蓮葉明萬歷初僧

恭乾與徒續芳創皇太后遣使送滲金佛像荆國主
建大雄寶殿巨麗甲山南北內有楚天閣護松亭

雲會泉

舊志在寺旁初無水一僧持咒松下白雲布

地以杖卓之泉乃出

師墓道尚書

朱期昌題

支提峰

舊志在千佛寺東增翻譯名義集有舍利名塔無舍利名支提

六和塔

舊志在峰上明瑞柱

二國

王建

雲屏峰

舊志在千佛寺東與萬籀嶺並峙

鍊丹池

舊志在峰下有池二相傳許旌陽鍊丹處

青林山

舊志在將軍山南

靜業堂

舊志在山南上增明僧孤月建

般若庵

舊志在山西南

九奇峰

舊志在牯牛嶺西南東起含鄱嶺西峙上霄峰連山嵯峨爭雄角立俗名火焰山水分數道北與長

廬山小志

卷二

古蹟

五

嫺嬛別館

衝諸水合

出石門礮

上霄峰

舊志脉自九奇迤西中斷復起二峰尖秀如玉笋九奇峰西第一峰也西南近弔橋口漢時有老

人處巖下武帝南巡詔仕老人曰堯仁如天孤雲自飛一水一石臣之樂也強之曰東身王朝其如北山

之雲何增水經注上

石室

舊志在峰上兩壁相夾旁有大磐石上多秦皇漢武

司馬子長遺跡增玉堂閑記上霄去地七千仞

會勝

禹治水窾石以繫纜磨崖為碑皆蝌蚪文字

庵

舊志在峰上其水一逕鐵船西北與石門礮水合其一西出白雲庵入金家坂音一名上霄禪院

仰天坪

舊志在上霄南地高且平上霄後擁若張翠帟漢陽前列若施螺障諸峰駢羅遠近悉備

周王

城

舊志在坪上周康王南狩時築音竹書紀年周康王十六年南巡狩至九江

雲中寺

舊志

明僧敬

堂建

蘆林

舊志在仰天坪東上其壑平坦荻蘆成林

五葉庵

舊志在林中距太乙峰巔取一花五葉意

廬山小志

卷二

古蹟

六

嫗嬛別館

國朝名

陸寓航

舊志在庵後一名廬山

僧修遠居

精舍音僧修遠靜室

小天池

舊志在牯牛嶺北山頂有池冬夏不涸

法海寺

舊志在壑中明僧無染建旁有池方圓丈

許清泉可鑑音一名法相寺內有銅金

佛并銅鑄萬佛寶塔後移祀黃龍寺

千佛巖

舊志在法海寺前巖面楚江可遠眺

楊岐洞

舊志在巖下楊岐禪師居故名

紫霄峰

舊志在法海寺後女兒城西紫霄峰有二一在匡南與漢陽上霄接壤此居山北

仁王寺

舊志距女兒城東下二里許昔有僧喜唱望江南曲其出山思歸詩云當年只欲轉頭銜轉得頭銜轉不堪何事仁王高閣上倚欄閒唱望江南後寺廢明僧碧潭重建

鼎石 舊志在寺側可坐數十人湖口

江山瞭

如指掌

蛟溝山 舊志在仁王寺北勢險峻橫亘如龍東趨九江 蛟溝窪 舊志在山下

避世巖 舊志在仁王寺北去蛟溝三里巨石層疊踞嶺脊俗名躲雨巖

廬山小志 卷二 古蹟 七 嫻嫻別館

振衣峰 舊志距避世巖東三里許 曇花庵 舊志在峰上 增 僧慧明建

半月峰 舊志在避世巖前形似半月 增 一名團瓢 扶輦洞 舊志在峰下深廣可居多蝙蝠俗名鹽鼠

洞 觀音庵 舊志在峰下

吳王砦 舊志在牯牛嶺南元人避兵處 吳王蓋其長也地夷曠可藝粟

鈴岡嶺 舊志在牯牛嶺東南 金沙盆 舊志在林端其泉不溢不涸旁有草廬僧極雄峻雖夏亦霜

崑愚住此三臘月

金蘭居

舊志在嶺

夜踏空忽大悟

半南崖

大月山

舊志在鈴岡嶺西南特出不與他山聯形如半月南直含鄱口望若屏障其水南出為白水漕東經硃砂峰背下流為黃石港東

北出五老峰背為三疊泉

含鄱嶺

舊志在蘆林北九奇峰東第一峰也脉由大月山西南別出一山勢甚雄偉東南豁為含鄱口其水北流經神龍宮入石門礮南崖有石室明天順間僧不佞道人題壁云一上上上到匡廬山眼觀四

廬山小志

卷二

古蹟

八 鄒媛別館

海身在五雲閒芳草連天齊遮鸚鵡綠落花滿地亂點鷓鴣斑洗鉢池邊浪翻龍戲躍講經臺畔風嘯虎生寒此處百丈紅塵飛不至清風明月讓與道人閒

浚泉

舊志在嶺下東北流入月山南大溪中

月輪峰

舊志在含鄱嶺上陽有青蓮庵硃砂庵

香山

舊志在含鄱嶺西南水經簡寂觀出鄱湖

香山寺

舊志在山上以白太傅香山遊憩故名西有小

瀑

布

田壠

舊志在香山西北與仰天坪近平可藝粟猶有田塍

瀆泉

舊志在壠下四時不竭

小漢陽峰

舊志在田壠南峻削特出俗名尖山

豆葉坪

舊志在小漢陽東地饒山豆增相傳洪武種豆以飼軍馬葉可供茶一名羅漢菜

竹影寺

舊志在坪側人迹罕到明時有採藥者見茅龕中空無所有惟一僧跏坐如土塑山中始知有燈公增明徐宏祖霞客遊記短髮覆額破衲赤足者慧燈也上有僧室去竹影半里許石壁峭削懸梯以度上仰漢

廬山小志

卷二

古蹟

九

鄉媛別館

陽下俯絕壁

與世實隔

長壠

舊志在豆葉坪東南桃林漢陽山破中水自仰天坪經桃林西循壠而下曰桃林澗

大漢陽峰

舊志在小漢陽南俊偉宏壯其巔平曠下視鴻濛窮不見底增江西方輿紀要漢陽峰在廬山

絕頂望數百里

極目江漢故名

禹王崖

舊志在峰上以禹治水登此故名

方湖

舊志在峰

上廡數頃內多白鵝赤鱗上有三

石雁霜落則飛于山北旁有石井

松隱庵

舊志在峰麓明僧石

琳慧

燈居

天鏡石

舊志在漢陽北平光燭天為匡廬絕頂一名曬穀石

匡頂寺

舊志在石上明釋了宗建

袞

袞泉

舊志在寺旁向無水了師坐持大悲咒忽放異光泉湧滿濺袞袞故名

黃鶯砦

舊志漢陽之支西行長嶺如鰲脊四圍峰勢羅列中開梵刹

廬山小志

卷二

古蹟

十

嫗媛別館

廬山小志卷三

德化 蔡瀛 小霞 簪

山南自下黃龍山東北行至張公嶺

下黃龍山

舊志在隘口東南秀聳蜿蜒周五十里山有兩巖人因顏為龍爪識云三爪踏三溪謂沙溪豬

溪龍

昇仙臺

舊志在山上一名黃龍石唐廣明中有黃龍見文女真跨以昇天或謂女真名

廬山小志

卷三

古蹟

一

嫗媛別館

慧通

青霞觀

舊志在臺下增江西通志舊名黃龍觀唐道士譚紫霄建宋賜今名

晉人

棋盤石

舊志在黃龍西麓唐衝山下石劄天生自然元嘉元年書 小醉石

溫泉

舊志在黃龍北麓主簿山下沸湧如湯一名靈陽泉舊有四井今二東池熱可瀹雞西雜他水稍冷

淨慧寺

舊志在溫泉上宋淨慧禪師建舊名黃龍院宋景德賜今名一名靈陽寺僧鑿石為龍首

以出

泉

虎爪巖

舊志在溫泉北桃花尖西南一名龜形山

栗里

舊志在巖南下醉石谷中晉陶淵明故里

柴桑山

舊志在黃龍山側面陽馬首桃花尖諸山皆是上多陶淵明遺蹟

柴桑橋

舊志在山下栗

里坂舊名清風橋去醉

石里許醉石澗水所經

栗里橋

舊志在柴桑橋東水自杏林源經此入德

安旁有心遠亭取淵

明心遠地自偏詩意

般若峰

舊志在虎爪崖東北俗名桃花尖匡廬西面最高處石劉僊槎

杏壇庵

舊志在峰下祀董真

廬山小志

卷三

古蹟

二

鄉媛別館

人杏林源

舊志水經杏林出瀛按舊載蓮花般若二峰下俱有董奉杏林據桑疏及曾棨詩似

指蓮花峰

下較確

香泉

舊志在般若側與谷簾泉近其水東流過杏林故名

耶舍山

舊志在般若東山腰拔起峭麗如簪玉笋

耶舍塔

舊志晉西域僧佛馱耶舍聰敏強記年十

九誦大小乘經數百萬言至長安立室逍遙園善毘婆娑譯有四分律並長阿含等經常于定中三見金

輪峰乃奉佛舍利建塔山

頂旁有宋釋芝庵隱居

三將軍洞

舊志在耶舍塔西南秦時武士唐健威李德父宋刁雲三人棲此求仙一夕雷雨齧成二

溪得石一內嵌玉簡有天篆神化靈溪玉簡標題

靈

真人受簡玉湖潛棲十六字因名其溪曰靈溪

溪觀

舊志在洞前即三將軍廟羣峰環遶最為幽僻

旁有唐智常禪師靜室

文超建宋

藏六庵

舊志在湖上曇華禪師題壁云要聽少林無孔笛從來多是逆風吹

廬山小志

卷三

古蹟

三 鄉媛別館

梅檀庵

舊志宋道詮禪師居江南例試僧徒師偈曰

比擬忘言合太虛免教和氣有親疎誰知道

德全無用今日為僧貴讀書州牧聞

可道人洞

舊志明達

之曰梅檀林中無雜樹奏請免試

觀可禪師未與

胡韜嶺

舊志在耶舍塔西

真風洞

舊志在嶺下傍崖側出每西風起洞如雷聲

觀音巖

舊志在三將軍洞東耶舍塔南亦有風穴

流水崖

洞口鑄鐵觀音像相傳像動則風大作

舊志在巖南亦名馬尾水上有龍潭水自

一滴泉

舊志

遠山奔注噴湧散落南下與鸞溪水合
在流水崖東下與鸞

溪水合出鸞溪橋

金輪峰

舊志在流水崖南形如車輪石剝福祿眉壽歸

宗金輪峰宋陳立書何必絲與竹山水有清

音朱端

章書

瞻雲寺

舊志在金輪南下舊名歸宗寺晉王羲之守潯

陽解郡後卜居金輪峰下時達摩多羅請宅為

廬山小志

卷三

古蹟

四 鄉媛別館

寺佛馱耶舍繼居宋嘉祐閒周伯祥修明僧道溟懷

瓚惠清遞修內有御碑亭明僧果清請賜藏經碑刻

萬歷賜藏勅又有怪石二百九十有八大者兼寸小

者如棗栗菱茨其一如虎豹首有口鼻眼處以為羣

石之長盛以古銅盆水映粲然蘇軾供也前有松唐

赤眼師手植明萬歷閒寺燬松枯達觀可來咒松為

寺興兆松果活寺亦重新因名復生松增明進士邢

懋學計創長松館延紫柏大師等效遠公淨業故事

凡佛法以身護持歸宗復興皆公力也 國朝

雍正閒迦陵禪師重建 勅賜額改今名 洗墨

池 舊志在寺東義之慕張芝學
爲霖亭 舊志在寺側
書池水盡黑上有右軍閣
增朱文公禱

雨建

石鏡峰

舊志在金輪側有
圓石明淨照人

石鏡溪

舊志在峰下石劉石鏡
溪增石劉紹聖元年七

月辛亥同真淨禪師燕茗此石上南昌黃庭堅題
豫章洪駒父攜二子戲龍潭上投石弄水而去政和

六年八月十二

廬山小志

卷三

古蹟

五 嬋媛別館

堯律峰

舊志在石鏡峰
下一名堯牛峰

玉簾泉

舊志在峰下旁有小閣僧
蠡雲建石劉玉簾明趙志

阜題鄒元標書增旁有
望月臺晉王右軍建

義之驚池

舊志在
山湖濱

余峰

舊志在耶舍塔東
北峭峻與塔並峙

屏風山

舊志在峰南下丹崖翠
壁縈繞磅礴如屏障

屏

風寺

舊志在山北即余峰庵宋
僧太虛徧明僧廣玉重建

西古山

舊志在耶舍塔南象山
東北與雞籠山接壤

西古寺

舊志采應端禪師
關增石劉阿彌陀

扁底池

舊志在紫霄峰下晉王敦據武昌將叛許遜吳猛郭璞欲說止之璞以讖言見殺又欲殺許吳許吳心知欲去不可乃擲杯為鶴迴翔梁間眾咸仰視遂隱去至江以兩龍挾舟行空中戒舟人毋竊視至廬阜上霄舟舫戛木槭槭有聲舟人疑而窺之龍怒委舟墮折唯扁底存池其遺跡也

棲隱洞

舊志在紫霄峰側譚紫霄龜形鶴步日角有吉字初為玉笥道士封正一先生後隱此河南唐後主召至金陵賜號金門羽客並紫金不受增臨江府志紫霄名峭嘗著化書托宋齊邱序以行世齊邱將酒灌醉

廬山小志

卷三

古蹟

七

鄉賢別館

以牛皮裹縫投諸江漁人取獲見先生齁齁卧不止久喚方覺賦一絕云綫作長江扇作天鞞擗拋向海東邊蓬萊信是無多地只在

陳貺隱居

舊志南唐時與叔陳阮隱

峰下增廣輿記貺隱廬山南唐主以幣聘強至金陵因獻景陽臺懷古詩主稱善欲授以官力辭去

謝

景僊隱居

舊志宋嘉祐時景僊慕董奉結廬於此

柳宏書堂

舊志宏建昌進士官

九卿築室於此今名柳公庵旁有故里池亦宏鑿

崇善觀

舊志梁武帝大同時建女真楊保宗

來觀却粒煉形以丹藥符籙救人南唐元宗詔入禁
賜紫衣金錢諸嬪競施珍珠彩繡詔新其宇額曰真
風觀尚書韓熙載撰記增吟藝集真風觀記盡載當
時諸嬪姓氏其稱太寧公主永嘉公主者李景女也

先天觀

舊志梁鄱陽合李支江建南唐元宗徙豫章
弭節於此碑紀功德刻諸嬪御姓氏於碑陰

黃洞源庵

舊志洞源桃源洞人善道術號三洞
法師初居紫霄繼遷茅山後仙去

李道

冲庵

舊志道冲潯陽人傳法錄於異人結庵紫霄
忽語人吾欲遠遊且不返衆未悟及午而逝

廬山小志

卷三

古蹟

八 鄒寰別館

鸞溪

舊志水抱紫霄而下宋元豐閒真淨文禪師任歸
宗時周濂溪歸老蓮花峰麓黃山谷勸結青松社
踵白蓮社故事名寺左溪曰

鸞溪以擬虎溪下有鸞溪橋

白雲峰

舊志在紫霄東南封家山
東峰特峻上有瀑一泉

白雲洞

舊志在
峰上

雞籠山

舊志在封家山南斷復起
上有赤白二石望石雞籠

石雞

舊志在山上
冠距如生

潮

泉

舊志在山澗水深尺餘朝夕湧
沸朔望尤大如潮不爽時刻

直梭峰

舊志在白雲峰東北上

起雲峰

舊志在直梭東北一名摩雲峰高插雲霄雲氣所常出也

黃龍巖

舊志在峰北即黃龍砦

金鷄峰

舊志在白雲峰東北

鷄石關

舊志在峰麓有石如鷄逕澗不盈尺下臨絕壑旁有金鷄洞

天南砦

舊志在峰麓與黃龍砦並峙

簡寂山

舊志金鷄南支大峰崛起

簡寂觀

舊志在山下晉道士陸修靜居宋明帝以龍箬貯賜道經

廬山小志

卷三

古蹟

九

鄉媛別館

並符圖一千二百卷後召至建業封丹元真人唐末有許堅者居觀仙去後陳搏遊觀受易經心法於異人或曰即許堅也旁有三元露齋增蹠醢初楊羲等得道與紫微夫人諸仙各授口訣揚許退錄其書司馬朗得之常有雷電光怪晉人陸修靜又得之遂成此道宋武帝封為簡寂先生

禮斗石

舊志

在觀內修靜演經禮斗處履跡猶存

白雲館

舊志宋道士侯用晦見異人淬劍求得其秘遂隱此

增修靜舊隱處

朝真館

舊志亦侯用晦所居增一名朝陽館

聽松亭

舊志在觀後一名聽

松庵觀有古松數十株大數圍幹如虬龍相傳六朝時物或云修靜種王思任推爲廬山長旁有放生池浮來石石

東嶽廟

舊志在觀西唐南昌錢朗以五經及第仕至安南都護光祿卿後隱

劉連理此師徐道士得補腦還元之術年百五十歲猶少容他日忽曰上清召俄仙去異香滿室石劄岱宗朱晦

度仙橋

舊志在廟東西有煉丹井搗藥臼許堅晒衣石水曰簡寂源**增錄**異記唐道士郝法

遵獨居簡寂觀道行精確忽夢元中法師授二童子既覺話於衆出山過王氏宅有孩年纔一碎見道抱

廬山小志

卷三

古蹟

十 嫗媛別館

足不肯捨遵去晝夜啼號至則欣然後數年入觀又一劉氏子眼有五色光父母疑其怪異灸眼尾光遂絕後亦至觀

錦香閣

舊志在觀北可望瀑布水觀有相次入道

西瀑懸崖傾瀉散珠噴玉

瀉散珠噴玉

布袋巖

舊志在瀑布側修靜常攜一布囊後赴召建業固求還山不許頃卒其布囊卽於是日懸於舊隱之

樹

松

終

廬山小志卷四

德化 蔡瀛 小霞 纂

山北自鶴鳴峰東北行至清泉澗

鶴鳴峰

舊志在張公嶺
東北嘗有鶴鳴

秀峰寺

舊志在鶴鳴峰下舊名開先寺助自南唐李中
主明僧清江智勝道高遞修 國朝康熙丁亥

廬山小志

卷四

古蹟

一 鄉媛別館

僧超淵往淮迎

鑾

御書改題秀峰寺

內有十笏堂明海峰道人黃端伯建華藏閣明僧智
明建增李中主景少好文問舍五老峰下有野夫獻
地以萬金買為書堂及即位命為寺以獻地為有國
兆賜名開先寺宋太平興國二年賜名開先華藏明
天順中都綱大然請復舊名守道李天植知府潘志
伊重建 國朝順治間僧曹源
重建石剏心燈佛果燕山書

御書樓

舊志在寺內 國朝康熙癸未 御書金
字心經一卷貯寺巡撫白璜因建樓旁有

寶墨亭觀察

大悲亭

舊志在寺前唐太和神僧摹

王世懋建

畫觀音像止半身後鍾山和尚

命畫工姜月鏡續為一身鐫

披霞亭

舊志在路口宋

石祀之旁有鎮劍亭挾飲橋

清耀禪師住寺

衆問如何是披霞境曰一瓶涿水安窻下便當生涯

幾度秋前有陽明亭四會亭瀟按陽明舊作楊梅誤

萬竹亭

舊志在寺側增卽綠筠亭宋守樓构建

七佛樓

舊志在寺後以樓後黃山谷書

刻七佛偈得名增石剗身從無相中受生猶如幻出

諸形像幻人心識本來無罪福皆空無所住起諸善

廬山小志

卷四

古蹟

二 娜環別館

法本是幻造諸惡業亦是幻身如聚沫心如風幻出
無根無實性假借四大以為身心本無生因境有前
境若無心亦無罪福如幻起亦滅見身無實是佛身
了心如幻是佛幻了得身心本性空斯人與佛何殊
別佛不見身知是佛若實有知別無佛智者能知罪
性空坦然不怖於生死一切衆生性清淨從本無生
無可滅卽此身心是幻生幻化之中無罪福法本法
無法無法法亦法今付無法時法法何曾法黃庭堅
書

讀書臺

舊志在寺後李中主徒豫章時築增石劄嘉靖

戊子歲仲冬月之初徐子我山人觀風過香爐

古寺最奇絕僧來迓征車行行讀書臺洗墨成溜腴
土人仰芳趾我來弔遺墟莓苔繡石磴攀緣費率裾
孤亭坐來爽幽鳥喧叢居勒石忽驚觀低頭一長嘯

讀書臺倚鶴鳴峰迴合千山翠萬重白晝懸泉喧
霹靂清秋雙劍削芙蓉撐持古寺還雲閣寂寞前朝
自暮鐘瑤草石壇應不死興來真欲跨飛龍明慶陽

李夢陽遊

開先寺題

廬山小志

卷四

古蹟

三

鄉媛別館

御碑亭

舊志在臺上碑鐫康熙丁亥

御書江淹

香爐峰詩王勃滕王閣序下有王文成公紀功

碑石劄正德己卯六月乙亥寧藩宸濠以南昌叛稱
兵向闕破南康九江攻安慶遠近震動七月辛亥臣
守仁以列郡之兵復南昌宸濠擒餘黨悉定當是時
天子聞變赫然親統六師臨討遂俘宸濠以歸於赫
皇威神武不殺如霆之震靡擊而折神器有歸孰敢
窺竊天鑒於宸濠式昭皇靈嘉靖我邦國正德庚辰
正月晦提督軍務都御史王守仁書增王文成名守
仁字伯安號陽明餘姚人武宗朝江彬錢寧蔽主專

權寇盜蜂起公由進士官都御史巡撫南贛歷平橫
水左溪桶岡剝頭大帽山諸劇寇正德十四年己卯
六月奉命勘福建叛軍行至豐城宸濠反七月壬辰
濠下九江南康出大江薄安慶公與吉安伍文定急
趨勤王計搗南昌城由廣潤門入濠間還兵自救公
使文定當其前鋒知府邢珣出賊背賊大潰退保
八字腦明日復大戰公使焚其副舟婁妃以下皆赴
水死三戰樵舍濠敗逃萬安令王冕率兵追執之凡
三十五日而賊平世宗卽位特進光祿大夫封新建
伯總督兩廣卒年五十七隆慶初贈新建侯諡文成

廬山小志

卷四

古蹟

四

鄉環別館

甘露園短書王文成征思田歸至南安偶入一寺先
是寺有上座僧將入寂命其徒鑰所居禪室戒毋開
文成開之几有書塵封其上拂而讀之云五十七年
王守仁啟吾鑰拂吾塵若問前生事開門人是閉門
人瀛按明武宗正德後嗣位者世宗嘉靖王文成於
庚辰正月紀功碑末預載嘉靖字或亦書終秦誓意

洗墨池

舊志在臺下李中主洗墨處左上
有朝涼亭增石劔洗墨池一泉書

聰明泉

舊志

在朝涼亭下石竇中其味甘於

松雪亭

舊志在臺右

瀑布泉增石劔聰明泉述庵書

郎廷極記康

熙四十二年

六飛南巡僧超淵從至吳會

東宮書灑松雪三字並以趙子昂法雲度海圖界焉增石劉片雲古檀龔香錫書 靜觀馬世臣書

忘歸馬世得書 王蘭同黃維之劉堯夫來淳熙戊

申仲冬己亥 寄傲中原三吳游子吳

嵩嵐書 拾枯松煮瀑布方信鶻書

馬尾泉瀑布水

舊志在秀峰寺右水自漢陽峰頂流為二道其一東北奔注鶴鳴龜背間噴散

數十百縷曰馬尾泉其一西南自坡頂經雙劍背繞東懸挂數十百丈曰瀑布水二瀑俱奇西瀑尤勝春

廬山小志

卷四

古蹟

五 嫿媛別館

夏汎溢直落霄漢風掣剛中斷不下飄入雲際如飛毬捲雪迸珠散玉瞬息萬狀下有布水臺唐大明禪師居增潛確類書廬山瀑布甲天下躡醢唐僧齊已訪蔡蟠於廬山瀑布見一乾蓮房大如斗宋雍熙中張君房寓開先寺瀑中泛一紅蓮葉長三丈餘濶尺有三寸磨湯飲之香經宿不散 舊志青玉峽

雙劍瀑布循壑東北與馬尾合出兩山峽下注龍潭石碧而削水練而飛潭紺而深因名青玉峽為開先佳境南下有浴仙池石劉青玉峽 第一宋米芾書

廬山郡守朱端章書

風泉雲壑

福祿壽周堯

書 龍虎郡守李亦書 郡守青田趙與志寶祐戊
午禱雨來此 星渚使君李元應置酒邀客自萬杉
來開先觀漱玉絕景徘徊良久會者四人鮑文友沈
廣微利道濟靖康元年五月乙亥方道縱書 瀑布
泉明喬字書 古今奇觀林廷玉書 濯纓洗耳噴
雪奔雷張寰書 正德八年歲次癸酉江西按察司
副使撰學北郡李夢陽再遊記時五月之二十一日
也諸生孫冕陳韶從 同遊都御史蔡士英書
飲石泉蔭松柏提學僉事吳煒書 **增**石劉神龍躍
空 仰鏡饒守李紹勳書 直瀉銀河葉光洛書

廬山小志

卷四

古蹟

六

鄉媛別館

雪浪郭口書 星漢分流 巽蕃錫書 壁公洗鉢處
商邱宋至書 可語海文書 天河垂表口口口口
口 老友 山谷洪濤薛元章書 逝者如斯孟光
國書 不可名言劉士麒書 瀑布飛雷米霖書
似雪 歸去來淨念關中方域書 大明正德庚辰
陽明王守仁口口同行御史伍口口口口 朱鴻漸
蔣詔子口愈和登口口 區區柱下史揮毫敦雅譽
十年口塵海問津口口口江口借口榻花寒蓮漏
世口一口口沙鷗吾不如口口口曹元陽 匡腰
玉帶口口口口

德隱

曹秀先書

漱玉亭

舊志在峽側寺觀厨汲僧若愚鑿丈許石池日龍井亭於井上引龍潭支流過龍井泠泠

有聲如漱玉然增石劖且聽似我金廷對書與

我同情南康別駕馬雲階書采聲成曲馬恩書

福祿壽三

山陳綽摹

龜背峰

舊志在鶴鳴峰西南有石如龜一名行龜峰

廬山小志

卷四

古蹟

七

鄉媛別館

賽雲峰

舊志在龜背西一名紅石巖

雙劍峰

舊志在賽雲東雙劍峰有二一在山北此在山南峭麗絕勝

清源池

舊志在峰頂增廬山

記池濶數百尺深莫測

嘗生蓮花大如車輪

黃巖

舊志一名黃石巖在雙劍峰下增有禪棲子俗姓黃名常溥久住巖中遂以名巖石劖阿彌陀佛

黃

巖寺

舊志在巖上唐僧智常建增小倉山房文集廬山之勝黃崖為最峰重累如旗鼓戈甲從天上

擲 **文殊臺** 舊志在寺南上有文殊塔亦名文殊峰孤峰拔起上有定心石四望無倚一名四望

石 **增** 霞客遊記對巖削立萬仞似馬尾瀑布轟轟下

墜自巔至末始無不盡不登此臺不悉此瀑之勝 **空**

生閣 舊志大石數片相撐成門有洞盤旋紆迴層疊數折至閣神工鬼斧天然造出外有石臺可眺

月臺畔龍潭深不可測數折而上路益峻遠望鄱湖

浮碧萬頃 **增** 旁有古栗圍丈五六蟠石而生屈曲異

常石劖

空生閣

廬山小志

卷四

古蹟

八

鄉媛別館

香爐峰 舊志在雙劍西南香爐峰有三二在山北此在山南面拱開先寺 **增** 上有紫煙洞可容十數人隱隱

有光深不可測 石劖

姊妹石 舊志在峰西南二石奇秀如女比肩而立

紫煙洞李萬實書

日照庵 舊志在峰下青玉峽西一里所相傳太白書堂遺址西為龍泉嶺 **瀛按** 毛志謂太白書堂當以

五老峰下為確考白述懷詩僕臥香爐頂又

云廼脊上樓船則永王脊白時當在此處

洪井山 舊志香 **丹井** 舊志在山下晉葛洪煉丹處 **增** 洪字稚川家貧好學南海太守鮑靚妻以

廬南支

女授以內養之術初居廬岳

善政源

舊志在井下不

既入羅浮著抱樸子後仙去

涸不溢多菰草

流星山

舊志在鶴鳴峰南蜿蜒特起高如翔鳳一名鳳凰山

錦屏山

舊志與東古黃龍諸山聯絡下有錦屏舖

石照山

舊志崖有圓石明如懸鏡

鼓子巖

舊志在鶴鳴東舊名古寺巖下有鼓子砦西為李驥山

遷鴛谷

舊志在巖下有水泉

慶雲峰

舊志在鼓子巖東北慶雲禪師居

廬山小志

卷四

古蹟

九

鄉媛別館

萬杉寺

舊志在慶雲峰下唐名慶雲院一名慶雲庵宋僧大超植杉萬本天聖中御賜萬杉寺額並金

佛寶殿額明僧德照重修 國朝康熙初僧剖玉重

建石劔國泰清淨天聖口年御書 龍虎慶嵐槐京

包箒書增對

慶雲亭

舊志在寺左增旁有古樟圍丈許根出地五尺餘中豁而深五

枝直上四五丈

三分池

舊志在寺後僧就崖石鑿龍首引水注池增一名九龍吐

俗名五爪樟

水池石劔淳祐癸卯

散珠池

舊志在三分池上有泉激石跳躍如珠亭其上

空山小隱周仁本

曰散珠亭

增

石劔 沔珠泉

清泉澗

舊志在寺東俗呼青天

澗五老峰西諸水之委

廬山小志

卷四

古蹟

十

娜嬛別館

廬

山

水

畫

地 732.5
36.86
52



廬山小志卷五

德化 蔡瀛 小霞 纂



山南自七尖山東北行至巨鼻峰

七尖山

舊志在慶雲峯東北疑即
凌雲峰 一名七賢峯

劉軻書堂

舊志軻沛縣
人文與韓柳

並稱唐元和初隱廬山後登進士官殿撰其書堂改
建凌雲庵 增 雲溪友議劉軻居東林夢一衣裋褐人

廬山小志

卷五

古蹟

一

娜嬛別館

曰我書生也遊學逝此寺僧密瘞牖下君能遷葬必
有酬謝劉解衣具棺改窆虎溪上夜夢書生將三鷄
子勸餐軻嚼一而吞其二

劉昇書堂

舊志昇廬陵人
宋元豐時進士

官侍御著有龍雲集

薛處士山堂

舊志宋薛漑官南
海書記秩滿居此

南郊賦詩書序記

後為諫議大夫未幾歸山題壁云重來
閒院靜喜對故山青時人服其文雅

棲賢谷

舊志在七尖東北廬山
之谷凡三此尤奇勝

含鄱口

舊志在棲賢谷最北山

巔口向鄱湖勢若可吞

岩石

舊志在口南
下有斗笠石

白水漕

舊志在砦口東南水自山巔奔注激石
成渠下有白龍潭崖畔圓石秀潤如珠

雲霧窟

舊志庵名

在漕上

慧泉庵

舊志在漕東
旁有六度菴

寶陀巖

舊志在含鄱口西南唐元
宗幸其上石剝御駕親至

羅漢巖

舊志在含鄱西
與寶陀巖近水

曰野

人源

白雲洞

舊志在山巔雲如懸瀑
逆上中有大石如牀形

楞伽院

舊志有
上下二

廬山小志

卷五

古蹟

二 嫺媛別館

院與硃砂峰近宋閣學王十朋遊院有老僧言廬山
諸刹惟楞伽折桂未遭兵燹王題云老僧元不服硃
砂境靜心灰壽自遐廬阜招
提三百所只餘折桂與楞伽

白石庵

舊志在楞伽院側僧一心建即李氏山房宋尚
書李公擇兄弟讀書處後皆及第西蜀李復來

更名白雲菴後廢元末豫章熊處士重築隱

此增一名白石院明景泰中僧德正重建

藏書閣

舊志公擇既貴藏書九千卷於庵中蘇軾為記旁有
鐘樓舊藏公擇女崇德縣君所畫墨竹王十朋詩云

藏書閣在已無書山色依然滿舊居

三賢祠 舊志祀李公擇

留得婦人三墨竹金鐘聲裏尚扶疎

公南蘇東坡公南者公擇

弟與擇齊名時號二李

太乙峰

舊志在含鄱口西南峻削與眾峰殊

德勝龍潭

舊志在峰西禱雨極驗

老鷹巖

舊志在太乙峰下

廬嶽祠

舊志在岩下舊名匡君庵明太祖秩祀山神於天池易今名萬

歷中廣陵袁使君別建廟於此

國朝嘉

慶間南康守狄尙綱移祀三峽橋上白竹寺

廬山小志

卷五

古蹟

三 鄉媛別館

歡喜嶺

舊志在太乙峰下

歡喜亭

舊志在嶺半行僧遇明構

顧貞

觀書

犁頭尖

舊志在太乙峰南

萬壽寺

舊志在山南唐僧德英建明僧明安重建

法緣

萬壽源

舊志在寺南今名道源池水由太乙東南經寺與眾水會

摩訶巖

舊志在萬壽寺東下有金沙庵

百花園

舊志傍萬壽寺北相傳李渤種花處 國朝李道泰

巖下觀梅詩云山遊重複覓花看頗有閒情寄臘殘
似我並堪泉石冷笑人只說雪霜寒也知紅粉逢人
易怎奈孤高入眼難移向懸崖添幾樹日隨修竹報平安
摩訶池增在巖下

桃林山

舊志在太乙峰西西南與漢陽峰接壤

桃林澗

舊志在山下水東北經萬壽寺與衆水會

內多黃精增附五符經黃精一名戊己芝人服輕身延年

雨巖

舊志在漢陽峯上巖黝而深晝日常黯

漢陽坡

舊志在峰下上有廢塚世傳為漢王塚增南康

廬山小志

卷五

古蹟

四

鄉媛別館

府志或云地近黎僊峰黎既

廬山寺

舊志在坡間晉僧曇翼建宋僧

仙去封其遺蛻故有遺塚

道會居內有蓮花藏貯慧遠師文集並白樂天自書文集七十卷後為高駢強取增梁高僧傳宋釋慧慶止寺夜誦法華每聞彈指讚歎聲嘗乘舟遇風誦經不輟如有人牽至岸躡醢姚結耳仕南唐膂力過人後出家

廬山寺

黎仙峰

舊志在漢陽側為廬山絕頂女真黎仙養道處

黎仙祠

舊志在峰上黎既仙去禱雨輒應繪

像祀之增舊

名翠微廟

瘦馬嶺

舊志在漢陽東北巉削骨立

烏龜石

舊志在嶺上

烏石巖

舊志在瘦馬嶺東

雙澗口

舊志在巖東水分二道一出七尖山寶慶寺一經石佛寺南

石佛山

舊志在烏石東三峰並峙如佛

石佛寺

舊志在山下舊名青蓮菴宋僧杜林建明僧普營重

建石剎

煎魚湖

舊志在寺東南

石佛寺

水來雙澗口

廬山小志

卷五

古蹟

五

嬋媛別館

石人峰

舊志在烏石東南有石特立拳聳如人狀

增寶庵

舊志在峰下唐赤眼禪師居明天啟間重建

木橋庵

舊志在峰上虛舟無懷修靜處

棲賢寺

舊志在石人峰下以李渤讀書得名唐赤眼禪師創明給諫陳赤石復建旁有駐節亭南唐元

宗弭節處增棲賢寺南齊參軍張布之叔內有鐵塔

高三丈許 國朝康熙三十六年造瀛奎律髓王平

甫胸次耿介其詩同時歐蘇莫不嘆獎嘗宿廬山棲

賢寺詩云千山月午乾坤晝一壑泉鳴風雨秋其壯

浪清酒

若是

應真閣

舊志在寺內閣有舍利子康熙丁未

唐郁文過三峽橋西麓得瓦函石刻

皇宋咸平庚子歲建此舍利塔十二字內載玻璃瓶

貯佛舍利五色瑩徹增舒夢蘭遊山日記銅塔所藏

舍利凡二種琉璃瓶所貯十三粒大如黃豆有若寶

石者瑪瑙珠者紫色者玻璃色者玉色者都不甚圓

有光氣僧言夜常放光觀者疑為野燒其小者畧與

碎珍珠同亦兼數色計二千二百五十八粒所謂堅

固子也宋牧仲中丞施一赤金盤金匙為盛觀舍利

之用盤被無賴僧易以鍍金又有許虎頭繪五百羅

廬山小志

卷五

古蹟

六

嫗媛別館

漢圖二百軸行坐笑語襍出於山海木石魚

龍鳥獸之閒康熙丁未金世揚藩蘇時佈送

祖無擇

愛堂

舊志在寺側宋祖無擇守南康與

民相愛民為建堂

增旁有茂蔭亭

劉西澗祠

在寺側朱晦翁建

增旁有岑岩亭

飛錫泉

增在寺內上覆鐵熬熬背

鑄立鐵觀音像高丈許

櫓斷泉

舊志在寺東

增石剗嘉定十一年口口借謝汲古口伯賢遊此

淨成精舍

舊志

國朝僧函昱建後有雙鏡

樓又有慈雲庵僧乾雲建

赤眼泉

舊志在寺西

靈峰庵後

三峽湖

舊志凡能邪迤東團山黃石迤西桃林長壩大小支流九十有九皆入此湖旁有洗馬池

遶棲賢東南以下

玉淵潭

舊志在湖中有白石如羊橫亘中流故名上有箭雲

流有三峽潭得名

橋明守袁懋貞造石劄玉淵張孝祥書

宋大中丞

留帶處康熙壬申大中丞宋犛移節江左遊棲賢解

玉帶留寺山人羅牧書增石劄逝者如斯 紹定壬

辰知南康軍史文卿詣白鹿洞釋菜先聖先師禮成

全簽判張萃軍學口明士來遊 冰笏太史戴第元

書 浩浩自太古乾隆己酉夏南康謝啓昆偕南昌

廬山小志

卷五

古蹟

七

鄉媛別館

萬縉馮來儀鉛山祝綸弟啟勗

龍王亭

舊志在潭側

兒學增同遊 虛受曹秀先書

石劄風雨根

關中黃

虞再書

三峽潭

舊志在玉淵南石劄金井同知馬朋書增湖至此連關三龍潭石色紫赤壁削數仞口俱彎月

形如玉甕之貯水上隘下濶兩旁虹光上浮

三峽橋

其下碧空無底東坡謂匡廬所尤勝者此也

舊志宋祥符七年建一名棲賢橋跨潭上長數百丈

締構偉壯神施鬼設俯視湖底百餘尺罅中有小白

石映日現五色光石劄三峽橋新安朱熹奉陪高川
蘇使君閩中錢別駕簽書楊子美博士陽元範星子
王之才武陵楊子直邯鄲段仲衡濂溪周師溫同遊
卧龍遂至玉淵三峽門人丁克王翰甥魏愉幼子在
從淳熙四月□□日增一名觀音橋橋南有觀音
亭故名石劄嘉定己卯四月陳宓與客來橋東

廻

瀾石
舊志在橋上流長十數丈相傳蛟水怒湧勢欲
壞橋時有棲賢僧叱此扼之橋得不壞石劄廻

瀾提學黃虞
再書 水哉 **玉峽亭**
舊志在橋西明正
德中知府陳霖建 **飛來亭**
舊志唐大

廬山小志

卷五

古蹟

八

鄉媛別館

歷中因風雨飛來半
石半水以祀觀音

招隱泉
舊志在橋東數十武水由石龍首瀉下三峽瀾
增陸羽評此泉為天下第一名陸羽泉石劄

招隱薛時習書
第六泉曹秀先書 **陸羽亭**
舊志在泉上增陸羽著茶
經處附茶經並序唐陸羽

字鴻漸不知所生或言有僧得諸水濱畜之既長以
易自筮得蹇之漸曰鴻漸于陸其羽可用為儀乃以
為氏名而字之性嗜茶著茶經三篇分為十類曰一
之源二之具三之造四之器五之煮六之飲七之事

入之出九之畧十之圖凡採製之資烹試之用靡不
具備其經云茶有九難陰採夜焙非造也嚼味嗅香
非別也膩鼎腥甌非器也膏薪庖炭非火也飛湍擁
潦非水也外熟內生非炙也碧粉縹塵非沫也揉艱
攪遽非煮也夏興冬廢非飲也茶有千萬狀如胡人
鞞者感縮然犂牛臆者廉稽然浮雲出山者輪菌然
輕颺拂水者涵澹然此皆茶之精腴也有如竹籜者
枝堅幹實艱於蒸擣故其形籬篔然有如霜荷者莖
葉凋沮易其狀貌故厥狀萎萃然此皆茶之瘠老者
也自採至於封七經日自胡鞞至於霜荷八等其水

廬山小志

卷五

古蹟

九 鄉媛別館

用山水上江水中井水下其山水乳泉石池慢流者
上瀑洶湍激勿食之其江水取去人遠者求汲多者
其沸如魚目微有聲爲一沸綠邊如湧泉連珠爲二
沸騰波鼓浪爲三沸已上水老不可食也凡酌置諸
盃合沫餽均沫餽湯之華也華之薄者曰沫厚曰餽
輕曰花如棗花漂漂然於環池之上又如回潭曲渚
青萍之始生又如晴天爽朗有浮雲鱗然其沫者若
綠錢浮於水渭又如菊英墮樽俎中一煮水沸而藥
其沫之上有水漠如黑雲母飲之則味不正其第一
者爲雋永或留熟貯之以備青華救沸之用諸第一

一二三等盃次之四五盃外非渴甚莫之飲凡煮水一
升酌五盃乘熱飲之以重濁凝其下精英淨其上如
冷則精英墮氣而竭飲啜不消亦然矣其色細也其
聲啜也其味甘檀也其味苦薺也啜苦咽甘茶也又
嘗作六羨歌云不羨黃金壘不羨白玉杯不羨朝
入省不羨暮入臺千羨萬羨西江水曾向竟陵城下
來其時楊萃仲稱其有甘草癖鬻茶者至陶
羽形置煬突閒祀爲茶神後仙去不知所終

招隱寺

增 躡醢 宋僧僧瑜建瑜以結累三塗誓自焚

旬有四日房中生桐樹二因號雙桐沙門

廬山小志

卷五

古蹟

十

鄭媛別館

幽邃山

舊志在棲賢橋西

幽邃庵

舊志 在山中鄂州馮京與兄元讀書庵中後皆擢第內有古松

京手

西源庵

舊志 在幽邃庵前卧龍石佛閒西蜀崔嘉彥隱此與朱晦翁友善 **增** 崔嘉彥號

西源

隱者

西澗

舊志 在棲賢橋西

寶峰庵

舊志 在澗旁 **增** 僧曇隱創宋僧湛堂藏有唐宋諸賢墨蹟二篋

劉凝之隱居

舊志 凝之名渙均州人唐天寶進士爲穎上令年四十挂冠隱落星灣常乘黃

犢遊廬山愛西澗寶峰之勝結茅於此宋歐陽修爲賦廬山高淳熙中朱文公卽舊址立清淨退庵及靜隱亭表之因易寶峰庵爲靜隱院

五乳峰

舊志去西澗西三里許峰五如乳故名石剡淳熙庚子重五晦翁與程正思陳彥忠俞季清來翁子在甥魏

愉從 **五乳院** 舊志在峰側一名五乳寺後爲愍山和尙道場更名法雲寺愍山居寺效

遠公四時刻漏專修淨業著有楞伽華嚴法華諸經註春秋左氏老莊諸論解夢遊集若干卷內有新安

廬山小志

卷五

古蹟

十一

嫗媛別館

丁雲鵬摹畫八十八祖像軸精妙絕倫增懸榻編愍山旣入滅塢廬山數十年弟子遷龕至梅嶺有李副戎啟視貌酣如生鬚髮皆長指甲繞身數匝

觀音庵

舊志內有觀音井

筲箕窩

舊志在五乳北四高中窪狀如箕

寶愛寺

舊志在窩東南僧梅水居

卧龍岡

舊志在五乳東

卧龍潭

舊志潭凡三岡巔二岡下一水出龜背東循筲箕窩經岡巔直下三

數十丈注潭底有黃石數丈橫據潭心蜿蜒滉漾若飛舞狀故名卧龍石剡紫陽朱熹卜卧龍山宅成紀

崔嘉彥實之其徒臨江劉滄之己亥秋七月 卧龍

嘉定辛巳秋太守黃桂增啟卧龍祠堂重陽落成

率僚鄭涇李大器郭津趙汝欣陳維明茹咳趙布介

金應孫趙與嶽展拜祠下朱口奉檄至亦預焉

子言行錄文公作卧龍

庵嘗屬崔嘉彥董其役 卧龍庵 舊志在潭東有劉道

眼食松柏飲水客至必先知之後仙去

朱文公建祀諸葛像 石劉卧龍庵 修白亭 舊志

旁朱文公建欲俟解組居之會遷去不

果明嘉靖中御史何遷就潭北重修

廬山小志

卷五

古蹟

三

嫻媛別館

巨鼻峰

舊志在五

乳西南

劉遺民書臺

舊志在峰前

可望鄱湖

廬山小志卷六

德化 蔡瀛 小霞 纂

山南自五老峰南行至官亭湖

五老峰

舊志在含鄱口東北橫隱蒼空勢壓彭蠡五峰壁立約高三千六百丈轟起天半為匡廬主峰常擁奇雲閃爍萬狀其後第二峰下有二洞藤蘿密覆人跡罕至峽中佛光繽紛大如車輪石剡日近雲低侍

廬山小志

卷六

古蹟

一

嫗媛別館

御許世昌書

去天只五方伯徐坦書

星聚層巒

郡丞郭友龍書

晦翁與程正思丁復之黃直卿俱

來覽觀江山之勝樂之忘歸時淳熙己亥重五日翁

子在魏恪侍行

增江漢陽志崔道人居五老峰下積

香數斛一日命弟子焚之崔默坐煙中忽躍峰頂石

剡聞谷洞

目無障礙別駕沈煥書瀛按目舊志作

李太白書堂

舊志太白愛匡廬五老之勝結廬峰下後歸中原不忍去指山日期君再

會不敢寒盟丹崖翠壑尙其鑒之杜詩云匡山讀書處頭白好歸來蓋願其得遂終隱之志瀛按世謂太

白死于水引杜詩江湖波浪投詩汨羅之語爲証考
太白年譜天寶十四載乙未安祿山反明年永王璘
反時白卧廬山璘脅致之已而璘敗丹陽白繫潯陽
獄乾元二年己亥長流夜郎次年半道放還後卒當
塗李陽冰家葬謝家青山史載明晰後世沉
江騎鯨之說蓋摭言五侯鯖錄貽之誤耳

楊衡隱

居 舊志衡元和中詩人時有竊其詩以登第者後衡
及第謂曰一一鶴聲飛上天之句尚在耶其人曰
此句知兄甚惜不敢竊之衡笑曰猶可恕也增唐楊
衡符載崔羣宋濟皆詩人偕隱廬山號山中四友

廬山小志

卷六

古蹟

二 嫿媛別館

楊衡春夢詩云空庭日照花如錦紅妝美人當晝寢
旁人不知夢中事惟見玉釵時墜枕 宋濟東鄰美
人歌花暖江城斜日陰鶯啼綠戶曉雲深春風不道
珠簾隔傳得歌聲與客心瀛按崔羣唐摭言作李羣
符載隱居 舊志載蜀人韋臯嘗請撰齋詞時飲摩訶
池離席盃敎命小吏十二人捧硯人分兩
題緩步池上口占授之其敏捷如此旁有吉祥寺頭
陀寺大明觀增符載甘州歌月裏嫦娥不畫眉只將
雲霧作羅衣不知夢逐青
芝山寺 舊志因產靈芝故
名增宋乾道間創
鸞去猶把花枝蓋面歸

九疊屏

舊志在五老東北九疊如屏亦名屏風
增下有羽章館漢武帝幸九江時築

九疊谷

舊志

在屏下兩崖峭削百千

識真亭

舊志在谷中朱文公與復鹿洞時建

九

丈怪石錯列最為險峻

雲寺

舊志學士施鳳來建前臨三疊泉中有綠水潭
一線天觀音洞普陀崖玉印峰增一名九屏寺

三石梁

舊志在九疊屏上長數丈廣不盈尺橫絕青冥
人罕能至晉咸康中吳猛與諸將弟子遊山過
梁見一老人坐桂樹下飲以玉杯甘露進至一處見
玉宇金房輝彩眩目內多珍寶玉器有數十人與猛

廬山小志

卷六

古蹟

三

嫺媛別館

言若舊相識為設玉膏弟子竊一寶歸梁即化如指
細猛使還寶梁復如舊劉同升廬山三石梁記李太
白詩銀河倒挂三石梁則石梁之下當有瀑布元李
洞言在開先寺上豈以布水臺在寺西故遙度云太
白詩又云香爐瀑布遙相望是並紀勝景而銀河倒
挂句又是一瀑黎景高又言石梁在五老峰上或云
在簡寂觀及上霄紫霄二峰與九疊屏桑喬山疏竟
以為無石梁而好奇之士亦付冥搜如竹林寺影之
幻癸丑九月予遊廬山三上九奇峰皆躡絕頂雲霧
忽合大地如海飄飄然如在島嶼閉不見山中之景

遂趨五老之巔以待霽望峰之西得一澗問云是赴
三峽澗之水水口幽險人跡罕至予乃舍奚僮而與
真人沿澗跨石行三里許見一石山奇絕予欲坐而
看湖石無寸膚可上其半微有痕可置一足足垂半
於外復置一足於藤蘿下臨深澗一與人素摘石耳
者輕捷如猿猴與予接臂而上落日在霽暝煙初散
翻湖澄澈萬頃流碧湖中諸山飲翠嵌沙如琉璃盤
中微置水石耳予立險絕處下視千丈乃見瀑瀑下
絕壁壁下逾峻不得流則激碎飛落蒙密如線忽看
邃谷三石梁宛在其間予乃疾下行澗中巨石當澗

廬山小志

卷六

古蹟

四 鄒孃別館

水流積石閒蘊爲深谷雙闕對峙乃闢石山由梁而
門瀑泉乃奔方其匯谷中忽流牙激聲聞十數里予
乃復與與人接臂而下石危苔滿不可置足置矣亦
不復施力正恐反墜險絕而至石梁三梁削成並列
如人所置其上瑩滑苔色侵人顏面其下水石潏洄
凌亂遙對宮亭湖如數畝寒塘帆檣上下正如一葉
由梁而度石崖斗絕無徑右崖爲含鄱嶺之盡石壁
橫斜末轉向峽左崖爲五老峰之盡怒石突起裂坼
欲崩下疊數石各相撐拄卽予所躡而望湖者也左
右石勢參差相向故亦稱石門予於是復沿澗而還

漸上煙亦漸暝兩溪僅已在雲中咫尺莫辨翼日語
山中者舊無一人知者三石梁以巖谷所關得寶其
蒼翠之色千年來斧鑿不及亦幸矣太白廬山謠足
稱山史太白之遊亦千年罕儔也萬歷四十一年癸
丑孟冬吉水
劉同升記

青蓮谷

舊志在五老峰背以太白得名增石剗青蓮谷
萬松嵩同兄定曜任澄道廣大立黃谷再見
山中舊有一洞名黃谷者黃谷禪師得道處也而此
洞奇曠較尤過之特向未得名想天設有待耳近聞

廬山小志

卷六

古蹟

五 娜孃別館

極禪師入定數月竟悟超羣誠又一黃谷出世也因
題其洞康熙丁未九月望日南康郡判蘭陵沈瑛赤
巖跋聞谷洞者在五老第五峰之巔董
工劉鳳口口鳳阿麟敷小霞蔡瀛書
青蓮寺 舊志

在谷西南
僧守心建

月宮院

舊志在谷旁僧無礙建形
如月宮故名旁有方廣堂

萬松坪

舊志踞五老中峰背蒼松夾
道二三里許平行無石故名

萬松庵

舊志 國朝
僧覺一建

鉢盂峰

舊志在五
老峰北

鏡湖庵

舊志在
峰旁

驢蹄窪

舊志在峰東石
上有三四孔如

驢蹄增西灣詩話廬山詠真洞張果老驢跡尚在真
偽之間以其無後人刀斧痕仙術固未可測耳附明
皇雜錄張果常乘白驢日行數萬里夜即
疊置箱篋乃紙也乘則以水噴之復成驢

象鼻山

舊志在五老西
北形如象鼻

象鼻庵

舊志在
山前

文殊臺

舊志在五老峰前境
與天池黃巖並勝

卧雲崖

舊志在臺側旁有
鉢盂泉振錫泉

獅子峰

舊志在五老峰南下亦名獅子崖形如
獅子踞面彭蠡湖旁有象王峰宛然顧盼

繡毬峰

舊志

廬山小志

卷六

古蹟

六

嫗嫗別館

在獅峰下圓如毬上有老
松怪石西南下有滴水崖

獅子窟

舊志庵名在
繡毬峰下

金印峰

舊志在獅子峰
前有石如印

李庭筠書堂

舊志在峰下庭筠舉
進士官四門博士其

書堂雙石出雲飛瀑在下境致
絕佳五代樞密李微古重建

旛竿峰

舊志在獅峰南下頂有二石高丈許豎如旛
竿旁有大磐石可坐數十人下為旛竿源

石船

峰

舊志在獅
峰南下

凌雲峰

舊志在獅峰南下即白龜山上隱碧空俯瞰江湖下有白龜池白龜潭水東南流出白鹿洞

永

福院

舊志在峰下巖

頭彘禪師居

折桂寺

舊志唐李逢吉讀書於此舉進士故名後有讀

書臺石劄聊翁通輿送張襄陽至此痛飲而別 嘉

定戊寅七夕前一日長樂黃喻潘相循江湖泳雲門

高九萬莆田陳宓方信孺方子槐方長儒臨川口鹿

鄉南昌宋恭信孺子左鉞來遊 元統乙亥三月邑

令潘口李采熊警曹筠姚宥堂同遊黃

黃雲觀

舊志在峰

雲之觀 嘉靖九年閩劉世揚題識

廬山小志

卷六

古蹟

七

嫗媛別館

下宋道人雲公建旁有

華嚴寺方竹寺實竹寺

木瓜崖

舊志在石

木瓜洞

舊志在崖畔唐道士劉混成自

船西南

白鶴觀來居洞中種木瓜為食

年八十六泛舟仙去後有石嵩隱道者居之自註

黃庭諸經指元篇等書壽九十餘逝時鶴聲繞庭

龍池

舊志在崖下

旁有玉絃亭

凌霄峰

舊志在木瓜崖南下巉巖萬狀上插層霄水分三道一西行漚犀牛塘一漚太平澗一西南行出白

鶴 **凌霄巖** 舊志在峰下旁有石洞巨石撐疊玲瓏宛
觀 傳螺旋蟻磨步步幽奇唐馬祖道一禪師

曾居之因稱馬祖洞上有高臺金 **凌霄院** 舊志一名

鶯映帶如怒虎愁獅撲攫天際 明真院明

翠峰老宿棲隱馬祖洞與大將劉公綬善遂創梵刹

經爐盤盃諸物甲冠一時 國朝康熙閒南城合苗

蕃隱此增造天馥樓瀑

音閣著作藏書甚富

團山 舊志在獅峰西南東下為 **雙鷄峰** 舊志在澗西澗東
團山澗水西南出太平寺 有石如龜澗西二

廬山小志 卷六 古蹟 八 娜媛別館

石如鷄勢 **滴水巖** 舊志在澗西巖首穹
且啄龜 窿有泉點滴而下

硃砂峰 舊志在團山西南 **硃砂庵** 舊志在
石赤如硃故名 峰下

犀牛塘 舊志在凌霄巖西南有上下二塘水西 **白鶴觀**
南經白鶴觀東南會折桂寺出白鹿洞

舊志在犀牛塘南白鹿洞西北唐道士劉混成居內
有煉丹井搗藥臼及混成手植杉本大丈餘舊名古
栢壇宋名承天觀後仍名白鶴觀石劔玉佩琳瑯蘇
東坡書增方輿記廬山秀麗為江南第一而此觀復

為廬山

第一

青牛谷

舊志在凌霄峰下宋道士洪志善六甲盪魔祛病之術常乘青牛故名

淨妙院

舊志

在谷中一名淨妙寺僧念庵重建

宋僧道銓創 國朝僧慧明重建

亂螺山

舊志在凌霄崖西形如螺大小叢疊

太平寺

舊志在團山南亦名卧龍庵宋高峰禪師建明

僧行全修旁有

白石臺老虎石

太平澗

舊志在寺前水西南逕行龜峰與桃林諸水合

王楊

廬山小志

卷六

古蹟

九 嬋媛別館

坂

舊志在寺東南水逕金鐘堰羊頭壩入神林湖

李家山

舊志在白鹿洞東北李公擇居

寒泉亭

舊志在山麓蘇東坡題

羅漢嶺

舊志在鹿洞南

羅漢寺

舊志宋真宗時廣濟堅禪師創寺成章聖皇后夢十八應真乞歸廬

山遠高麗貢佛及羅漢金像因題額詔祀寺內並賜藏經及瑪瑙琴象皮鼓金鐘諸器其水因名金鐘堰後有觀音

泉觀音塔

玉澗橋

舊志在寺前宋紹興元年建下有烏龜石龜尾日出鹽四兩以給僧

炊僧少之夜鑿

雲臺庵

舊志在寺東南朱梁時鄭元

其口鹽遂不出

素攜前代圖書及二王真蹟

隱此四十餘年積書千餘卷初名鄭

元素書堂後改建庵水曰雲臺源

朱家山

舊志在白鶴觀西宋

朱弼居水出王楊坂

顏家山

舊志在朱家山東南向家山側與玉

京接壤相傳顏魯公居下有顏家橋

真武廟

舊志殿覆

琉璃瓦倍極壯麗明

太史鄧以讚書匾

廬山小志

卷六

古蹟

十

娜嬛別館

東古山

舊志在大漢陽之陽峙立聳秀

俗名比山增前有石門梅花洞

法輪院

舊志在山
上宋僧如

湛建明僧覺空重新東有觀瀑臺石剝觀

瀑臺增法輪院一名東古寺旁有法輪井

釣魚臺

舊志

在山麓增明侍講

章水橋

舊志在山南下水自開先
簡寂經橋漚出彭蠡康熙

余南坡釣隱處

閒星子令毛

流澌橋

舊志在章水南水自五老凌霄
西羅漢嶺繞玉京而出五老積

德琦重建

水所融也康熙閒

能仁寺

舊志在流澌南三里宋大
慧杲禪師居明初華山崇

郡守葉謙重建

長老
重興

江東道院

舊志在能仁寺南里許卽今南康府後倚峻山前距重湖名道院者謂其地之民淳事簡

也**增**宋淳祐閒知軍方岳初築土城明正德閒知府

陳霖鑿石甃磚建門五東潯陽南彭蠡西建昌北匡

廬小西曰星子嘉靖閒知府于聞復于城

真節堂

增在

府署宋南康軍徐思回建因堂有八杉故名朱文

公來郡求遺迹不得惟廳前老栢屹然仍以名堂

六

廬山小志

卷六

古蹟

士

鄉媛別館

老堂

增舊在府治西圃文公知軍時名武觀嘉定閒趙師夏以文公配五老改名六老紹定閒史文

卿改名天下壯觀淳祐閒陸德輿復舊名明永樂初

貳郡王禕遷建府川堂後旁有二賢祠祀周子朱子

愛蓮池

舊志在二賢祠後周子種蓮處周濂溪愛蓮

說水陸草木之花可愛者甚蕃晉陶淵明獨

愛菊自李唐來世人盛愛牡丹予獨愛蓮出淤泥而

不染濯清漣而不妖中通外直不蔓不枝香遠益清

亭亭淨植可遠觀而不可褻翫焉予謂菊花之隱逸

者也牡丹花之富貴者也蓮花之君子者也噫菊之

愛陶後鮮有聞蓮之愛同予者何人牡丹之愛宜乎

眾矣增周濂溪知南康軍時鑿上有亭朱子書愛蓮

二字南有友松亭增在府署東南高踞城闌

郡守石之爰建增平挹江瀨明嘉靖閒王濬

建田瑄移祀文昌舊志晏使君望

像改名文昌閣望雲亭香爐峰雲處

舊志在治西南增在治南一名護國院

星子樓增宋令李通建兜率寺宋僧法克建明僧天隱

居前有

通江橋

廬山小志

卷六

古蹟

土 鄉媛別館

天寧寺

增在治西宋崇寧閒初名萬壽院後改光孝院
淳熙閒改今名 國朝康熙閒巡撫董衛國郡

守廖文英重修

後有華陽館

紫陽堤

增在紫陽門外朱子因舊堤增築以防水患上
有張錦亭朱子建愛江亭宋知軍事史文卿建

文孝廟

增在西灣祀梁昭明永鎮塔增在城外 國
太子追封文孝故名 朝雍正閒建嘉

慶閒

重建

彭蠡湖

舊志在府東南增中有雁泊小湖水經注贛水

總納十川同湊一瀆注於江隋前概名彭蠡湯

帝以鄱陽山所接兼有鄱陽之稱圖經鄱陽湖東至

饒州餘干縣康郎山西北近南昌南康界唐十道志

彭蠡江南之大川也夢溪筆談宋熙寧中王師南征

有小蛇登船船師曰此彭蠡小龍以潔器薦之蛇伏

船便風日棹數百里至洞庭乃附商船回詔封神為

順濟王禮官至祠焚香蛇忽墜祝肩上祝曰龍君至

矣首如龜不類蛇首徑入銀香奩中不動既酌酒乃

自奩中引首吸之俄出循案行色如濕胭脂爛然有

廬山小志

卷六

古蹟

三

鄉媛別館

光尾尚赤前變雌黃色復變綠如嫩草色少頃行上

屋梁入帳不見明日使歸蛇送於船後踰彭蠡而還

落星墩

舊志在城南為府治西案一名落星灣上有石相

傳星精墜化增方輿纂要五代時楊吳以境內有

落星石置星子鎮石劄朱公永仲晦蔡季通汪清卿

程正思鄧邦老陳彥忠萬正淳俞季清來朱氏子在

侍淳熙庚子三月丁卯 朱熹奉處士叔父同王南

清俞子壽吳庚卿李秉文陳勝私趙南紀及表侄俞

潔已甥魏愉季子在俱來觀故張紫微安國

題字為之太息淳熙庚子十月十三日也

落星寺

舊志在墩上宋僧擇隆建旁有玉泉軒增一名法安院唐乾寧閒僧清隱建宋元祐勅名福星龍安院淳熙閒軍守趙彥驤作清暉樓後改臨津樓王世懋復建浮玉樓廖華改名德星樓在寺旁陳王僧辨破侯景兵處增玉堂閒記唐長興中廬山落星潭釣者得物如人狀戴鐵冠積歲莓苔裹之置潭側後經雨洗忽開兩目起就潭水盥手饋面語漁者本處土地山川之名及朝代年月問訖入水寂無聲迹吏民異之爲建祠於潭上

廬山小志

卷六

古蹟

古 鄉媛別館

冰玉澗

舊志在落星墩東旁有東臺劉凝之建

冰玉堂

舊志在澗上蘇子由謂凝之父子如

冰清玉潤郡守魯集因建堂南渡時使君曾致虛重葺增建是是堂浪漫閣增浪漫閣劉恕子義仲初始自號浪漫翁

後山

舊志在城西一里

獨善隱居

舊志在山下宋黃山谷爲陳圓題並贈詩云城

許與前山對峙中咫尺雲橫棧獨立前山望後山

陳慕寓居

舊志慕廉靜有守舉進士歷倅淇潭明三郡歸

寓山下
號星灣

少府嶺
舊志在城西以嶺下
壯節亭
舊志在嶺下朱子為
劉少府凝之墓得名
凝之建明守陳霖重

建

層城山
舊志在城西
斜川
舊志在山下下有九奇園即
一名烏石山
南湖釣隱園明經蔡十臣居

洪橋
舊志通錦屏舖明永樂二年知縣唐冕建
國朝康熙閒郡守廖文英葉謙遞修

廬山小志
卷六
古蹟
五 鄉媛別館

府田瑄
重修

玉京山
舊志在城西七里大湖濱一峰蒼秀雲山煙水如
列几席相傳節婦姚氏玉京墓此故名東南有玉

澗橋
一名上京山上有
陶靖節舊居
舊志在山下
淵明自叙詩

玉京觀晉道士黃遠智建
云疇昔
睡足庵
舊志宋崔閑居閑字誠老博學高
逸隱此以琴自娛號玉澗道人

清潭山
舊志與玉
京山接壤
烈女潭
舊志在山下明宸濠之亂甘氏
女清秀殉節于此俗名鷄公潭

爲唐家

堰水源

前山

舊志在城東

南一里許

馮去疾別墅

舊志在山上去疾宋嘉定

時進士知溫州增去疾都

昌馮厚齋子兄去非

去辯去弱皆顯貴

神掌石

舊志在城東陶公祠前

前石方而黑如掌形

官亭湖

舊志在城東五里岸旁有數圓

石明可以鑑增一名鄭亭湖

官亭廟

舊志在

湖上一

名鄭亭廟宋景德閒勅著祀典廟有神能使行舟分風上下祈禱輒應故其湖一名分風浦增子史精華

廬山小志

卷六

古蹟

六

鄉媛別館

廬山大嶺凡七重周迴三五百里南臨官亭湖下有

神廟七嶺會同莫之升者筇竹杖鄭亭廟世傳其神

爲青

湖莊

增都昌曹彥約別業彥約受業

洪君

朱子博古好文盛有法書奇畫

神林浦

舊志在官亭湖側一日

神林湖增東有觀蔣園

延慶寺

舊志在浦南增

宋僧悟恩建

蝦墓石

舊志在浦東上有令公廟相

傳令公神卽唐時張睢陽

錠山

舊志在城東北兩端

大而中小形如錠

土目湖

舊志在宮

亭湖南

鶴子石

舊志石峙湖中舟觸立碎明

司理廖文英捐鑄鐵柱俾人

知警柱重三萬餘觔高丈有四尺四維緝鐵練鎮以鐵牛石穿柱立數日湖湧黑物如牛狀乘巨浪往東

湖蓋蛟

精云

廬山小志

卷六 古蹟

七

鄉媛別館

廬山小志卷七

德化 蔡瀛 小霞 篡

山南自白鹿洞書院東行至梅溪湖

鹿洞山水纂要

白鹿洞脈自五老峰絕壁懸天一峰南下如頓萬馬可
二十里崛起一山四山環遶是為後屏山其下即今書
院卓爾山峙其前左翼山翼其左二山交織一水中流

廬山小志

卷七

古蹟

一

嫗孃別館

自犀牛塘聖澤源經鹿眠釣臺貫道溪枕流橋諸處
橋旁為勘書臺臺左為左翼山稍折而南名迴流山
跨溪為流芳橋溪前平疇數十畝隔溪層巒百
仞曰羅漢嶺為書院外岸此形勝之大概也

後屏山

增鹿洞志書院負山為勝若屏焉長松蔥鬱環匝
一二里許常有紅鶴巢其上萬歷七年大學士張
居正請禁偽學詔毀天下書院鶴忽去
十一年給諫鄒元標請復鶴仍來巢

太極亭

舊志距聖

殿後數百武增在山

喻義亭

舊志在山右壁嵌

朋來

正中明守彭夢祖建

陸象山義利辨

亭 舊志在山絕頂提學王宗沐建 增亭面五老雲端
峰巒拱若賓主第二峰頂有星巖霽光可矚最稱

奇勝

白鹿洞書院

舊志在後屏山下唐貞觀中李渤與兄涉
隱此讀書養一白鹿行常隨之人稱白鹿

先生謂其居曰白鹿洞寶歷中渤刺江州即隱地創
臺榭以張其事南唐昇元中建學置田曰廬山國學
宋初置爲書院與睢陽石鼓嶽麓並名宋祥符中史
館孫冕比部孫琛父子增修榜曰白鹿洞書堂後兵

廬山小志

卷七

古蹟

二

嫗嬛別館

燬淳熙己亥朱子守南康訪求遺址奏請白鹿洞書
院額軍守錢聞詩繼興元至元間南康路總管陳炎
酉繕修元末兵廢明正統中南康守翟溥福復興其
後御史陳銓唐龍提學僉事李齡副使蘇葵邵寶蔡
清李夢陽知府劉定昌袁懋貞王養正徐士儀遞修
後燬 國朝康熙間巡撫蔡士英按察李長春共清
洞租巡撫張朝璘繼修 增乾隆間權
使唐英嘉慶間權使阿克當阿遞修 禮聖殿 舊志在
院東朱
文公提舉浙東時捐建明正統間郡守翟溥福重建
易名大成宏治中提學蘇葵再建復名禮聖植雙桂

於殿前增明天順二年塑 宣聖四配及弟子像
郡守黃桂闢三門 國朝提學冀霖重創並請歲科
兩試洞童每取
四名入府學

御書閣

舊志在彝倫堂前 國朝康熙丁卯
頒賜十三經廿一史並古文淵鑿朱子全書周

易折衷等書增宋淳熙中朱子奏請高宗御書石經
及九經疏論語孟子等書舊有聖經閣聖旨樓並明

太祖勅建御殿後廢 國朝康熙閱巡

彝倫堂

舊志在聖

撫安世鼎疏請經史太守周燦因建閣

廬山小志

卷七

古蹟

三

嫗嬛別館

殿東舊名明倫堂明翟溥福建蘇葵重建內有 國
朝康熙丁卯 勅賜白鹿洞書院並邵寶正學

之門二匾又有文公簡黃商

宗儒祠

舊志朱文公建
祀周濂溪二程

伯二石刻並山水輝光匾

初名三賢祠文公歿後諸生繪文公像合祀明翟溥
福去二程易李賓客配以陶淵明劉凝之陳了翁劉
道原宏治戊午提學蘇葵止摹周朱像遷五賢於別
室提學邵寶配以朱子之從遊於洞者改曰宗儒祠
後趙淵並祀陸象山易名崇儒祠萬歷閱提學錢櫃
並祀王陽明增陳經歸皓配享仍標宗儒祠增後有

希賢堂明提學李齡建 周濂溪河南道州人字茂叔初名惇實爲避英宗舊諱改惇頤歷官廣南東路運判提刑以母墓求改南康軍奉已甚約餘俸盡周宗族妻子饗粥或不給亦曠然不以爲意 程顥字伯淳河南雒陽人與弟正叔同受學於周茂叔由進士歷官中允權御史常於座右書視民如傷四字以親老求近鄉得監汝州酒稅元豐朝與伊川講學於家著有定性書卒諡純公封河南伯 程頤字正叔年十八上書仁宗後遊太學舉進士歷官崇政殿說書輔導君德議論無所顧遜爲孔文仲董敦逸諸人

廬山小志

卷七

古蹟

四

鄉媛別館

忌毀歸田注周易與門人講學元符三年赦復宣德郎卒謚正公封伊陽伯

紫陽祠

舊志在夔

倫堂東朱子號晦庵宋淳熙間知南康軍勸學教民興利除害倡復洞學之功不可具述 國朝康熙庚寅教授熊士伯詳請建祠以從遊鹿洞林擇之等配祀壬辰 詔天下學宮升朱子于十哲次配享 丁卯 御賜學達性天額 增朱子言行錄先生諱熹字仲晦婺源人年十八第進士官至朝奉大夫華文閣待制常草萬言極道奸邪蔽主之禍以廟議不合焚諫藁自號遜翁卒贈寶謨閣直學士通議大

夫諡文著有易本義啟蒙著卦考誤詩集傳大學中庸章句或問論語孟子集註太極圖通書西銘解楚辭集註辨證韓文考異所編次有語孟集義孟子指要中庸集畧孝經刊誤小學書通鑑綱日本朝名臣言行錄古今家祭禮近思錄河南程氏遺書伊洛淵源錄洞志宋理宗寶慶二年贈朱文公爲太師封信國公紹定二年

先賢祠

舊志在文會堂前祀唐李博改封徽國公士涉李賓客渤南唐李洞主

善道朱助教弼宋明洞主起劉洞師元亨劉西澗煥劉秘書恕陳司諫權明李提學齡胡洞主居仁蘇提

廬山小志

卷七

古蹟

五

鄉嬭別館

學葵王侍制禕邵提學寶蔡提學清陳御史銓唐御史龍共十六人提學葛寅亮移宗儒祠左後有井李

夢陽

忠節祠

舊志在宗儒祠南祀諸葛忠武侯陶靖節春秋合祀先賢祠序於李博士上明

鑿

守田瑄遷建洗心橋東提學葛寅亮移建文會堂右

增諸葛丞相集漢獻帝建安十三年荊州牧劉表卒

子琮降操先主至夏口時孫權擁軍柴桑亮往說以成敗之機權大悅遣周瑜程普魯肅等水軍三萬隨亮詣先主敗操師於赤壁下瀛按諸葛入陣迄今尙存數處其在夔州魚腹灘者八八爲行二之則爲廣

都之陣四之則爲沔陽之陣按其義要皆則河圖爲
四層則洛書爲九軍則井田公私之制而有中外之
營則文王後天卦位而有天地風雲龍虎鳥蛇之號
蓋陣有八門門有三奇其按節氣日時干支取門擇
吉者均由洛書後天八卦推行而出至於主客二算
遊魯二都銀桌金歌罔非聖人慎戰之意 國朝魏
際瑞題墓詩云定軍山下栢蒙茸曠古精誠在此中
三尺孤墳猶漢土一生心事畢秋風孫曹未滅成何
世天地無知喪此公千載傷
情惟杜宇年年啼血樹頭紅

文會堂

舊志舊在夔倫
堂右宋守朱正

廬山小志

卷七

古蹟

六

嫗媛別館

寺建內有湛若水四勿箴心性圖說湛若水四勿總
箴心含天靈灑氣之精與地廣大與天高明惟精惟
靈貫通百體非禮一念乾知大始事雖惟四勿忘則
一如將中軍八面却敵精靈之至是謂知幾顏復不
遠百世之師聖遠言湮多歧支離一貫四勿毋二爾
思增宋紹定中軍守史文卿建五經堂於文會堂前
改名君子堂明守翟溥福提學蘇葵再建萬歷辛卯
郡守田瑄改宗儒祠址爲文會堂增建春風樓于堂
後

白鹿洞

舊志在彝倫堂後初有名無洞明守王溱闢一洞郡守何濬鑿石鹿置洞中萬歷辛巳有道人

遊洞索筆墨諸生恹不與遂拾蒲書屏墨色燦然未署紫霞道人編蒲為書八字石劉白鹿洞天何遷書

先賢書院白鹿勝蹟李時達書增清異錄白鹿洞

遊士輻輳每冬醪金市烏薪為禦寒備號墨金社月

令粹編十月旦鹿

思賢臺

舊志在洞上明王溱築上洞命酒為醴爐會

養正改名雲章閣石劉景賢臺思賢臺李時達書

理學淵源衡崖書 思賢臺劉世揚書增思賢亭今

廬山小志

卷七

古蹟

七

嫗嬛別館

名文

昌閣

聖澤源

舊志在書院西北增鹿洞古蹟溯澗至山峽中鳥道崎嶇攀蘿可入泉底仰視碧甍磊落蓬華

蔓延源從凌霄峰來由峽石瀉下數十丈大如瀑練

微似濺珠故一名小三疊石劉小三疊口口書 遙

通洙

鹿眠場

舊志在源左旁有石洞石劉鹿洞李夢泗陽書增上有鹿眠亭參議葛寅亮建石

劉鹿眠處

漱石

舊志在溪流湍激處石劉漱石

釣臺

蔡克廉書

朱晦庵書

柔樂處彭治書

舊志鹿眠漱石之東有大石方平正削盤據溪流文
公名曰釣臺李夢陽建亭其上石劄釣臺朱晦庵書

意不在魚

劉世揚書

原泉亭

舊志國朝進士千建邦建

流杯池

舊志溪流阻石

迴轉而出文公嘗與其徒環坐石上流觴浩歌石劄
流杯池朱晦庵書 流觴朱晦庵書 吾與點也之

意蔡可泉書 千古

不磨石劄觀物

卓爾山

舊志在書院前增隔溪橫亘數十丈
傍東竦立迤西山脊屈伏若峙玉几

高美亭

舊志在山

廬山小志

卷七

古蹟

八

鄉媛別館

巖明御史

大意亭

舊志在亭西明御史唐龍建

白鹿精舍

舊志在

石劄文行忠信朱

觀德亭

舊志在山南崖石劄觀德
朱晦庵書增前有射圃

晦庵書陳綽摹

聽泉石

舊志在文行忠信石上
石劄聽泉朱晦庵書

風雩亭

舊志在聽泉
石東上蔭喬

木下俯清流文公每與諸生列坐其下

石劄風雩

隱處

流杯朱晦庵書

光風霽月亭

舊志在風

友善堂

舊志在聽泉石南
增宋守陳洽建

雩亭北

貫道溪

舊志在書院前水自凌雲峰來經書院前東流出峽增石劉源頭 洗耳永城書 洙泗真源

余文榮書 悟說嵩人書 源頭活水 有本郭櫟書 不息 不在深左觀瀾書

貫道橋

舊志在櫺星門外朱文公建明景泰間郡守陳敏政重建提學李齡郡守田瑄遞修亭其

上日遊

息亭

洗心橋

舊志在貫道橋東石劉砥柱李夢陽書 觀瀾彭治書 逝者如斯原敬

書增明正

德末年建

廬山小志

卷七

古蹟

九 嬋嬋別館

左翼山

舊志在書院東增若翔若垂上周羣巘下臨三峽

聞泉亭

舊志在山上增明巡撫何遷建

面羅漢嶺

勘書臺

舊志在山下厓石峻削下臨湍澗宋李萬卷勘書處明提學邵寶亭

曠絕可愛

其上日獨對亭又上有好我亭御史何遷建增下有七姑廟淳熙間建祀李渤女文公額曰烈女廟 風

泉雲壑亭

舊志在臺西一名崇文閣李山長建石劉風泉雲壑陳淳祖書增上有泉自洞左流

至右崖懸瀑丈

餘號小瀑布

聖澤泉

舊志在風泉亭西石劄聖澤之泉 嘉元丙辰之臘月太守黃陵趙公修白鹿書院十有六日

知縣事梁翊以督役至此教授吳中

堂長吳堯佐學錄余坦直學趙規

小三峽

舊志在泉東貫

道溪流合院左水出峽飛湍陡絕聲如鼓吹狀若釀

雪噴若煙霞誠勝境也石劄白鹿洞 勅白鹿洞書

院 瞻彼白鹿文猶在茲高

枕流橋

舊志在峽口上有枕流亭石劄

山仰止逝者如斯陳沂書

枕流 永嘉陳淳祖假守是邦被命造朝以書考日

謁辭鹿洞會講預者元寮於邱璉山林棟堂長陶桂

廬山小志

卷七

古蹟

十 嬋媛別館

一洞正□□與仁前洞正主祠□錄張傳一講書劉

□□陶應子黃有開堂書杜端甫直學傅仕龍歐陽

新學諭與諸生幾百人景定庚申良月旦日題 番

陽李侯駿嘉定戊辰歸自武昌訪書院經小三峽愛

清泉之奔流懸崖之對峙出橐貲與白鹿洞諸生創

亭峽上後十年戊寅郡人胡泳以三山黃公幹所留

郡守陳宓復鼎新崇大之扁以枕流亦莫揆首創之

由也又四年壬午李侯守池陽泳客於池助聞其始

末乃秋侯之子仁廣甥夏昌宇昌辰實來合洞之士

友七十有八人舉酒亭上相與歎歲月之易流幸來

者之有繼也因書其事刻真崖石七月壬申胡泳題

增石劄清如許 洞門重開蔡可泉書 仰思穆相

書 有本如是郭櫟書 白鹿 百花亭 舊志與枕流

洞何遷書 白鹿洞劉平嵩書 亭隔溪相對

李萬卷建 **增**李萬 自潔亭 舊志在洞口石劄自潔朱

卷雜植花木故名 文公嘗書此名洞溪今逸

其蹟嘉定乙卯莆田陳宓謹書 鹿洞朱晦庵書

蹲鹿坡方臺書 **增**石劄洞門深鎖蔡可泉書 白鹿

洞 義路 引 如見亭 舊志在橋西

人入勝郭櫟書 郡守周燦建

廬山小志 **卷七** 古蹟 十一 鄉嬭別館

廻流山 舊志在枕流橋北雄當水道溪流逆折而南故名 六合亭 舊志在山巔明守劉章建 **增**下

有名教樂地 流芳橋 舊志在亭東下一名濯纓橋石

坊葛寅亮建 新安朱侯在

郡時建橋面直五老溪流紺潔未之名同遊江西張

琚羅思姚鹿卿岡張紹燕潘柄郡人李燔胡泳繆惟

一會講洞學畢相與歌文公之賦特名流芳旣揭 **古**

楣間因紀岸左嘉定戊寅四月丙午莆田陳宓書

國學坊 舊志在橋西舊名前修逸蹟坊 **增**

明御史曹怵建一曰聖域賢關

溪口橋

舊志在迴流山東俗名觀音橋北有書院石華表知縣崔孜建

白鹿源石橋

舊志

在溪口橋東

增朱文公建

梅溪湖

增在書院東溪流曲折兩山夾送東自書院左翼山迴流奔羅漢嶺逆迤至湖

歷代肄業可考者

唐

李涉

舊志字清之號玉溪子增洛陽人渤兄官太學博士全唐詩話李涉過九江至皖口遇盜豪首曰久

廬山小志

卷七

古蹟

十一

嫺媛別館

聞詩名願題一篇足矣博士贈一絕去乾符間進士李彙征至循州遇韋思明年八十餘迎入談至李涉詩酷稱善征吟曰遠別秦城萬里遊亂山高下出商州關門不鎖寒溪水一夜潺湲送客愁華表千年一鶴歸丹砂為頂雪為衣泠泠仙語人聽盡却向五雲翻翅飛思明復吟曰因韓為趙兩遊秦十月冰霜渡孟津縱使雞鳴見關吏不知余也是何人滕王閣上唱伊州二十年前向此遊半是半非君莫問西山長在水長流吟畢愀然變色曰老身弱齡不肖遊江湖為不平事後於九江遇李涉博士蒙簡一詩因踪跡乃持觴而酌反袂而歌云

春雨瀟瀟江上村綠林豪客夜知聞相逢不用相迴
避世上如今半是君彙征於是見李博士手翰云 **李**

渤 舊志字濟之長慶間官諫議大夫太子賓客歷事三
朝有直諒聲雖屢以言斥而耿介不挫卒贈禮部尚

書 增貞元中渤與兄涉偕隱廬山後徙少室山元和初
以右拾遺召不赴韓退之貽書有景星鳳凰爭先快觀

之語

顏翊 舊志魯公後居洞三十餘年
進修不怠 增翊後仕永新

廬山小志 **卷七** 古蹟 **三** 嫿媛別館

南 **伍喬** 舊志德化人一夕見人掌自牖入有讀易二字因
唐 探索精微後試八卦賦第一官考功郎 增喬居廬

山浮屠夢一大星芒色甚異傍有人曰此伍
喬星也既覺乃傾資使入金陵舉進士第一 **江為** 舊志
梁侍

中淹之後與廬陵劉洞同 **孟歸唐** 增書影孟歸唐肄業
師處士陳貺讀書洞中 廬山國學課瀑布詩

得練色有窮處寒聲無盡時之句鄰房生亦書此聯爭
之訟于官各以全篇格定歸唐為勝後仕大理丞江州

羣吏詣都猶指
曰訟詩生也

朱楊徽之

舊志字仲猷建州浦城人官翰林學士卒贈太子太師謚文莊 增 灑水燕談錄楊侍讀徽之以

詩百篇獻太宗選書屏上梁周翰詩云

誰似金華楊學士十聯詩在御屏風

劉式 舊志字叔度清江狀

元五子俱登第孫

劉元亨

舊志字子

蒯鰲

舊志宣城

段

做效尤以文學著

嘉南康人

人官中丞

鵠 舊志字正己

廬陵進士

元

黃異

舊志字民同官惠州學錄陳友諒據江州聘之不起

廬山小志

卷七

古蹟

西

鄉媛別館

朱子門下講道洞中者

林擇之

舊志字用

蔡沈

舊志字仲默號

黃幹

舊志字直

中閩人

九峰建陽人

卿號勉齋

閩人 呂炎 呂燾

舊志炎字德明燾字德昭建昌人兄弟五人從學朱子

胡泳

舊志字

伯量號

桐栢建

李燿

舊志字敬子號宏齋建昌進士 增 宋史李

昌人

燿傳九江蔡念成稱燿心事有如秋月

黃灝

舊志字商伯

彭芳

舊志字季正都昌

彭蠡

舊志字

都昌進士

人官閣學謚文正

師範都

昌人官吏

部尚書

馮椅

舊志字奇之

都昌進士

張洽

舊志清江人嘉定

山中第官通判

陳

宓

舊志字師

復莆田人

曹彥約

舊志字簡甫

官兵部尚書

周謨

舊志字

舜弼

余潔

舊志

字伯

李暉

舊志字

伯叔

劉賁

舊志字

煥文

熊兆

舊志字

世卿

蔡念成

德

安縣志念成字元思號季達元虞集義學記文公講學

白鹿洞元思從之遊隱居求志樂道不仕因倡道州里

服行其化者甚眾元思之事

文公猶孔門之有顏曾也

廬山小志

卷七

古蹟

五

鄉媛別館

廬山小志卷八

德化 蔡瀛 小霞 纂

山南自觀山東北行至鷹嘴崖

觀山

舊志在五老峰東以尋真觀得名

詠真洞天

舊志唐女道蔡尋真煉丹處

以為第八洞天蔡尋真修煉於此嘗有詩名闌干曲江漢陽志明天啟間孫化南愛詠真洞幽秀作墓園

廬山小志

卷八

古蹟

一 嫗嬛別館

投身封之朝夕誦皇經禮北斗以清淨自然為宗坐圓三載一夕吐三昧火鬚眉皆焦遂蛻去

尋真

觀

舊志在山下貞元中蔡侍郎女尋真與李林甫女騰空同入廬山學三洞法蔡居九疊屏南詠真洞

天李居屏北並以丹藥符籙救人後仙去九江守許渾請賜觀額詔以詠真洞為尋真觀騰空所居為昭

德觀

增

一名冲虛觀後有綠淨亭石劔新安朱熹仲

晦永嘉薛洪持志口口張楊卿清吏縉雲王仲桀之才會稽陳祖永慶長林江劉清之子登長樂林用中擇之樂陽趙希漢南紀宜春彭樓子應宜春彭鳳子

儀溫陵許子春景陽口陵郭植長樂余隅占之臨懷
張彥先口口淳熙辛丑口月丙戌至此蒲田傅公彌

長樂陳士直舊志在山下即明羅洪先書堂

彥忠先歸 虛白館 前有雙澗流後有靈龜峰獅子

虎嘯麻姑諸崖四隅環列別一壺天羅公號念庵年

十五嚮往陽明之學後中嘉靖己丑狀元罷官歸講

學石蓮洞坐所製半榻謝客三年不出戶事能前知

增羅念庵官春坊贊善以諫東宮事宜歸隱廬山屢

薦不起卒贈光祿大夫謚文恭其 白龍潭 舊志在山

生卒皆可考俗云仙去竹林寺謬 半內有金

廬山小志 卷八 古蹟 二 嬋媛別館

蛇禱雨輒應舊有惠澤

龍王廟水曰尋真源

龍雲寺 舊志在觀山西南舊名永福院

巖頭窳禪師建旁有龍雲洞 雨花洞 舊志在

霄峰 華嚴寺 舊志在寺西南舊名般若院宋僧規圓

下 建東有楊柳橋水由獅子峰東經寺出

華蓋石 舊志在華嚴寺東南去石牛山南二里許一名

壽聖無疆石石劖朱仲晦父與王之才蔡季通

胡子先鄧口老胡開仲同飲此石望五老峰淳熙七

年上章困龍孟口癸酉口口書 風雩朱晦庵書

聖壽無疆頌並序草茅臣周頤撰恭惟光堯壽聖太
上皇帝道運無積功成不居蕩蕩巍巍與天同造者
齡延長振古未有皇帝卽位之二十四年申命有司
討論典禮加奉上尊號冊寶越明年元日率羣臣詣
德壽宮上壽肆推慶澤用大賚於邦家於戲盛矣哉
臣幸際亨嘉身同鼓舞宜有歸報之辭殫厥形容之
美勒諸名嶽震耀無窮謹拜手稽首而作是頌頌曰
聖皇丕承駿命誕膺紹開中興六龍御天握符總權
三十六年尺土一民涵養和醇如海如春大器宅中
付以至公退養淵冲揖遜寥寥惟我熙朝視古陶姚

廬山小志

卷八

古蹟

三

鄉媛別館

功隆德兼帝心日嚴養以色占龍樓燕開問安旣還
喜見天顏顯號重都玉鏤金塗三騰嵩呼王春履端
慶典隆寬聳爾聽觀長光初霞清蹕翠華肅無敢譁
簫韶九成合奏在庭千官列星皇帝奉觴以介鴻龐
來崇來降雨露恩深曠儀自今萬國謳吟小臣何知
敢無祝辭百拜由之願聖人壽百千歲周爲春爲秋
頌聖人壽至尊躬迎玩意神京南斗之旁五老昂昂
祥烟壽光作頌爲何蒼崖可磨書刊嵯峨聖壽日躋
茲峰與齊億萬年兮淳熙八年秋八月刻石於五老
峰前奉儀郎權知江州軍州兼管內勸農事借紫臣

王漑朝請郎權發遣南康軍兼管內勸農事賜緋臣
葉窳同立增南康府志石上大下小圍幾數丈載以
一幹如

張華蓋

麻姑崖

舊志在觀山北巉
削壁立數十百仞

普庵洞

舊志在
崖下

鐵壁峰

舊志在麻姑崖上一名大鵬峰崖半有石榻方目
疎櫺如出神工去地數十丈旁有誌刻高不可辨

增

下有鐵壁精舍

國朝僧伊庵居

廬山小志

卷八

古蹟

四

鄉嬛別館

鶯嘴峰

舊志在五老峰
側九疊屏上

瑞雲崖

舊志在
峰下

毘盧峰

舊志在鐵
壁峰側

玉川門

舊志在峰下為三疊水口壁立
萬仞兩峰相磕中穿一竇澗行

處石白如玉故名石

凌雲舍

舊志在門外旁有水竹
居增凌雲舍唐僧大德

劉玉川門劉世揚書

為熙怡大師剗旁引泉竇近

躡松壑雲岫丹巖勢若屏牖

三疊泉

舊志在玉川門上九疊谷內一名三級泉上級
水自大月山經五老峰北飄雲拖練懸注二級

大磐石上既激於石散落蒙密如雨如霧飛灑三級
大磐石上滙爲洪流轟轟萬人鼓聲如玉龍奔注潭
底 國朝孝廉范初謂新瀑之勝不讓谷簾常有詩
寄張宗瑞云九疊峰頭一道泉分明來處與雲連幾
人競賞飛流勝今日方知至味全鴻漸但知唐代水
涪翁不到紹熙年從茲康谷宜居二試問真巖老詠
仙石剽宋嘉定□□□元呂師□□ 宋紹興□年
□□太守史文卿至此 天泉 谷簾泉 三疊泉
源出大 水簾洞 舊志在泉下蒼崖峭削有石橫亘水
月山下 注如簾明永樂間梵僧怛哈穆棲此

廬山小志

卷八

古蹟

五 嬭嬭別館

洞年百有七十四歲增

石剽金熬石王蒙修書

鈴岡嶺

舊志在三疊谷

觀音巖

舊志在嶺上旁有觀音洞

北俗名大山

深半里許高五六丈上露

天光一名星壑巖增石

竹林院

舊志在洞旁石剽

剽可以窺天莊同生書

影疑躡鄧旭書增唐

僧法

仙人磨

舊志在嶺上圓石積疊如磨南麓

熙建

有亭子石松鳴谷應若有人居

大梁津

舊志在觀音洞東上大嶺過脉下結青山形如

梁長數十丈廣不盈尺四圍皆山下臨無地增

梁當大鵬峰前坐

觀三疊瞭如指掌

石牛山

舊志在觀山南
一名卧牛山

棋盤石

舊志在山上相傳蔡尋真
李騰空奕棋處

遊記石頗險仄對望半

天青壁傲雲洪瀑哀響

相辭澗

舊志在石牛南俗名相思澗昔李騰空師事蔡
尋真於詠真洞術成去居昭德觀別蔡於茲故

元集虛隱居

舊志在澗旁唐貞元中集虛隱此與
白香山友善

廬山小志

卷八

古蹟

六 嬋媛別館

詩云明月好同三徑
夜綠楊宜作兩家春

相辭橋

舊志俗名相思橋在澗
下水自三疊泉經石牛

山出
橋畔

長嶺

舊志在石牛迤
東傍湖獨峙

迴風寺

舊志在嶺下迴風嘴宋僧
惠益建

馬

頰湖

舊志在
寺西

青山

舊志在長嶺東北大廣
湖東湖漲則在水中

桃花庵

舊志在山上
內多碧桃

香山

舊志在石牛東
北上多香草

佛佑庵

舊志在山西下明僧
宏贊建旁有龍王井

古佛庵

舊志在

庵東北

觀音洞

舊志在佛佑庵西南
山中內有觀音像

九豬澗

舊志在洞前
俗名野豬窪

女真潭

舊志在佛佑庵東北以蔡尋真李騰空
得名水與九豬澗合流南入大廣湖

登雲寺

舊志在潭東北僧登雲建明僧月明重修後有登雲

石旁有巨石四仙中徐道人常坐其上今祖之

廬山小志

卷八

古蹟

七

嬭媛別館

名登

雲院

固城山

舊志在香
山東南

石子山

舊志在固
城東南

茶山嶺

舊志在
石子北

穀山湖

舊志在嶺東湖旁
有山常生禾稻

卓嶺

舊志在香山東北勢與香
山並嶺巔有田三數十畝

昭德觀

舊志在嶺東唐女
真李騰空居昭德

皇后常施金幣闢土田因建觀宋皇祐中

賜名延真前為昭德源

增旁有昭德源院

屋脊嶺

舊志牯牛東南支山也與鈴岡嶺爭勢巉削角立疑如攢戟

女

兒城

舊志在嶺下兩山迴合東豁如門

箒子林

舊志在城東吳贊字箒謹拂雲箒出廬

山莖大如指竹杪細葉密

翠如箒人採為方物贈人

麥社山

舊志在屋脊東北西南為海螺城石疊如螺

大麥社

舊志在山下元人避兵種麥處

庵

舊志在社中與仁王寺近舊有上下二庵俱廢復建一顏今名

廬山小志

卷八

古蹟

八

嫗媛別館

劉家砦山

舊志在麥社東北以劉氏避兵故名

劉家砦洞

舊志內多遺骸刀劍盤孟伏翼飛掠

炬不得燕

王家坡

舊志在人無敢入洞下

大澗山

舊志在麥社東南巉削如屋脊嶺

大澗

舊志水由麥社南破中循山東北

磨刀澗

舊志樵人磨刀處水由大澗

澗山南東北行與大澗合

恩德嶺

舊志在麥社東橫出高險阨大澗水與磨刀澗合流其下

朝陽庵

舊志在嶺上旁有朝陽澗

馬英山

舊志在恩德嶺北

淨慧寺

舊志在山下宋昌院禪師建明僧繼成重建

大士泉

舊志在寺中有二穴上水下涸蓋瀾洑也爾雅云泉一有水一無水為瀾洑

丁僊井

舊志在寺

西井深莫測丁僊牧豎也

頗神異鄉人祀以祈雨

梭子澗

舊志在恩德南大山峽中竹樹蒙密山峽幽邃水經香山出恩德嶺東與大澗磨刀澗浮橋台

出淨

慧寺

廬山小志

卷八

古蹟

九

鄉媛別館

張家山

舊志在馬英東北數峰連亘劉宋時張季鷹居此季鷹名翰少有隼才嫺詞賦號江東步兵齊王辟

為東曹掾往洛陽見秋風起乃思吳中蓴鱸遂

大成

命駕東歸居廬山未幾齊王敗其見幾如此

寺

舊志在山下牛角衝西宋乾道中雲峰禪師建前有瀑布水南行與淨慧水合經箬山入大廣湖

舊名大

高壠

舊志在大成寺墟山環如城

成庵

浮橋山

舊志在大成寺東北勢極高峻

浮橋庵

舊志在山半澗道險遂明僧德觀為橋濟人故名後

有花

果園

佛頭峰

舊志在牛角衝東北 **增** 一
名撲頭峰下有佛陀庵

睡龍潭

舊志在峰下

大雄峰

增 在佛頭峰側

大雄庵

舊志在峰下唐僧尋山建僧慧嚴重修

玉巒峰

舊志在佛頭東北奇崛峭峻如削碧玉

僊居洞

舊志在峰下峰巒廻合中豁一區岌業遠

深內有白龜池

慧日寺

舊志在洞旁宋僧如義建明僧惠廣重建 **增** 一名慧日院

廬山小志

卷八

古蹟

十

嫻嫻別館

破山

舊志在玉巒前山石骨立巉削如裂水自慧日經山下南入穀山湖

鷹嘴崖

舊志在玉巒東北

青牛洞

舊志在崖西

智林寺

舊志在洞前卽慈雲院晉僧濟

法創明僧惠宗重建水東南流與慧日寺水合

王一翥草堂

舊志在寺旁 **增** 一翥黃岡孝廉

博學逸才明季隱此

雲頭庵

舊志在寺西南

廬

山

水

寺

507325

36.86

3



廬山小志卷九



德化 蔡瀛 小霞 纂

山北自吳章山東北行至南湖嘴

吳章山

舊志在鷹嘴崖東北東有小山亦名香爐峰

金盤寺

增在 山麓

觀易臺

舊志在香爐峰上平石縱橫三丈餘明提學薛應旂坐此若有所悟參議王遵巖為築臺

紫

廬山小志

卷九

古蹟

一

鄉媛別館

雲庵

舊志在臺西修竹長松人跡罕到

馬祖山

舊志在吳章山東南水分二道一自夏家橋女兒港一自廣信橋黃婆嘴共入彭蠡湖

馬祖

寺

舊志在山巔唐馬祖道一禪師居山一紀因建寺旁有馬祖泉馬祖洞白蓮池

增

國朝乾隆間僧

如傑重修上有暢觀亭

嘉慶初權使全德建

小龍池

增在馬祖寺後宋時因池建寺 國朝僧鹿門參元遞修

香積寺

舊志在馬祖寺東旁

有虎洞增景超禪

師建僧曇石修

孤塘山

舊志在馬祖東北鄱陽湖濱增山麓有天妃廟 文昌閣觀瀾亭

白泉寺

增在山下 國

朝順治間僧柴立復建時有老僧妙光勤誦法華將逝積薪如岩念佛入座手自灼紙取燄恍見金色如來眾為建塔於寺

前內有白泉井

女兒港

舊志在大孤汛增相傳舊名羽林港距金沙洲不遠明祖鄱湖之戰有飛沙不過羽林港之說

廬山小志

卷九

古蹟

二 嫗嬛別館

塔尖山

舊志在吳章山東北

龍泉寺

舊志在山麓晉慧遠建明僧祖觀重建內有龍泉井水經朱橋

入方塘湖廬山疏十八高賢傳言慧遠構庵于西林之東以居曰龍泉精舍其後桓伊為請立寺曰東林則遠之龍泉即今東林寺也此蓋假託其名云

仁壽寺

舊志在山東寺東北為朱橋

金沙洲

舊志在山東北水濱洲沙日映粲然昔明太祖與陳友諒戰諒有術士嘯風揚沙風忽轉諒軍

盡昧藏

洲上

大孤山

舊志在金沙洲東大湖中俗名大姑山夏禹秦皇俱有石勒嘗有神鴉逐客舟接食高下不失石劔

雲眠米芾書增大孤山在彭蠡洪濤中屹然獨峙如

履形橫截水口有大將當關萬夫咸服之概躡醢唐

徐敬業為武氏亂隱大孤山為僧法名住括後證第

四果瀛按大孤山即鞋山舊以孤塘山為大孤山而

于金沙洲東別紀增在山巔舊名寶陀明僧

鞋山今特正之馱峰寺增在山巔舊名寶陀明僧

今名 國朝嘉增在山巔 國朝康熙間巡

慶間邑紳增修 凌雲塔增撫安世鼎學憲邵遠平重建

廬山小志

卷九

古蹟

三 鄉媛別館

洞林山

舊志在吳章山北

白馬將軍石宅

舊志在山上陳友諒攻南昌立柵山上扼鄱湖

以塞吳章道後軍敗其將乘

白馬者輒著靈異村民祀之

硤石谷

舊志在洞林北兩山夾道深隘如巷增中有峽石庵

覆船山

舊志在硤石東北形如船覆

方塘湖

舊志在山下東西長十數里水東北歷磨石壠入鄱

湖北有陳和橋一名黃荆橋增方塘湖一名芳蘭湖
春夏湖光潋灩秋冬一溝泓靜岸草如蘭明少參黃

堯彩構

廬其上

九龍灣

舊志在方塘湖濱洞林迤北有小山為長嶺歷磨刀澗東北蜿蜒十七八里行至嶺末有九水

會故名內有陶大母墓元徐壽輝天完神將陶九之

大母也墓有神靈村民以重五及重九致祭有鯨魚

神龍歲以九月上旬鼓浪

陶九相公廟

舊志在灣內

乘風抵墓所謂之朝墓

明正德中九

江大旱父老躋黃梅五祖寺迎陶

公沉香木像歸而大雨建廟祀之

廬山小志

卷九

古蹟

四 鄉媛別館

牛頭山

舊志在九龍灣側西為麥苴湖

高山廟

舊志在山東北西為桃花壠陶家山崇德舖

江磯山

舊志在九龍灣東北大江濱

江磯寺

舊志在山上崇德舖增晉建國朝乾隆初僧續鼎

重

建

南湖嘴

舊志在江磯東北突出湖心數里左江右湖與青山白石相望勢扼險要明祖征陳友諒劉基

請以金木相犯之日勝從之八月八日移屯嘴上友

諒糧盡大破之增上有韓晟廟明太祖戰鄱湖將軍

韓晟卒於

陣故祀之

虎山

舊志在吳章山西有石如虎與天花井獅子巖對峙

增 醮醮李唐時虎石夜出竊食村雞土人鑿其頤害

遂 舊志在山上比邱海光住庵夢一人長而

寢 石虎庵 懼衣斑衣自言願捨身為庵中供養具俄

有笋生階下紫籜斑然如所夢衣色成竹長六七尺

無節黃綠瑩淨 清異錄光夢竹自稱圓通大士乃

用為柱杖

目日直兄

廬山小志

卷九

古蹟

五 嬭嬭別館

火山

舊志在虎山西南

邃谷中尖燄如火

龍潭庵

舊志在山西南黃茅

衝下旁有龍潭故名

天花井

舊志在虎山西北山頂砥平中為坎窞內列三井

面井為寺曰天花寺後因厨下龍水徙建馬尾水

衝井北為湧水泉西為朴樹凹西南為黃茅衝北有

水道如永巷高廣可一尋水經濂溪墓西北行為濂

溪港 增 天花寺晉釋慧

遠建井東有祝龍寺

寶積寺

舊志在山北麓宋僧

允光建明僧道復慈

瑛行勇遞修 增 一名寶積庵

興福庵

舊志在寶積

有宋時銀杏一株大十數圍

西南山峽中

獅子崖

舊志在天花井 獅子庵 增在崖上

了髻山

舊志在天花井西北鳳凰山西南脉自天花井東北烏稍嶺行至此山分爲九支西踰磨刀澗入潯

東門盡於湓浦港又小支自栗樹嶺益西爲城

寶巖

南石塘鋪諸岡阜盡於孫家湖 增 上有新民寺

寺

舊志在山側香巖閑和尚道場初閑善辯欲事瀉山佑瀉已先知甫入門詰以身前事閑無以應他

日芟草擲瓦擊竹有聲忽大悟 瀛按形家地脉束卸皆低處舊志謂潯東門外諸斷處爲元明所鑿誤

廬山小志

卷九

古蹟

六

鄉環別館

栗樹嶺

舊志在天花井西北一名三起山了髻支也南下有周濂溪先生墓先生母遷居縣太君鄭氏初葬

丹徒爲水齧時先生由廣南提刑乞知南康軍遷葬

此山清泉社明年先生卒葬墓左明守童潮輯祠置

田提學邵寶請著祀典 增 先生元配縉雲縣

天子堂

君陸氏繼娶德清縣君蒲氏均附葬墓右

舊志在

嶺西南

大源山

舊志在天

九峰庵

舊志在山西南卽馬尾水庵 增 一名九峰寺 國朝乾隆初權

花井西

使唐英爲僧近如製磁碣序云證因緣而來了因緣而去人呼因緣碑嘉慶間太守方體增建了因精舍

右有清俸橋唐英造石 **馬尾水谷** 舊志在山下谷轉西南行益深遂澗

劉馬尾泉桐封寅保

北峭壁如崇墉增大源之水繞庵經 **興隆寺** 舊志在大源西

清俸橋激石紛流如馬尾然故名

宋僧質曇建明僧祖祥師益圓望遞

修因寺西有馬鞍山亦名馬鞍寺

龍門山 舊志在大源西南崖石奇峭路徑險仄谷口有大龍潭故曰龍門 **龍門寺** 舊志由澗西遷

廬山小志 **卷九** 古蹟 七 鄉媛別館

建山巔絕壁有洞字刻 **水天庵** 增在谷口白蓮石下漫漶增唐白雲端師居 明初懶道人居 國

朝僧元微修下有龍潭石 **歸元寺** 增在山下一名歸元庵

雙劍峰 舊志在龍門西下有小天池冬夏不涸常有龍居下有劍峰庵增高槐堂志 國朝乾隆十九年郡

守董榕以雙劍擬秀 **定慧庵** 舊志在峰下增蹠醮相如筆改名雙筆峰 傳明初赤脚僧寓此

國朝乾隆十六年 顯親 **掬水庵** 舊志 國朝

王賜松風臨水四字額 僧湛然建

錦繡峰

舊志在圭壁西南山色葱蒨下為錦繡谷與佛手巖近

錦繡庵

舊志在峰下增相傳明周

顛仙

寓此

鳳凰巖

舊志在雙劍西南山椒有石如雞一名雞公石增石剝蓮峰最高處

雲中庵

舊志在巖下增

僧可

明建

蓮花峰

舊志在錦繡西南數峰攢簇如蓮西北為塘塍壩兩涯遂澗陡絕窄徑孤危增上有薜蘿亭明左布

廬山小志

卷九

古蹟

八

嫋嫋別館

政萬衣建蹠醢昔有僧夜見火光大如斗盛於天池之佛燈三水小牘王元仲登蓮花峯頂約寺僧起烟

為信數日果有烟起二旬乃下僧問

蓮花庵

舊志在峰下明

之曰上有池菡萏盛開中有破鐵船

僧大遷修增相傳天眼尊者所居

國朝順治間融

成禪師復建萬堯一蓮花峯乞言峯頂有庵名蓮花

為古道場明大安禪師居之大司馬汪南溟建毘師

閣僧融澄建大悲壇余建正佛殿茲山實多奇勝自

雞公石寶幢峰而下盤旋曲折委蛇展舒突起五峰

結聚一區中開寶所方廣數畝一朶芙蓉浮於天際

峰頭萬仞四望無邊下瞰塵世渺如粟粒至重巒峭

石古木奇花

未易殫述也

高阜庵

舊志在峰下晉
荆明僧行澍修

董奉杏林

舊志在蓮花峰麓奉字君異三國吳時閩之
侯官人有道術治病不取錢重病愈者使栽

杏五株輕者一株數年鬱然成林後杏熟命買者不
須報將穀易杏人有置穀少而取杏多者虎

輒吼而逐之奉得粟盡給貧民

太乙觀

舊志係董奉道場即祥符觀一名太乙宮初交州刺

史杜燮死三日奉治得甦燮語人曰死時如夢聞人

廬山小志

卷九

古蹟

九

鄉媛別館

云太乙使使來索見二人乘車張赤蓋持節呼燮載

歸奉後來廬山治病輒見靈異在世近三百年後仙

去宋祥符間建觀祀之

增

真仙通鑑人有女為白龍

所崇謂能已之當以為嬾奉斬魅女遂歸奉不孕覓

一養女年十歲奉仙去嬾女賣杏取給虎守如奉在

時高槐堂志

國朝順治元年廬山太乙觀芝生九

本

蓮花洞

舊志在蓮峰北麓四山壁立左有
一洞高丈許藤蘿交蔭泉滴不竭

濂溪書院

增 在

洞側書院舊在濂溪港 國朝乾隆丙子郡守董榕
移建此蓮花洞書院圖入界有石華表刻濂溪書院
四大字沿溪斜上踰濯纓橋至院門中爲聖學門左
署明通右署公溥字聖學門內爲蓮池跨池爲泮橋
直達立誠堂堂右爲師道堂面聳層巒烟環霧繞故
有隱几看雲岑額由立誠堂而上爲太極廬又上爲
周元公祠傍祠左爲愛蓮亭右爲交翠亭又左爲光
風亭又右爲霽月亭光風愛蓮之間爲拙堂有泉曰
清泚泉祠後倚山有堂在山之半曰聖蘊堂
山巔有尋樂亭左爲生意亭右爲灑襟亭

谷口草

廬山小志

卷九

古蹟

十

嫗嫗別館

堂

舊志黃雲師築在蓮花洞口明黃雲師官給諫

其孫圖以康熙甲午鄉魁丁西北上從兄堂夢老

入袖一聯云五陵春色來山谷上

報國寺

舊志宋僧

苑恩光映草堂次年果捷南宮

守建增

今名報

迎霄院

增在報

恩觀

恩寺上

龍蕩崖

舊志在蓮花峰水口增石劔古龍湫 連峰一徑

入絕壁兩巖開杖底淙淙雨衣邊溘溘雷寥天柝

片葉下界點蒼苔最愛龍湫碧

蒼顏鑑幾圓御史張西良題

石船澗

舊志在龍蕩水口中流有石如船形

芋栗園

增在澗北明進士萬嗣達講學處

劉僊官壇

舊志仙官名綱漢時謫居峰下增搜神記德化張令累金積粟秩滿歸京道華陰有黃衫

者解囊出一軸書云泰山主者牒金天府第三行書云貪財好殺前德化縣令張某卽張君名令泣使者曰今有仙官劉綱謫居蓮花峰下足下往求奏章令往哀懇仙官乃書符焚香經時天符降仙官覽訖謂令歸舉足已失所在

廬山小志

卷九

古蹟

十一

嫗孃別館

圭壁峰

舊志在雞公石東北峭直如圭增臚醢釋道宗結茅圭壁峰下四十年影不出戶年七十餘偶去得

石砦如龕
跌坐端逝

圭壁庵

舊志在峰下明僧本聰建增相傳徐道人居 國朝道宗禪師修

仙人窟

舊志在圭壁下白龍潭上

劉越洞

舊志劉僊名越常語康阜云山陰有石高三丈者吾宅也

扣之卽見我焉如其言果覲異境越冠元玉冠朱紱劍佩飲阜以玉酒三爵延生保命湯一啜阜異之私念欲留越已先知曰子姑去他日來居未晚旣出恍然一巨石也因號其石曰劉越洞天增陸會稽志劉

越洞在蓮花洞東上里許巉壁倚天洞高廣四尺深不可測匡俗之師劉越隱此

筋竹嶺

舊志在圭壁東北地夷敞多筋竹上有張賓陽瓜圃瓜味甘美實大如斗北有朝陽庵瀛按廬山通

志張賓陽

筋竹庵

舊志在朝陽庵北

作吳賓陽

撥雲峰

舊志在蓮峰北

半雲庵

舊志在峰北坳中增嘉慶間蛟水衝決殿宇蕩盡惟

佛座巋然因眾倡重建旁有鐵骨庵宋時建

清虛觀

舊志在庵北即清虛庵宋皇甫真人名坦

廬山小志

卷九

古蹟

三

鄉媛別館

字履道遇妙通真人得丹秘紹興中醫顯仁太后目及僊韶甄孃躡還山築室御書清虛庵額明僧道本覺海行安遞修觀右有凌虛閣左有青蓮庵增坦晏坐不寐其兩足外踝皆平偃頂有珠光嘗歌曰山頂紅日出藥苗新欲將心事付神泉舊志在觀後初觀瑤琴知音少弦斷有誰聽
遠坦使人荷鋤劬地應手泉湧德壽聞之賜書神泉二大字石劖神泉

花山

舊志在撥雲峰北蛇岡嶺之首上有金明庵

雲溪寺

舊志在山南麓宋僧守端建明僧了空圓

鏡修正統初有僧智瑛初不識字晚悟能詩忽言某日當逝必有風雷至期果驗瀟按雲溪寺水經石舫瀟與龍蕩河水會出禪智院郡志註在石鏡峰下誤禪智院舊志在山水口增一名妙智院

佛華山

增在花山西勢如蛇形蜿蜒流動故一名蛇崗嶺上有佛華庵明崇禎間建

北山草堂

增在山側明萬衣藩河南時夢山神贈以目從君去後懶上北山雲之句歸而築室故名

廬山小志卷十

德化 蔡瀛 小霞 纂

山北自松光嶺東北行至潯陽江

松光嶺

舊志在雞公石西南月安山南怪石羅列樹生石罅中松林蒼翠盤曲如畫增蹠醢 國朝詩僧大

勗偶由小天池至松光嶺值虎攫碎行李詩稿
藏如敗葉獨戒牒及同戒錄并迦黎衣如故

養鹿

廬山小志

卷十

古蹟

一 嬭嬭別館

池

舊志在嶺西谷晉釋慧遠見獵者獲孕鹿以衣物
易放此地後創靜室四十餘所內有念佛堂明僧

法船居之逝時祥雲西來香風入室念佛之會由此
始增法船在此念佛臨逝說偈曰五年六十七世緣
今已畢一心念彌陀西方在咫尺時僧一庵住五老
峰年八十一聞船計曰彼年尙少先我逝我何久留
召鄰僧爲誦法
華趺坐示寂

聖治峰

舊志在月安山東北松風蘿月清
流奇石復異人境南有仙人巖

三山澗

舊志在
峰東北

水源松光嶺

飛雲洞

舊志在上龍湫絕壁間深不可

內有三龍湫

測天雨輒有雲氣旁有龍王祠

馴鹿場

舊志在三山前增聽醢昔黃列子遊獵九

江見五色鹿逐跡尋穴遇神芝服而得仙

老君崖

舊志在三山西北下曰兩河口

太平舖

舊志在分

謂當老君崖分水嶺之水口也

水嶺上

太平宮

舊志在老君崖西即廬山使者廟唐明皇夢朱

衣金冠人曰我採訪使者可館我於廬山西北

隅開元十九年因勅建廟御書賜額曰九天使者之

殿五代李唐改號通元府宋太平興國中易名為觀

廬山小志

卷十

古蹟

二

嫗嬛別館

熙寧中置祠官以寓祿道流數千人崇軒華構彌山

架壑明嘉靖中郡守鍾卿送祀許旌陽真君像由是

遠近朝禮建殿宇焉旁有誦經臺增太平宮志使者

化為道士從陳氏乞地一夕風雷遷其宅于山之南

崦唐開元建額曰九天採訪祠宋宣和改太平興國

宮明洪武二年道士江梅高重建羅洪先題額曰仙

家採訪第八洞天內有鐘鼓樓二璇璣玉衡一聽醢

明皇遣使構廟時材木自至一夕巨萬楮堊丹綠得

之地中常有五色神光照燭廟所 時人以八月朔

會祀祠下取蓮花以獻名蓮花會沈括筆譚元豐二

年道士陳若拙發地得一餅封錫甚固中皆五色土
一銅錢文有應元保運四字初不爲異元豐四年忽
詔進九天採訪使者爲應元保運真君與錢文符乃
以其錢表獻之宋真宗實錄閩中神童蔡侁伯三歲
能詩後官司農少卿管勾江州太平觀宋詩別裁
岳珂拜寶謨閣直學士提舉江州太平興國宮

寶

石池

舊志在宮內巽石晶瑩夜
燦寶光明皇賜名寶石池

墨僊泉

舊志道士胡
用琮遇道流

于雲堂以刀剡土瀝酒激津和墨投之琮投几上鏗
然有聲翌日視之紫磨金也其剡土處出泉故云墨

廬山小志

卷十

古蹟

三

鄉媛別館

僊名其堂

養正堂

舊志宮中舊多仙道如桂心淵隱
飛雲洞劉虛谷住青牛洞以及畢

曰授墨堂

養素諸人尸解坐化不可勝述黃道士者名知微字
明道宋元豐間潛山崔體道授以一九谷神之道金
液淪景之旨從此若狂若蹶遂自賦黃顛歌所居曰
養正堂人以養正先生呼之時大雪獨先生室頂無
雪初不知書所談多史傳時出高妙之辭如溪雲拂
地送殘雨谷鳥向人啼落花等句皆學者所不能到
性嗜酒醉則大叫每噫氣以自快響徹雲漢崇寧末
年已九十餘貌若處女有崔風子高赤腳皆異人常

與往來後仙去改其堂曰大噫一名黃仙庵內有風
玉軒旁有雲錦閣聽雨軒增蘇文忠集予昔為密州
殿中丞劉庭式為通判謂式不貴必且得道今庭式
監太平觀面目有紫光絕粒不食已數年聞之喜甚
自以為吾言
之不妥也

雲無心堂

增陸游記太平興國宮兩壁
圖十真人本吳生筆建炎中

余憇於雲無心堂

白玉蟾丹井

舊志玉蟾瓊州人即
宋時葛長庚事陳泥

蓋冷翠亭故址也

九為道士封紫清真人往來廬山題咏甚多瀛按玉
蟾父亡隨母適白氏其懷樂天詩云我來適是九世

廬山小志

卷十

古蹟

四 嫗嬛別館

孫思賢懷

古獨銷魂

劉僊石

增錄異記廬山九天使者廟門外有石如甌光
滑瑩潔有小童戲弄或坐或溺俄有劉敦詣州

訟此小童坐其頭溺之州差就廟追尋但有小童無
劉敦始悟是此石神因構小亭製紗牕護淨之瀛按
蓮花洞東上里許有劉越石郡志確鑿舊志
謂即此劉仙石係延南遷錄之誤今特正之

廬嶽祠

增在宮後明洪武以四仙同廬岳神秩祀天池
寺 國朝康熙壬子九江太守江殷道別建祠

于此今仍

匡山精舍

舊志元學士

祀天池寺

姚璉讀書處

鏡泉磬湖

舊志在太平宮側增周益公記太平宮里許有龍潭水作琉璃色深數十丈相傳為洞天

之

綠淨亭

增在潭上後改靈澤龍祠

華封橋

增在太平宮北團坡山下舊名新橋明經歷張汝翼建一日建安又名樂善當水口之衝屢建

屢決

國朝嘉慶間郡

守方體重建改今名

廬山小志

卷十

古蹟

五

鄉媛別館

螺子山

增在華封橋北由雙劍發脉宛轉如螺

石塘橋

增在山西石塘舖明宏治間里民楊朗建

國朝順治間

陳廷試重建

濂溪

舊志水自蓮花峰來潔清紺寒增在石塘橋西北黃土嶺山麓距濂溪墓八里許

濂溪書

堂

舊志在溪上宋周元公築淳熙中九江軍守潘慈明通守呂勝已重建嘉定中軍守趙崇憲增築學舍二十六楹明御史徐傑頂聰建濂溪祠提學邵寶請著祀典配以二程旁有謚告石宋嘉定九年蜀使

魏了翁爲請謚曰元寶慶間軍守趙善璪立石增薛瑄讀書錄濂溪在當時知之者少惟程珦使二子從學遂大明舊志朱文公建明僉事王啟增建斯道之旨增光霽亭舊志周元公鑿後周茂叔人品甚高胸中灑落如光風霽月故以名亭增愛蓮池舊志周元公鑿後沒副使謝迺鑿於書院

西

甘棠湖

增在濂溪東北九江城南一名景星湖唐李渤增刺江州徑湖築堤以利行旅人懷其德號曰甘

廬山小志

卷十

古蹟

六

嫿嫿別館

棠明道葛寅亮增築石隄石闢曰西成隄增國朝推官胡宗虞重修南門隄亦曰胡公隄初水由城西北清平橋出江後塞今由石闢入龍河跨湖有思賢橋思李渤也全唐文長慶二年江州刺史李君濬之截南陂築堤三千五百尺以通四鄉之路蓄水爲湖人待其贏旣畢事舒州刺史李翱作江州南湖堤銘以紀增桂林別墅增在湖岸龍池右乾隆閔先嚴明經蘊山公講學處

煙水亭

增在甘棠湖中舊名浸月白香山創始周濂溪子壽擴建後廢明正德間知縣馬驄重建後又

廢萬歷間關督黃騰春渡湖夜夢呂祖爲其母明目
翳再建塑祀純陽像崇禎初關督劉漢增建鏡波樓
國朝權使崔掄奇建五賢閣祀陶靖節李少室白
香山周濂溪王陽明巡道李根雲建衆妙樓翠照軒
于亭右嘉慶間倉督蔣予蒲復感呂祖夢因與江蘇
繆部郎江西巡撫金光悌九江郡守方體重修亭面
匡廬湖堤柳蔭山水清音登覽者咸有詩情畫意之
助有趙子昂石刻大士像順治閩城東耕者得諸土
中關督溫良璞奉祀附呂祖本傳呂祖名崑字洞賓
一字巖客河中永樂人唐貞元十四年四月十四日

廬山小志

卷十

古蹟

七

已時生長遊廬山遇火龍真君傳天遁劍法咸通中
舉進士不第長安酒肆遇鍾離雲房授以上真元訣
後遊洞庭岳陽樓鍾祖引拜苦竹真君傳日月交并
之法年五十三歸宗廬山年六十四上朝元始玉皇
賜號純陽子宋政和中崇封妙通真人元世祖封號
純陽演正警化真君元武宗加封純陽演正警化孚
佑帝君 國朝嘉慶十年加號燮元贊運純陽演正
警化孚佑帝君瀛按神仙鑑謂呂祖娶劉校尉女藏
典自叙又謂本姓李名珏字伯玉唐宗室配金氏生
子四爲避亂止携妻入山因更姓呂所載互異考竹

園瑣記祖見諸書自訂云玉局自叙真予筆藏典序
真贖參半矣予本唐宗室姓李名鉅字伯金娶劉氏
藏典云娶金氏乃伯金金字之譌初舉進士不第後
爲江州德化令二月之火將入山時劉已喪更姓呂
者一爲避亂二謂陰陽配合必夫妻兩口乃可予無
妻借兩口以寓警見去陰煉陽者非道也陰陽互根
何可相離此實姓呂之精意祖之自叙如此玉局序
云予儒人也晚參大道脫棄塵緣名曰修煉成仙實
盡本於孝弟忠信高大精微之學故得氣行宇宙豈
漫言飛昇尸解者流耶世不之察以爲方外旁門天
高地厚日升月恒又
安用此鬼誕爲也

廬山小志

卷十

古蹟

八

鄉媛別館

龍池寺

增在湖北岸晉釋慧遠創內有藥師塔明釋深
公建南有文昌宮 國朝乾隆辛亥邑紳公建瀛

崗慧遠龍泉精舍在今東林寺桑疏辨甚詳確九江
府舊志註龍泉寺下誤江西通志註龍池寺下尤誤

普潤庵

增在湖西順治閏僧朽木翔掘地得古鉢非石
非磁二龍捧法王子三字因名擁鉢庵前有堤
推官胡宗虞築醮醮庵前放生池有人盜魚母子共
食作鰓各得菩薩像如盧迦帝冠裳矚目宛類刻削

延校山

增

在九江城內府署東署晉郭璞建城漢灌嬰築

明宏治初郡守童潮更新各門東曰東作西曰迎

恩南曰文明北曰望京望京迎恩之間曰福星萬歷

間郡守吳秀劄開小南門曰南薰兵備葛寅亮閉東

作開迎春 國朝郡守朱若炳並開東作白華前

稿岳武穆討李成出師望京門故一名岳師門

庾樓

舊志李滢曰晉庾亮都督荆江等州諸軍事鎮武

昌秋夜與佐吏殷浩王胡之等登南樓咏謔後世

直載九江志此如東坡之賦黃州赤壁一時未之考

證增在府署後濱大江南面匡廬一名南樓江西考

廬山小志

卷十

古蹟

九

鄉孃別館

古錄庾亮嘗為江州刺史其實則治武昌若武昌南

樓為庾樓猶有理今江州治所在特晉柴桑縣之湓

口闕此樓附會甚明然白樂天詩潯陽欲到思無窮

庾亮樓南湓口東則承誤亦久考文選謝瞻別王撫

軍庾西陽詩注謝還豫章庾被徵還都王撫軍送至

湓口南樓作又淵明集王撫軍座送客詩注宋武帝

永初二年辛酉秋王宏為撫軍將軍江州刺史庾登

之為西陽太守今黃州被徵還謝瞻為豫章太守宏送

至潯陽之湓浦靖節預席餞行故有此詩然則潯陽

湓口舊有南樓又以庾登之嘗至此亦可目為庾樓

爾竹園瑣記九江府

樓考古錄所論極是

岳王池

在府治南一名洗兵池岳鄂王節鎮江州時

雲紹忠侯雷乾道六年詔賜忠烈廟額金陀編宋建

炎三年巨寇李成馬進犯洪州鄂王由筠追至江州

大破之次年紹興改元三年奉命討平虔吉彭友李

動天諸盜御賜精忠旗授鎮南軍承宣使充江南西

路沿江制置使勅云岳飛秉誼忠純賦資沈毅自奮

戎于行陣久宣力于方維料敵出奇洞識韜鈴之奧

廬山小志

卷十

古蹟

十

鄉嬭別館

推鋒決勝身先矢石之危命以專征迄茲底定天設
之險擇形勢于九江師克在和隱兵威于萬旅益申

紀律無

濂溪書院

舊在濂溪港明嘉靖間兵備陳
洪濛建于城內鎮府左天啟閔改

名周子祠

國朝乾隆閒郡守董榕建于廬山蓮花

洞郡守初之樸改建今所嘉慶初郡守張敦仁何道

生縣宰蒲亨晉陳昌祚涖任歷聘瑞邑曹孝廉加錫

周孝廉之蓮四川鍾解元廷華本邑譚孝廉昌期掌

院關督阿克當阿郡守方體增置學

產重修堂宇地雖屢易仍舊名焉

清風閣

增在府治東北漢宋均守舊九江郡有善政嘗祝虎渡江飛蝗不入境潯陽士民慕其流風建

閣祀之 國朝嘉慶間以陶靖節白文公狄文惠公

三木主列序其次今古地理述漢九江郡今鳳陽廬

州滁州也定

蔡元思公祠

增在閣西元思諱念成栗陵舊志朱文公講學白鹿

洞元思從之遊歸

以其道教化州里

八角亭

增在城中徐壽輝陷江州元總管李忠文公補與姪景昭盡節井中遂封井 國朝郡守蔡學

廬山小志

卷十

古蹟

土 鄉媛別館

灑構亭其上松風餘韻李忠文公祠在九江府治東

賜額曰崇烈明都御黃翰詩云乘機規畫動如神獨

力支撐志莫伸仁義殉身同李芾衣冠敵愾見張巡

旌忠特表無雙士射策曾為第一人生死兩魁天下

士男兒端

白樂天故宅

增在城中內有畫像宋祥符二年修

不負君親

筓山園

增在郡治南明少司馬趙光抃別墅內有木筆齋放眼樓抃工部郎贊化子官密雲制七省兵

屢建大功以不附魏璫罷職有富貴

水山雪洞

增在園東

一時名節千古之語人號趙千古

伏虎山

增在郡治南

舍利寺

增宋太一禪師創初在府治

上有洞賓亭

西北明僧宗秀遷今所 國

朝順治閏僧脫塵重建東有壘

鳴館明文徵君安節講學處

能仁寺

舊志在郡治東 **增**舊名承天院肇自梁武明宏

治閏改今名宋元祐閏有鐵佛乘石船江上僧

感夢迎祀寺 國朝康熙閏懷寧程景渭建憇白堂

乾隆丁巳 顯親王因賜白堂雲靜額庚申

欽頌大清三藏經前有方石厚尺許為簷雨滴穿因

名簷霽石內有遺愛堂為通判杜建立左有懷端閣

廬山小志

卷十

古蹟

十一

鄉嬛別館

乾隆閏建祀郡守施廷翰右有唐公祠祀關

樞唐英白華前藁能仁寺殿相傳有辟塵珠

大勝塔

增在寺東高出天表唐大

歷間白雲守端禪師建

浪井

舊志在城北庾樓側漢灌嬰築城時鑿後堙孫權

自標井地得故處石函銘云穎陰侯所開三百年

當塞塞不百年當為應運者所開權以為瑞因名瑞

井源與江通風起井輒有浪李白詩浪動灌嬰井潯

陽江上風 **增**下為北林院有水亭月榭涼廳煥

室山礪石池分東西二林之勝後為江水所齧

愛山樓

增在九江關署後面拱匡廬署為明景泰二年關榷李蕃建初有關稅無船鈔宣德四年始設

關 國朝康熙二十二年移湖口

雍正二年仍歸今署後有福臨橋

壽聖觀

增在署西泥沱嘴宋

楊權學道張真牧棲此施符救疫寧宗聞之因秩祀

御書洞庭順利之祠六字嘉定閏改賜壽聖觀額度

宗咸淳閏封通慧符惠真人內

有通天樓明關督楊鍾瑩建

湓浦港

增在關署後元時建有玉波橋跨港東北與大江通今塞水由港西出趙公橋舊名使君橋明

廬山小志

卷十

古蹟

三

郡守趙祺建橋西為龍開河相傳為龍所開吳省欽

湓浦集序九江府志以昔人洗銅盆于水為龍攫因

名湓浦殆未考何晏所云水出清湓山有井形如盆

因名湓水其城為湓城江為湓江也潯陽記盆水出

青益山帶山雙流而右灌潯陽東北流入江瀛按湓

浦龍淵為江州八景之一晉置關湓口踞潯陽西偏

為荆楚咽喉其地甚廣不

得指今一港遂盡湓浦也

潯陽江

舊志在城北一名九江**增**河渠書太史公曰余南登廬山觀禹疏九江玉海沅漸元辰叙酉湘

資醴水皆合洞庭東入江是為九江太康地記九江湖漢九水入彭蠡澤也文選江賦源二分於岷峽流九派乎潯陽今古地理述彭澤小孤山桑落洲一名于江口會于桑落洲曰潯陽江即禹貢之九江可也瀛按水以北為陽潯陽舊縣在今江北蘄州界今府治在江南沿舊名耳

鎖江樓

增在城東北下曰迴龍磯橫截楚波為府城障蔽明萬歷閩郡守吳秀按堪輿法建樓磯岸前

廬山小志

卷十

古蹟

古

嫿嫿別館

有鐵牛四

二入水中

鎖江塔

增在樓畔勢凌霄漢明僉事于文煥倡建

九江王廟

增在

樓西明太祖戰鄱湖九江土神有枹鼓敵愾之功後定鼎金陵秩以王爵世祀九江南京十廟九江王與焉

天慶觀

舊志去郡二里增李太白文集開元二十九年制兩京諸州各置元元皇帝廟天寶二載改西

京為太清宮東京為太微宮天下諸郡為紫極宮太白有尋陽紫極宮感秋詩紫極宮今天慶觀也元元

字恭

廟諱

琵琶亭

增唐元和中盜殺丞相武元衡時白樂天為贊善言必得之以雪國恥當事惡其出位謫江州

司馬送客江頭作琵琶行以述志時人因建亭以誌

不忘九江新志琵琶亭舊在郭西潯陽驛畔明道葛

寅亮移建郭北老鸛塘口後仍復郭西故處 國朝

雍正初巡道劉均乾隆開關督唐英全德遞修瀛按

竹園記唐琵琶亭在舊潯陽驛前臨江左枕潯浦今

潯浦及驛與亭均為江水所齧劉均所建實非故處

廬山小志

卷十

古蹟

五

鄉孀別館

海船窩

增在城西江濱元海運造船處旁有海隄長五里許明兵備馮顯築

海天寺

增在

窩中琵琶亭後馮顯建內有山水

之閣樓主事鄒輓建旁有憇旅亭

鶴問湖

舊志晉陶侃擇地葬母遇異人指前有牛眠地言訖化鶴飛去故名**增**在府治西十五里旁有

尋陽城故址晉孟懷玉由尋江北移築于

此亦名懷玉城隋因水患遷今城城遂廢

廬山小志卷十一

德化 蔡瀛 小霞 簪

山北自牯牛嶺西行至廣福觀

牯牛嶺

舊志在九奇東北嶺甚雄峻旁有偃蓋松石劔廬山最高處劉世揚書

烏龍潭

舊志在嶺

北凡三潭上兩潭皆高數十百丈下潭稍平岸有大石曰拜石惠遠立東林龍與有功約歲祭寺僧以六

廬山小志

卷十一

古蹟

一

鄉媛別館

月奠蔬食投諸潭曰送龍飯不潔則水湧食

寘石上增石劔神功莫測口口胡御璣書

磐石崖

舊志在潭硤口龍塹下旁有明嘉靖時田道人關房北有龍潭庵

臥雲寺

舊志在庵

西宋建元僧東巖明僧宗元行淳遞修水經分水嶺西北流與石門澗水合

繙經臺

舊志在分水嶺西謝靈運繙北本涅槃經為南本凡三十二卷

上方塢

舊志在臺南下佛馱

跋陀羅自西域持佛舍利五粒瘞此唐開元間御史何光與州牧柳真望建塢因在東林北上故名上方

保大間僧探元重建增延興寺僧法順任東林置舍利塋初至見光握之得金銅彌勒形質瓌異卽取供

養

虎跑泉

舊志在上方左晉義熙四年遠公以社賢遊上方塋患水遠有虎跑石出泉

東林寺

舊志在上方塋南舊名虎溪周匡續養真成道處晉太元六年釋慧遠將適羅浮過廬山夢神

曰此山可棲願毋往其夕大雨雷震林麓廣闢九江刺史桓伊爲請建寺因與西林相並故號東林唐大中時僧正言重建殿宇三百一十餘間江州刺史崔黯記內有般若臺遠公創又有鬼壘塋遠公建寺時

廬山小志

卷十一

古蹟

二

鄉媛別館

鬼夜爲之壘塋故名又有蓮花漏遠公弟子慧安立芙蓉十二葉於泉中因波轉以定十二時增東林寺唐名太平興隆寺內有遠公袈裟千僧銅梁武帝鉢囊謝靈運繙經貝葉六片又有晉桓帝輦備龍蛇之飾亦稱安帝輦又有金剛銅塔上鑄金剛經明崇正間水部熊汝學爲母捐造癸辛襍記宋東京相國寺資聖閣東林五百銅羅漢在焉本江南李氏物元豐間裕陵禁中禱雨甚力一日夢僧乘馬空中口吐雲霧旣覺雨大作翼日物色第十三尊像正所夢也時有句云仙驥啣雲穿仗下佛花吹雨匝天流唐釋元

楚記郢川屈受造觀音方丈四廈西嚮峻棟崑崙太
守博陵公奉詔指搆之基構宏壯特新前象遂得鑪
峰增色圖牒再張車蓋貴遊結轍林
下挹虎溪之波瀾清塵尾之風韻

白蓮池

舊志在
寺前謝

靈運爲遠公鑿遠公因集百二十三人結社以修淨
土曰白蓮社以書招淵明淵明日弟子性嗜酒許飲
卽往遠許之因攢眉而去節錄李元中蓮社圖記龍
眠李伯時爲余作蓮社十八賢圖追寫當時事此圖
爲八路與清流激湍縈帶曲折踰石橋溪迴路轉石
巖一又繚而上石巖一二巖之間有方石池種白蓮

廬山小志

卷十一

古蹟

三

嫗媛別館

花巖之旁有石梯度山迤邐而去不知所窮當圖窮
處橫爲長雲蔽覆樹腰巖頂其高深遠近蓋莫得而
見也傍石池有高崖懸泉下瀦爲潭支流貫池下注
大溪激石而湍浪者虎溪也巖之外遊行而來者二
人一人登嶺出半身者宗炳也一人躡石磴而下者
曇順也巖中爲經筵會講者六人一人踞床憑几揮
塵而講說者道生也一人持羽扇目注懸猿而意在
深聽者雷次宗也一人合掌坐於牀下者道敬也一
人相向而坐者曇說也一人執經卷跪聽於其後童
子一舒足搔首有倦聽之意蓮池之上環石臺坐而

箋經校義者五人石上列香爐筆硯之具一人凭石而坐者劉程之也一人手開經軸倚石而回視者張詮也一人正坐俯而閱經者僧叡也一人回坐拱手旁視而深思者慧持也一人持如意而指經者慧永也一人捧經笈與童子持如意立其後又童子跪而司火持鋏向爐而吹一人俯爐而方烹捧茶盤而立者一人旁有石置茶器又一巖中有文殊金像環坐其下爲佛事者三人一人執爐跪而歌唄者曇常也一人坐而擎拳者道昺也一人執經卷而坐者周續之也臨溪偶坐者二人皆梵僧一人袒肩持短錫者

廬山小志

卷十一

古蹟

四 嬋嬛別館

跋陀羅也一人舉如意據膝而坐者耶舍也童子一卷髮胡面持羽扇立其後一人露頂坦腹仰視懸泉坐而濯足者張野也童子持巾立其後又蹲而汲者一人石橋之旁峭壁崛起前有僧與道士相捉而笑者遠公送陸道士過虎溪也一人貌怪雄視捉巾瓶而立者捕虵翁也童子負杖却立而待一人乘籃輿者淵明之回去也淵明有足疾嘗以竹籃爲輿其子與門生肩之前者若欲憇而不得後者若甘負而忘倦蓋門人與其子也童子負酒瓢從之一人持貝葉騎而方來者謝靈運也旁一人持曲笠童子負笈前

騎而行凡爲人三十有八馬一猿一鹿一器用草木不復以數計人物灑落泉石秀潤追千載於筆下萃

羣賢於掌中開圖

恍然若與之接

虎溪橋增跨池上

三笑亭

舊志在溪旁遠公送客約

不過溪一日與陶靖節陸修靜遊偶忘之虎輒鳴吼

三人相向大笑

增

上有白蓮亭陸會稽志萬歷十四

年東林寺

無量殿

增在寺前遠公創唐大中時修明

白蓮復生

萬歷間僧海賢重建內有銅金佛

高丈許

國朝嘉慶甲子間殿圯因遷佛後殿座下

得一石色斑駁八角高四尺逕尺有二寸半入地遍

廬山小志

卷十一

古蹟

五

嬋媛別館

刻尊勝陀羅尼經疑爲遠公遺製仍瘞諸舊地錦繡

萬花谷劉遺民雷次宗依廬山遠師乃於精舍無量

壽像前建齋立社共期西方瀛按無量殿以無

神運

量佛得名詳見高僧傳天池志作無梁殿誤

殿

舊志寺以雷雨開基梓楠皆由神運故名晉陶侃刺廣州時海人網得金像文殊旁有阿育王鑄欸

識侃祀武昌寒溪寺及遷荊州欲以像行人力不能

動以牛車三十乘至舟復沉太元中東林寺成遠公

至江禱之像忽浮出迎祀神運殿唐會昌中詔毀天

下寺二僧藏像錦繡谷殿漸圯明崇正間僧寂融重

建增旁有彌陀

出木池

增在彌陀殿側天池志遠公建寺時材木皆自池中湧出

殿僧寂融建

工竣尚餘一木塞

遠公影堂

增萬歷癸丑關西張屏榻於遠公龕左曰此着

池中曳之不出

便勝旋坐逝先是北平李天麟按楚時夢神曰遇東

則任遇公則止後官江西觀察過寺驚悟神屬止此

坐持佛號七晝夜遂坦化二公

十八高賢影堂

舊志蓮社

非有宿緣能先後洒脫如是耶

高賢儒劉程之等六人釋慧遠等十二人 劉程之

字仲思彭城人妙善老莊旁通百氏事母孝初為府

廬山小志

卷十一

古蹟

六 鄉孃別館

參軍後立禪房於西林澗北劉裕旌曰遺民 周續

之字道祖號通隱雁門人幼從范甯學通五經五緯

號十經童子劉毅命為撫軍參軍辟太學博士不就

雷次宗字仲倫南昌人博學明詩禮宋文帝詔除

給事中並散騎常侍不就常為太子諸王講喪服經

宗炳字少文南陽人性孝宋高祖辟太尉掾太子

舍人通直郎不應悉圖所遊山水於室壁曰老疾俱

至名山恐難徧觀唯當澄懷觀道臥以遊之耳 張

野字莘民居柴桑與淵明有婚契性孝友徵散騎常

侍不就 張詮字季願野族子酷嗜墳典常帶經耕

勸徵爲散騎常侍不應庾悅起爲潯陽令并辭去
慧遠賈姓雁門樓煩人幼博六經聞釋道安講般若
經乃與母弟慧持受業 慧永與遠公同依安師後
居西林鎮南將軍何無忌曰永公清散之風多於遠
師 慧持長八尺衲衣垂膝徒屬三百後去成都龍
淵寺宋徽宗宣和間嘉州暴風折木中有定僧鬚髮
蔽體爪甲遶身一匝上詔輿至京師以金磬出其定
問其世族曰遠弟慧持時已七百年矣後送至陳留
不知所之 佛馱耶舍年十五誦經日三萬言赤髭
善解毘婆娑論號赤髭論主常咒水洗弟子足夜行

廬山小志

卷十一

古蹟

七

嬭嬭別館

數百里至姑藏又入廬山舉鐵如意以示遠公後還
本國 佛馱跋陀羅幼博羣經深達禪律譯有華嚴
梵本三萬六千偈並觀佛三昧經般泥洹經論律凡
十五部 道生曾入虎邱山聚石爲徒講涅槃經羣
石皆爲點頭 僧叡一作慧叡後適京師烏衣寺謝
靈運常以經中字音求証因著十四音訓 曇順幼
從羅什講經妙盡色空無相之旨 道敬通經全戒
後入若邪山 曇恒年十三通貫典籍座隅常有羣
鹿馴遶 道昺通經籍明莊老幼師遠公後紹遠公
席 曇詵常註維摩經又能別識鳥獸毛色銳鈍之

性草木枝幹甘苦之味增潘基慶古逸宗炳畫山水序云余眷戀廬衡契濶荆巫於是畫像布色構茲雲嶺拂觴鳴琴披圖幽對醜醜遠師未出家時善弩射嘗弋鶴雛後伺鶴母斃巢中疑其爲愛子故剖視心膈皆寸絕於是放弩發菩薩心

佛影臺

舊志遠公念佛影靈奇幽崖嵌壁若有存形因建臺摸擬

逸事梁孝元

卓錫泉

舊志在彌陀殿後慧遠初至潯陽見廬山閒曠可立精舍以水

構造重閣

遠舉杖扣地曰若此可居當使朽壤抽泉言畢清流湧出時歲旱遂向池讀龍王經忽有蛇而角騰出須臾大雨因結庵於池後曰龍泉精舍增異苑慧遠棲

廬山小志

卷十一

古蹟

八

鄉嬛別館

神廬嶽嘗有游龍翔其前有奴以石擲中乃騰躍上昇有頃風雲飈曄遠公登山燒香會僧齊聲唱偈乃止石剗古龍泉

冰壺泉

舊志在卓錫泉西

聰明泉

舊志在冰壺西遠公與殷仲堪論道殷才辨縱橫遠指流泉曰君侯聰明若此泉矣增殷

荆州問遠公易以何爲體答曰易以感爲體殷曰銅山西崩靈鐘東應便是易邪遠公笑而不答

瑞

像閣

舊志在卓錫泉上明萬歷間僧海賢見遠師塋院列三像灰布其外金像其內請入寺崇正間

其徒寂融造重閣祀之瀛按德化志載閣中瑞像卽陶侃所得金文殊考東坡菩薩泉銘廣州文殊師利像有阿育王鑄款識今閣中像毫無篆刻則海賢所見非陶侃所得之像明矣

蘇白堂

舊志祀白

香山蘇東坡增東坡自記僕遊廬山見山谷奇秀應接不暇遂發意不欲作詩已而見山中僧俗皆云蘇子瞻來不覺作一絕云芒鞋青竹杖自挂百錢遊可怪深山裡人人識故侯是日見徐凝瀑布詩不覺作一絕云帝遣銀河一派垂古來惟有謫仙詞飛流濺沫知多少不爲徐凝洗惡詩後與總老游西林又作

廬山小志

卷十一

古蹟

九

嬋媛別館

一絕云橫看成嶺側成峰到處看山了不同不識廬山真面目只緣身在此山中僕廬山之詩盡於此矣

東林橋

舊志在寺前西有常總禪師塔師生時母夢金人授以白蓮花晏坐處白光滿室奇香氤

氲宋元祐二年

賜號照覺大師

下方塔院

舊志在寺西香谷中卽遠公塔一名荔枝塢明永樂中有人開之見遠公兀坐如生增十

三賢共注廬山記遠師圓寂之日山中峰澗寺落皆見千眼仙人成隊執幡幢香花赴寺唐高僧傳隋釋

靈幹常依華嚴經作蓮花世界及彌勒天宮觀開皇十七年夢到一大園七寶樹林焜煌亂目樹下花座忽聞遠公呼喚乃問此爲何所答曰是兜率陀天次吾南坐上者休法師也遠與休頂戴天冠朱紫光偉絕世又謂幹曰汝與我諸弟子後皆生此因覺悟

宗炳宅

舊志在東林寺側劉宋時孫測居之增東觀餘論宋武帝東征劉毅道廬山隱士宗炳獻一筆

畫一百事帝賜以犀柄麈尾

離垢園

舊志劉慧斐字文宜博學能文號離垢先生增慧斐梁簡

廬山小志

卷十一

古蹟

十

娜孃別館

文帝時人

裕老堂

舊志王韶養性處增宋王韶德安進士官樞密其堂一名樞密庵

張孝

秀隱居

舊志秀字文逸南陽人昔爲梁安成王別駕增秀冠縠皮巾躡蒲履執棕欄皮麈尾服

寒食散盛冬卧於石上

仙去時空中常有異香

香谷

舊志在東林寺西內有東林唐熙怡大師塔師噉栢飲水三十餘載增中有香谷泉

伏虎庵

舊志慧永住西林常於寺後峰頂結茅晏坐異香滿谷有二虎同居人至輒驅去因以名庵

劉遺

民禪室

舊志在谷北澗上

雁門市

舊志在東西二林間因遠公係雁門人彷彿其邑里作小市

西林寺

舊志在香谷南晉太府卿陶範為慧永建梁僧恩律隋僧智錯慧達遞修宋太宗賜額太平興國乾明禪寺明永樂間碧巖禪師重建崇正間給諫王鳴玉再創方拱乾記內有唐王翰摹畫須菩提像又有影石高八寸徑五寸梁武帝時西域僧嵌寺佛頂常放異光人稱幽冥鏡隋開皇間晉王廣取送曲

廬山小志

卷十一

古蹟

十一

嫿嫿別館

池日巖寺增醮醮西林影石其形八楞紫石英色內外映徹或見銀塔銀佛或見佛塔菩薩僧眾列坐帳蓋幡幢山林八部三途苦相七代存亾一觀之間或定或變雖善惡交現而善相繫焉信幽途之可鑑也唐貞觀六年七月勅入內供養神運閣舊志在寺前隋僧慧達主寺眾意欲造重閣師誓用黃楠忽下巢山黃楠滿谷閣遂成無何南向偏斜三尺忽狂風自石門澗來吹閣還正

西林塔

舊志在寺後唐元宗勅建明給諫王鳴玉再創增舊名千佛塔

蕭存隱居

舊志在寺側唐蕭存官銓部郎中韓文公愈為其所知後隱廬山文公弔其宅存子東為

邕南從事並凋謝惟二女為尼江州因題壁云中郎有女能傳業伯道無兒可保家今日匡山題舊隱空

將衰淚對煙霞增旁有西

林草堂唐戶部李相公居

廣福觀

舊志在東林山口距香谷西里許祀匡續先生續一名俗初事老聃得久視之道兄弟偕隱虎

溪修煉七百餘載皆仙去漢武帝南巡射蛟溇陽江因封南極大明公詔立祠于舊隱晉太元中刺史桓

廬山小志

卷十一

古蹟

十一

鄉嬾別館

伊廓建東林寺遷今所宋英宗賜額壽聖觀建中靖國加封靖明真人紹興間為避德壽宮號改賜廣福

觀額先生在日人重其德其結廬處至今猶呼先生

鄉先生社增宋西風禪師居瑞昌縣志匡俗修道廬

山莫知所終安義鄉有匡俗墓蓋遺蛻耳後漢書郡

國志注廬山匡俗出殷周之際隱遁潛居受道於仙

人時謂所止

為仙人廬

廬山小志卷十二

德化 蔡瀛 小霞 篁

山北自香爐峰西南行至隘口

香爐峰

舊志在磐石崖西面拱東林上多榴紫萼紅敷炫爛奪目白香山詩云山榴花似結紅巾容艷新妝

不占春

增

唐類函

香爐峰孤峰

秀起游氣籠其上則芬氲若煙

遺愛寺

舊志在峰北下初名紫雲

廬山小志

卷十二

古蹟

一

娜嬛別館

庵晉慧遠翔白香山以遠永宗雷有古遺風易今名明僧慈釗無盡遞修

廬山草堂

舊志在寺

西舊為唐侍御鄭宏憲草堂後廢元和中白樂天重建易今名宋祥符中詔重修繪像祀之節錄白居易

廬山草堂記匡廬奇秀甲天下山山北峰曰香爐峰峰北寺曰遺愛寺介峰寺間其境絕勝又甲諸峰元和十一年秋大原人白樂天見而愛之若遠行客過故鄉戀戀不能去因面峰腋寺作為草堂明春草堂成三門兩柱二室四牖廣袤豐殺一稱心力洞北戶來陰風防徂暑也厥南薨納陽日虞祁寒也木斲而

已不加丹牆坊而已不加白碱階用石冪窗用紙竹
簾紵幃率稱是焉堂中設木榻四屏二漆琴一張儒
道佛書各兩三卷樂天既來爲主仰觀山俯聽泉旁
睨竹樹雲石自辰至酉應接不暇俄而物誘氣隨外
適內和一宿體寧再宿心恬三宿後頽然嗒然不知
其然自問其故答曰是居也前有平地輪廣十丈中
有平臺半平地臺南有方池倍平臺沿池多山竹野
卉池中生白蓮白魚又南抵石澗夾岸有古松老杉
大僅十尺圍高不知幾百尺修柯蔓雲低枝拂潭如
幢豎如龍蛇走松下多灌叢蔦葉蘿蔓駢織翳日月

廬山小志

卷十二

古蹟

二

鄉嬛別館

光不到地盛夏風氣如八九月時下鋪白石爲出入
道堂北五步據層巖積石嵌空埤塊雜木異草蓋覆
其上綠陰濛濛朱實離離不知其名四時一色又有
飛泉植茗就以烹燂好事者見可以永日堂東有瀑
布水縣三尺瀉階隅落石渠昏曉如練色夜中如環
珮琴筑聲堂西倚北巖右趾以剖竹駕空引巖上泉
腋分綫縣自檐注砌累如貫珠霏微如雨露滴灑隨
風遠去其旁耳目杖履可及者春有錦繡谷花夏有
石門澗雲秋有虎溪月冬有爐峰雪陰晴顯晦昏旦
吞吐千變萬狀不可殫紀增前有銀杏一株高三數

丈古茂異常

上崇佛寺

舊志在峰北晉慧遠建明僧祖曇惠善性端遞修

下

人莫敢犯

崇佛寺

舊志在上寺北

林隱庵

舊志在下崇福北

講經臺

舊志在香爐峰西南峰頂有磐石可坐百人如臺形遠公常講涅槃經於其上下有二石室並風洞

關門石南上

峰頂寺

舊志在臺東南一名峰頂院齊有雲頂石慧景禪師荆梁慧歸師增修

續高僧傳梁僧法歸在襄陽夢有神請

及至廬山峰頂寺樹木石塔宛如前夢

廬山小志

卷十二

古蹟

三

嫗媛別館

上化城寺

舊志在講經臺北遠公建明僧行淳修右有朗公巖宋僧慧朗宴坐處左有龍王鉢孟錫

杖三泉又有觀燈

中化城寺

舊志在寺上西北隋開皇時建明僧得讓浩常

石謂觀佛燈意

修西南為聖僧巖指蹠醢寺僧法克勤誦法華每以

婦女入寺上損佛光下墜俗謠勸毋往世不能從克

歎正教不行誓粉身骨遂于爐峰投

下化城寺

舊志在中

下忽落深谷不損一毛口誦如故

寺西北晉劄明僧恕聰

行淳修西為靈池口

虎崖

舊志在講經臺西旁有二石如人衣白衣而立

中大林寺

舊志在崖下惠遠建明僧永迪性湧

明崑

修

下大林寺

舊志在中寺下雲峰寺側一名資聖寺唐臨濟禪師徇明僧圓寂性芳性

釗修水由大林峰後過寺

北會石門澗下有小石橋

報國寺

舊志在雲峰南與鐵舡峰近旁有洞傳為故砦場增內有留雲閣

天池草堂

增在

寺左嘉慶間太守方體建太守號茶山一名茶山草堂石劄方體天池草堂記天池之麓曰報國寺寺後

廬山小志

卷十二

古蹟

四

鄉媛別館

盤石張幄雲樹蒸蔚前揖鍊舡左矗寶塔瓊樓玉觀若與雲煙相變幻而仙人遨遊其上也嘉慶十六年辛未夏予禱雨來此憇戀不忍去欲築書堂以終老此地越二年寺僧無垢與化城寺僧朗鑒來請前約土木之勞無垢力任之屋三楹石圍百丈五閱月而工竣乃邀廖君雪鷺夏君汲齋與無垢朗鑒兩上人飲酒賦詩以落其成於是疏泉鑿石得舊池磚甃名曰印心池洗苔剔蘚得古藤搏壁名曰翠雲壁由曲徑東上曰問月臺皓魄西升塔影東立再上一巨石盤跌池上古鬱莊嚴如禪門初祖余刻天池草堂于

上以爲山之鎮下有小盤石無數磊落環向若皈依
狀名曰點頑石西下而至草堂岳雲垂天巖月照水
乃顏其堂曰寄雲問月之堂嗟乎寺故若場也遠公
開蓮社創石門匿幽秘勝莫能蒐剔白公遊遺愛登
爐峰氛嵐蹇舒未盡豁露今予闢此堂南鑿鐵雲山
嶺而達于石門則軟密團圞青錦堆疊東修大林山
逕而及于香山則江湖曠渺波委雲填陰晴顯晦之
候爭獻厥狀東鄉吳蘭雪榜其門曰茶山草堂予不
敢私仍名以天池山靈有知當驚知已于千古詎不
勝歎 天池草堂 印心池 問月臺方體書 爲
善最樂
松筠書

廬山小志

卷十二

古蹟

五

鄉媛別館

九奇庵

舊志在報國寺北錦繡谷
口蒨綠幽蒙穿枝撥翠

悅安隱居

舊志在報
國寺山麓

修竹茂林

幽靜可悅

鐵雲山

舊志在報國寺南上石門谷口石色青紫皴法軟
密石剗鐵雲塚王思任題 方體鐵雲山銘巖

乎鐵雲闕景韜靈天開神秀並闕金庭深流翠巘疊
錦堆青深探秘奧仰叩仙局垂幽履坦其視斯銘

石門

舊志在鐵雲南上天池鐵缸兩山爭峙其狀如門水道雙石之間懸流奔澗若曳飛練中有大磐石可坐數十人**增**霞客遊記對峰倚壁都結層樓危闕層煙登翠澄映四外徽人畢貫之鄒子尹嘗結廬于其側

石劄石門澗

謝公臺

舊志謝靈運與僧曇隆善常憩於此**增**在巖上巖石蹲疊有翔

蔡增秩書

禽踞獸亭墉之狀**後地理志**廬山西有石門其前似雙闕壁立千餘仞而瀑布流焉**石劄**天闕嘉慶丙子

蔡瀛

書

廬山小志

卷十二

古蹟

六 嫋嫋別館

石門澗

舊志水由長衝漾擲筆前與九奇水會西出石門峽與上霄水匯入澗中下有龍潭潭畔懸崖

高數丈憑臨

文殊寺

舊志在澗旁鐵缸峰麓四山壁立巖如積鐵水聲漲溢喧豗終

潭上日釣臺

日不聞人語最為奇

石澗橋

舊志在雲峰寺西北水由石門出橋下北流播

增一名文殊庵

于陶家埠匯鶴問塞入龍開

河**石劄**石澗橋王宗沐書

落柁山

舊志在石澗橋北俗名駱駝山**增**江漢陽志下有具美堂明通政蔡文魁山莊

七里岡

舊志在石澗橋西
南上為南昌舖

福海院

舊志在雲峰西南山麓梁名福溪庵讓禪師建
唐改福海院宋僧彥詳雲庵遞修西南有蟠龍

庵

羅漢寺

舊志在蟠龍西南東有綠蘿亭宋咸平間
建增潯陽記晉僧開山左右洞得石羅漢

故名

上弔橋

舊志在黃龍上下二山邃谷中下臨深澗路中
絕緣橋以濟水自仰天坪西流經二山出硤散

廬山小志

卷十二

古蹟

七

嫗嬛別館

久金家坂旁有

下弔橋

舊志在上弔橋下上有一峰
尖削峭麗俗呼高尖石增旁

黃龍潭般若庵

有碧雲寶華祖意

黃龍庵

舊志即弔橋庵下有石門
蓮社石禪庵增旁有彌陀

南林紫雲諸庵

庵朝陽庵巢雲閣

靜德庵擁鉢庵

白雲峰

舊志在黃龍上白雲
峰有二此為西峰

白雲庵

舊志在
峰南

定心庵

舊志
在白

雲庵西南下

鄰弔橋口

龍溪廟

舊志在弔橋口東祀晉陶桓公侃增廣輿記陶侃嘗夢生八翅飛至天門後江州刺史蘇峻叛

溫嶠推侃為盟主舉兵匡復王室封長沙郡公蘇子瞻云陶公忠義大節橫秋霜而貫白日象緯考成帝

咸和四年十二月郭默殺江州刺

史劉公荊州刺史陶侃討默斬之

孔家山

舊志在龍溪廟南

孔聖祠

舊志在山下宋治平時勅建先是四十一代孫孔績唐末登進士

任吉州推官五代亂遂家新淦后宋孔元任欽州推官元子文仲平仲武仲俱登進士平仲官尚書適歸

廬山小志

卷十二

古蹟

八

嫗嬛別館

吉州道經廬山下居黃龍山麓請旨建祠明初孔承節重修置祭田百餘畝神宗時族長孔貞贊貞讓尚

禹北謁林廟重修聖殿增關里志延之績五世孫慶

歷二年進士官司封即與濂溪先生友善卒葬廬山

贈殿中丞金紫光祿大夫附載歷代崇祀漢高祖十

二年過魯以太牢祀孔子平帝追謚曰褒成宣尼公

安帝祀於闕里東漢和帝改封褒尊侯魏正始七年

祀于辟雍隋文帝贈為先師尼父唐高祖以周公為

先聖孔子為先師配享太宗升孔子為先聖尊為尼

父詔州縣作孔子廟元宗追謚文宣王位正南向衣

以袞冕牲以太牢樂舞八佾宋真宗加謚元聖文宣
王元成宗加號大成武宗加號大成至聖文宣王明
太祖詔封爵仍舊嘉靖九年改號至聖先師孔子
國朝順治二年定謚大成至聖文宣先師十四年改
號至聖先師孔子康熙二十三年 御書萬世
師表額雍正元年追封孔子五代為肇聖王裕聖王
貽聖王昌聖王啟聖王四年 御書生民未有
額五年 命諱孔子名為邱乾隆元年

御書與天地參額嘉慶五年 御書聖集大成
頌道光元年 御書聖協時中額 頌各學

廬山小志

卷十二

古蹟

九

鄉嬛別館

馬耳峰

舊志在
弔橋南

青雲庵

舊志在峰下
一名青雲寺

上報國寺

舊志在弔
橋口宋僧

約之建明 龍潭庵 舊志在報國西南僧約之建
明僧永連修旁有白龍潭

石壁山

舊志馬耳支派
旁有屏風山

甘泉口

舊志屏風石壁之水
合流東北所從出

甘泉山

舊志在甘泉口上游內
有甘泉既飲猶有餘香

忠孝門

增宋天聖元年殿
中侍御蔡諱中公

令德安遂家焉後元思公裔小五公遷居化邑覺心
隴奉有天聖二年七月五日御賜忠孝之門額故名

圓通山

舊志在甘泉口
西清風嶺東北

圓通寺

舊志在山南南唐李後主
初名崇勝寺命僧緣德

居之宋太祖詔賜緣德號道濟禪師因開寺時土中
得觀音像賜額圓通崇勝禪寺明僧道銀圓福明璇
遞修增宋僧簡堂住圓通常有偈曰地鑪無火客囊
空雪似楊花落歲窮拾得斷麻穿壞衲不知身在寂

寥夜話亭

舊志歐陽永叔過寺與居訥禪師設道達
旦贈訥詩云方瞳如水衲披肩邂逅相逢

為灑然五百僧中得一士始知林下有遺賢歐去訥
為作亭元僧崇裕移建方丈東增明崇正間布政朱

廬山小志

卷十二

古蹟

十 嫋嫋別館

之臣命同知楊學孔
復建改名清音亭

一翁二季亭

舊志蘇老泉與子
東坡穎濱往來寺

中是為一翁二季元僧崇裕移建方丈西更名蘇亭
昔東坡過寺于寫寶積獻蓋頌佛一偈贈長老遷公
遷已獲夢蘇詩云石耳峰頭路接天梵音堂下月臨
泉此生初飲廬山水他口徒參雪竇禪袖裏寶書猶
未出夢中飛蓋已先傳何人更

識嵇中散野鶴昂藏未見仙

石耳峰

舊志在馬耳西南張家山北卓壁峭
麗後尤聳特上多石耳下有桐樹庵

侯溪

舊志在
峰陽以

侯氏得名水出圓

梵音亭

舊志在溪橋側

雞鳴庵

舊志

通寺下有侯溪橋

祀圓通大士

在圓通東明覺

清溪

舊志在石耳峰後山碧而窈水細而深林茂而翠洵佳境也水出石耳峰經圓通花田坂趨烏石門

清溪庵

增唐葉法善有道術明皇異之贈以詩曰清溪道士人不識上天下天鶴一隻洞門深鎖

白雲閣滴露

研硃點周易

廬山小志

卷十二

古蹟

十一

面陽山

舊志在清

陶靖節祠

舊志在山北麓明正德間太

風嶺西南

守馬紀建著祀典旁有靖節

墓石劉隱忠純孝明給諫李清題跋考東晉時陶征

西公侃討平蘇峻之亂厥功甚偉先生為征西世裔

值劉裕移晉祚自念先世為晉宰輔恥復屈身異代

遂終隱不出此與張留侯五世相韓卒為韓報秦之

心何以異古今忠孝完人舍先生孰歸哉崇禎辛巳

拜先生祠下敬劄數字于石并識

增得樹樓雜鈔陶

靖節之謚文公不知出何代魏鶴山跋東坡墨蹟云

文忠雅嗜陶文公其有感於歸去來辭蓋元豐五年

之夏蔡章被遇而呂

正獻不合之時也

鹿子坂

舊志在桃花尖西去陶墓三四里
有愛廬軒蔡侍御炯別業旁有陶家壠
淵明故

宅

舊志先是宋人建祠祀淵明名曰通書院既而兵廢址亦迷失明正德六年水衝出碑曰晉陶靖節

先生故里李夢陽因重葺焉 淵明字元亮名潛號

義皇上人幼博學有高趣初為州祭酒後宰彭澤郡

遣督郵至縣吏請束帶見淵明嘆曰我豈能為五斗

米折腰解綬去自以曾祖晉室宰輔耻復屈身異代

廬山小志

卷十二

古蹟

土

鄭孃別館

元嘉四年卒年六十三世號靖節先生增節錄萬青

選淵明集序晉自安帝以來國祚日衰羣雄並起至

先生為彭澤令時宋高祖實殺仲文勢將帝制而天

子自為者先生分居微末既不能傳檄而定重振國

維又不屑背義自馳屈身異代于是憂愁幽思倦懷

宗國託折腰小兒之故掛冠遠舉日與素心諸君子

飲酒賦詩怡然自適其述酒詩云平王去舊

京山陽歸下國蓋忠君愛國之意彰彰焉

濯纓池

舊志在桃花尖山下水出虎爪崖
栗里池即濯纓池一名淵明洗墨池增南康舊志
石劖醉仙

濯纓之池 **醉石** 舊志在池南下谷中高三四尺一名砥柱石淵明醉臥石上耳迹酒痕至今猶在 **增**

世傳九江境內有淵明瘞酒處昔南康耕農鑿

山得石函中有銅匾壺盛酒滿中旁刻十六字曰語

山花切莫開待予春酒熟煩更抱琴來衆不敢飲傾

棄之酒香在地經月不散 **石劉淵明醉臥此石** 歐

陽國華李升華皇佑口年同遊 **有宋三衢** **五柳館**

吳亮禪徐林口元佑三年飲於淵明醉石

舊志在醉石谷中以靖節五柳先生傳得名

廬山小志 **卷十二** 古蹟 **三** **嫺媛別館**

栗里源 舊志在醉石旁醉石澗上 **歸去來館** 舊志在澗東麓以靖節歸去來辭得名舊名醉

石觀唐道士雷提點馴一白鶴出入隨之常於石上

讀楞伽經 **石劉歸去來館** **增** 歸去來館朱子建改今

名 **石劉** 吟松醉菊

匡廬花隱蔡瀛書

康王谷 舊志在面陽山南 **石劉嘉定壬午暮春毛希元** 扣冰崖雋寒還憇于此 **劉元剛紀遊志** 予以

嘉定十一年仲冬甲戌于歸宗訪墨池鏡溪乙亥自

余峰口宮萬華重雲上紫霄峰欵杏林覺性丙子至

靈溪三將軍洞由隆敖過繙經臺栗里醉石歸去來館濯足靈湯暮抵康王觀丁丑沂澗酌谷簾泉還山口朱沐陳伯賢段日巖向公英同來子瀟侍釋元澄鑄石增六乙集李秀卿論水以廬山康谷水第一

饒子卿隱居舊志在谷中茅茨數椽不避風雨漏則張蓋危坐終日無悶色茅爛輒易之謂之

屋龍景德觀舊志舊名康王觀梁道士張施深棲谷更衣舊志中學老子術武帝詔立觀後據嶄絕前

俯泓渟如龍弄珠光照紺髮宋熙寧詔改今名後移白龍灣西內有珍珠栢被焚異人以丹一粒納裂處旋

廬山小志 卷十二 古蹟 西 鄉嬛別館

復生瀛按江西通志張施作張族

枕石崖舊志在康王谷中 谷簾泉舊志在崖下亦名水簾洞水出漢陽西行至崖噴落數十百縷

下注三百五十餘丈班布如懸玉簾洵匡廬第一觀也石劄谷簾泉朱晦庵書 雲液泉舊志在谷

簾側山多雲母其泉清冽甘寒味出谷簾之上水合烏龍潭經康陽坂入德安增文獻通考江州貢雲母

石 解

壽龍潭

舊志在

銅馬廟

舊志在潭側初有王莽時銅馬

康王谷

為妖人廟祀之愈為厲有道士

丁元真得三洞法役

敕銅馬徙廟澗西

劉成谷

舊志在康王谷北嶺天將雨如鼓簫箏人以為

候增童慈谿志北嶺有城天雨聞鼓角聲周康

王好音樂故

號康王城

景德崦

舊志在康王谷西南以景德觀得

名水勢遮道旋走下曰白龍灣

脚板崦

舊志在白

廬山小志

卷十二

古蹟

五

鄉媛別館

龍灣側崦頂有泉分流南經儒良坂北循山下與

烏龍潭水會又有小泉遵崖而流石劓谷簾泉

馬頭山

舊志在景德崦西

廢楚城縣

舊志在山西今名楚

康陽坂之末也

城鄉有倉基城隍廟

荆林街蛇林遺址增漢置柴桑縣屬豫章隋

改湓城唐武德五年改楚城後并入潯陽

樓臺峰

舊志在漢陽峰北

烏龍潭

舊志在峰下其水一自

峻級側叠而上

仰天坪南分水均西經

甲橋出小漢陽西一自漢陽坡北西流與分水均水
合注潭中常有龍居昔馬應翔禱雨濟旱刻龍君碑

記壁有龍爪痕崖口有道

人石及石盤石馬石虎

白雲山

舊志在烏龍潭南峻山峭削上有白雲庵其東北巔及北麓各有石如船而中折俗呼船公船西有

白龍

木瓜院

舊志在白潭雲庵東南

儒良嶺

舊志在犢鼻山東脚板嶼西南

儒良均

舊志在嶺下宋南康軍陳淳祖置屯隘處以設守備

南有儒良橋

水出康陽坂

廬山小志

卷十二

古蹟

六

鄉媛別館

祝家山

舊志與儒良嶺接壤道從嶺南逕折而東

乾壽院

舊志旁有經石崖增一名乾壽庵僧正誠

建明僧

金獅臺

舊志在院前增道聰修宋僧慧昭建

洞門山

舊志在漢陽峰西北徼兩山相對如門東有茶山坑紅紫澗

楊柳橋

舊志在儒良橋西南

龍山廟

舊志在楊柳橋西水自洞門山經橋出龍山鋪

隘口

舊志在楊柳橋西南德安星子之交黃龍潭家二山對峙中道甚隘過此豁然

終

盧

山

水

出

地732.5
36.56
24



廬山小志卷十三

德化 蔡瀛 小霞 纂



詩

六朝 舊志

遊斜川

陶潛

辛丑正月五日天氣澄和風物閎美與二三鄰曲同
 遊斜川臨長流望層城魴鯉躍鱗于將夕水鷗乘和
 以翻飛彼南阜者名實舊矣不復乃為嗟嘆若夫層
 廬山小志 卷十三 六朝詩 一 鄉媛別館
 城旁無依接獨秀中臯遙想靈山有愛嘉名欣對不
 足率爾賦詩悲日月之遂往悼吾年之不留各疏年
 紀鄉里以記其時日

開歲脩五十吾生行歸休念之動中懷及晨為茲遊氣和
 天宇澄班坐依遠流弱湍馳文魴閑谷矯鳴鷗迴澤散遊
 目緬然睇層邱雖微九重秀顧瞻無匹儔提壺接賓侶引
 滿更獻酬未知從今去當復如此不中腸縱遙情忘彼千
 載憂且極今朝樂明日非所求 按舊志五十作五日中午
作中腸今據詩徵訂正

移居二首

陶潛

昔欲居南村非爲卜其宅聞多素心人樂與數晨夕懷此
頗有年今日從茲役傲廬何必廣取足蔽牀席鄰曲時時
來抗言談在昔奇文共欣賞疑義相與析
春秋多佳日登高賦新詩過門更相呼有酒斟酌之農務
各自歸閒暇輒相思相思則披衣言笑無厭時此理將不
勝無爲忽去茲衣食當須幾力耕不吾欺

還舊居

陶潛

廬山小志

卷十三

六朝詩

二

鄉媛別館

疇昔家上京六載去還歸今日始復來惻愴多所悲阡陌
不移舊邑屋或時非履歷周故宅鄰老罕復遺步步尋往
跡有處時依依流幻百年中寒暑日相推常恐大化盡氣
力不及衰撥置且莫念一觴聊可揮

東林雜詩

釋慧遠

崇巖吐清氣幽岫棲神跡希聲奏羣籟響出山溜滴有客
獨冥遊徑然忘所適揮手撫雲門靈關安足闢流心叩元
扃感至理弗隔孰是騰九霄不奮冲天翮妙同趣自均一

悟超三益

廬山諸道人遊石門詩

并序

釋慧遠

石門在精舍南十餘里一名障山基連大嶺體絕衆阜闢三泉之會並立而開流傾巖元映其上蒙形表于自然故因以爲名此雖廬山之一隅寔斯地之奇觀皆傳之于舊俗而未覩者衆將由懸瀨險峻人獸迹絕逕回曲阜路阻行難故罕經焉釋法師以隆安四年仲春之月因詠山水遂杖錫而遊于時交徒同

廬山小志

卷十三

六朝詩

三

鄒懷別館

趣三十餘人咸拂衣晨征悵然增興雖林壑幽邃而開塗競進乘危履石並以所悅爲安旣至則援木尋葛歷險窮崖猿臂相引僅乃造極于是擁勝倚巖詳觀其下始知七嶺之美蘊奇于此雙闕對峙其前重巖映帶其後巒阜周廻以爲障崇巖四營而開宇其中則有石臺石池宮館之象觸類之形致可樂也清泉分流而合注淥淵鏡淨于天池文石發彩煥若披面檉松芳草蔚然光目其爲神麗亦已脩矣斯日也

衆情奔悅矚覽無厭遊觀未久而天氣屢變霄霧塵
集則萬象隱形流光迴照則衆山倒影開闔之際狀
有靈焉而不可測也乃其將登則翔禽拂翮鳴猿厲
響歸雲迴駕想羽人之來儀哀聲相和若元音之有
寄雖髣髴猶聞而神以之暢雖樂不期歡而忻以永
日當其冲豫自得信有味焉而未易言也退而尋之
夫崖谷之閔會物無主應不以情而開興引人致深
若此豈不以虛明朗其照閉邃篤其情耶並三復斯
廬山小志 卷十三 六朝詩 四 嬋媛別

設猶昧然未盡俄而太陽告夕所存已往乃悟幽人
之元覽達恒物之大情其爲神趣豈山水而已哉于
是徘徊崇嶺流目四矚九江如帶邱阜成垤因此而
推形有巨細智亦宜然乃喟然歎宇宙雖遐古今一
契靈鷲邈矣荒途日隔不有哲人風跡難存應深悟
遠慨焉長懷各忻一遇之同歡感良辰之難再情發
于中遂共詠之云爾

超興非有本理感興自生忽聞石門遊奇唱發幽情褰裳

思雲駕望崖想層城馳步乘長巖不覺質自輕矯首登靈
闕眇若凌太清端坐運虛輪轉彼元中經神仙同物化未
若兩俱冥

按是詩爲釋慧遠作舊志誤以題上廬山諸道人字爲作者名今據顧祖禹方輿紀要訂正

登石門最高頂

謝靈運

晨策尋絕壁夕息在山棲疎峰抗高館對嶺臨迴溪長林
羅戶穴積石擁階基連巖覺路塞密竹使徑迷來人忘新
術去子惑故蹊活活夕流駛噉噉夜猿啼沈冥豈別理守
道自不攜心契九秋幹日翫三春蕘居常以待終處順故
廬山小志

卷十三

六朝詩

五

鄉媛別館

安排惜無同懷客共登青雲梯

石門巖上宿

謝靈運

朝搴苑中蘭畏彼霜下歇暝還雲際宿弄此石上月鳥鳴
識夜棲木落知秋發異音同至聽殊響俱清越妙物莫爲
賞芳醕誰與伐美人竟不來陽阿徒晞髮

登廬山絕頂望諸嶠

謝靈運

積峽忽復啓平途俄已閉巒隴有合沓往來無蹤轍晝夜
蔽日月冬夏共霜雪

入彭蠡湖口

謝靈運

客遊倦水宿風潮難具論
洲島驟迴合坵岸屢崩奔
乘月聽哀狖浥露馥芳蓀
春晚綠野秀巖高白雲屯
千念集日夜萬感盈朝昏
扳崖照石鏡牽葉入松門
三江事多往九派理空存
靈物豈珍怪異人秘精魂
金膏滅明光水碧綴流溫
徒作千里曲絃絕念彌敦

於南山往北山經湖中晚眺

謝靈運

朝旦發陽崖景落憩陰峰
舍舟眺迴渚停策倚茂松
側逕廬山小志

卷十三

六朝詩

六

娜嬛別館

既窈窕環洲亦玲瓏
俛視喬木杪仰聆大壑
漉石橫水分流林密蹊
絕蹤解作竟何感升長
皆丰容初篁苞綠籜新
蒲含紫茸海鷗戲春岸
天鷄弄和風撫化心無
厭覽物眷彌重不惜去
人遠但恨莫與同孤遊
非情歎賞廢理誰通

望石門

鮑昭

訪世失隱淪從山異靈
士明發振雲冠升嶠遠
棲趾高岑隔半天長崖
斷千里氛霧承星辰潭
壑洞江汜嶄絕類虎牙
嶺岼象熊耳埋冰或百
年韜樹必千祀鷄鳴清
澗中猿

嘯白雲裏瑤波逐穴開霞石觸峰起迴互非一形參差悉
相似傾聽鳳管賓緬望釣龍子松桂盈膝前如何穢城市

登廬山

鮑昭

懸裝亂水區薄旅次山楹千巖盛阻積萬壑勢迴縈龍嵒
高昔貌紛繞襲前名洞湖窺地脉聳樹隱天經松磴上迷
密雲竇下縱橫陰冰實夏結爰樹信冬榮嘈噴晨鷓思叫
嘯夜猿清深崖伏化跡穹岫闕長靈乘此樂山性重以遠
遊情方躋羽人途永與煙霧并

廬山小志

卷十三

六朝詩

七

鄉媛別館

從冠軍建平王登廬山香鑪峰

江淹

廣成愛神鼎淮南好丹經此峰具鸞鶴往來盡仙靈瑤草
正翕艷玉樹信葱青絳氣下縈薄白雲上杳冥中坐瞰蜿
虹俛伏視流星不尋遐怪極則知耳目驚日落長沙渚層
陰萬里生藉蘭素多意臨風默含情方學栢松隱羞逐市
井名幸承光誦末伏思託後旂

泛邾亭湖

范雲

迴艫承派水舉帆逐分風蕩漾疑無際飄飄似度空檣鳥

排鳥路船影沒河宮孤石滄波裏匡山苦霧中寄謝千金子安知萬里蓬

遊匡山簡寂館

張正見

三梁礪本絕千仞路猶通卽此神山內銀榜映仙宮鏡似臨峰月流如飲湖虹幽桂無斜影深松有勁風惟當遠人望知在白雲中

六朝增

廬山小志

卷十三

六朝詩

八

鄉媛別館

從登香爐峰

鮑昭

辭宗盛荆夢登高美鳧繹徒取杞梓饒曾非羽人宅羅景
藹雲扃沾光扈龍策御風清列涂乘山窮禹跡含嘯對霧
岑延蘿倚峰壁青冥搖烟樹穹跨負天石霜崖滅土膏金
澗測泉脈旋淵抱星漢乳竇通海碧谷館駕鴻人巖樓咀
丹客殊物藏珍怪奇心隱僊籍高世伏英華綿古遁精魄
蕭瑟生哀聽參差遠驚覲慚無獻賦才洗汗奉毫帛

望孤石

鮑昭

江南多暖谷雜樹茂寒峰朱華抱白雪陽條熙朔風蚌節
流綺藻輝石亂烟虹泄雲去無極馳波往不窮嘯歌清漏
畢徘徊朝景終浮生會當幾歡酌每盈衷

登江州百花亭懷荆楚

梁元帝

極目纔千里何由望楚津落花灑行路垂楊拂砌塵柳絮
飄晴雪荷珠漾水銀試酌新春酒遙勸陽臺人

望江州贈魚司馬

何遜

湓城俯湓水湓水縈如帶日夕望高城耿耿青雲外城中

廬山小志

卷十三

六朝詩

九 娜嬛別館

多宴賞絲竹常繁會管聲已流悅絃聲復淒切歌黛慘如
愁舞腰凝欲絕仲秋黃葉下長風正騷屑早雁出雲歸故
燕辭簷別晝悲在異縣夜夢還洛汭洛汭何悠悠起望西
南樓的的帆向浦團團月映洲誰能一羽化輕舉逐飛浮
與沈助教同宿湓口夜別

何遜

我爲潯陽客戒旦乃西遊君隨春水駛鷄鳴亦動舟共泛
湓之浦旅泊次城樓華燭已消半更人數唱籌行人從此

別去去不淹留

按以上二詩均何水部作郡志以前首

和百花亭懷荆楚

陰鏗

江陵一柱觀溇陽千里潮風煙望似接川路恨成遙落花
輕未下飛絲斷易飄藤長還依路荷生不避橋陽臺可憶
處惟有暮將朝

奉和百花亭懷荆楚

朱超道

亭高登望極春心遠近同莫恨荆臺隱雲行不礙空柳色
浮新翠蘭心帶殘紅若因鵬舉便重上龍門中

詠孤石

朱超道

廬山小志

卷十三

六朝詩

十

娘別館

侵霞去日近鎮水激流分對影疑雙闕孤生若斷雲過風
靜高浪騰烟起薄暉雖言近七領獨立不成羣

自江州還入石頭

劉峻

鼓楫浮大川延睇洛城觀洛城何鬱鬱杳與雲霄半前望
蒼龍門斜瞻白鶴館槐垂御溝道柳綴金隄岸迅馬晨風
趨輕輿流水散高歌梁塵下絙瑟荆禽亂我思江海遊曾
無朝市玩忽寄靈臺宿空軫及關歎仲子入南楚伯鸞出

東漢何能棲樹枝取斃王孫彈

按絙瑟郡志
作絙琴誤

奉使江州舟中七夕

庾肩吾

九江逢七夕初弦催早秋天河來映水織女欲攀舟漢使
俱爲客星槎共逐流莫言相送浦不及穿針樓

遊廬山觀道士石室

吳邁遠

蒙茸衆山裏往來行跡稀尋嶺達仙居道士披雲歸似着
周時冠狀披漢時衣安知世代積服古人不衰得我宿昔
情知我道無爲

廬山小志

卷十三

六朝詩

七

娜嬛別館

廬山小志卷十四

德化 蔡瀛 小霞 纂

詩

唐 舊志

入廬山仰望瀑布水

張九齡

絕頂有懸泉喧喧出煙杪不知幾時歲但見無昏曉閃閃
青崖落鮮鮮白日皎西流濕行雲濺沫驚飛鳥雷吼何噴
薄箭馳入窈窕昔聞山下蒙今乃林巒表物情有詭激坤
廬山小志 卷十四 唐詩 一 如嶽別館
元曷紛矯然置此去變化誰能了

湖口望廬山瀑布泉

張九齡

萬丈洪泉落迢迢半紫氛奔流下雜樹灑落出重雲日照
虹蜺似天清風雨聞靈山多秀色空水共氤氳

尋廬山崔徵君

邱為

日高雞犬靜門掩向寒塘夜竹深茅宇秋亭冷石牀在山
年已遠服藥壽偏長虛棄浮生者相逢益自傷

醉石

顏真卿

張良思報韓龔勝恥事新徂擊不肯就舍生悲縉紳嗚呼
陶淵明奕葉爲晉臣自以公相後每懷宗國屯題詩庚子
歲自謂羲皇人手持山海經頭戴漉酒巾興逐孤雲外心
隨還鳥泯

送鄭山人還廬山

劉長卿

潯陽數畝宅歸臥掩柴關谷口何人待門前秋草閉忘機
賣藥罷揮手杖藜還舊筍成寒竹空齋向暮山水流經舍
下雲去到人閒桂樹花應發因行寄一攀

廬山小志

卷十四

唐詩

二

娜孃別館

遠公龕

劉長卿

松路向精舍花龕歸老僧閑雲移錫杖落日低金繩入夜
翠微裏千峰明一燈

望廬山瀑布水

李白

西登香鑪峰南見瀑布水挂流三千丈噴壑數十里歛如
飛練來隱若白虹起初驚河漢落半灑雲天裏仰觀勢轉
雄壯哉造化功海風吹不斷江月照還空空空亂激射左
右洗青壁飛珠散輕霞流沫沸穿石而我樂名山對之心

益閒無論漱瓊液且得洗塵顏但諧宿所好永願辭人閒

廬山東林寺夜懷

李 白

我尋青蓮字獨往謝城闕霜清東林鐘水白虎溪月天香
生虛空天樂鳴不歇宴坐寂不動大千入毫髮湛然冥真
心曠刼斷出沒

贈王判官時余歸隱屏風盞

李 白

昔別黃鶴樓蹉跎淮海秋俱飄零落葉各散洞庭流中年
不相見蹭蹬遊吳越何處我思君天台綠蘿月會稽風月

廬山小志

卷十四

唐詩

三 鄉媛別館

好却遶剡溪迴雲山海上出人物鏡中來一度浙江北十
年醉楚臺荆門倒屈宋梁苑傾鄒枚苦笑我夸誕知音安
在哉大盜割鴻溝如風掃秋葉吾非濟代人且隱屏風壘
中夜天中望憶君思見君明朝拂衣去永與海鷗羣

入彭蠡經松門觀石鏡緬懷謝康樂題詩書遊覽之

志

李 白

謝公之彭蠡因此遊松門余方窺石鏡兼得窮江源欲將
繼風雅豈徒清心魂前賞逾所見後來道空存

下潯陽城泛彭蠡寄王判官

李白

浪動灌嬰井潯陽江上風開帆入天鏡
直向彭湖東落景轉遙雨晴雲散遠
空名山發佳興清賞亦何窮石鏡挂遙
月香鑪滅彩虹相思俱對此舉目與君同

潯陽紫極宮感秋作

李白

何處聞秋聲翛翛北窗竹迴薄萬古心攬之不盈
拘靜坐觀衆妙浩然媚幽獨白雲南山來就我檐下宿
懶從唐生決羞訪季子卜四十九年非一往不可復
野情轉蕭散世廬山小志 卷十四 唐詩 四 孀媛別館
道有翻覆陶令歸去來田家酒應熟

廬山謠寄盧侍御虛舟

李白

我本楚狂人狂歌笑孔邱手持綠玉杖朝別黃鶴樓
五嶽尋仙不辭遠一生好入名山遊廬山秀出南斗傍
屏風九疊雲錦張影落明湖青黛光金闕前開二峰長
銀河倒挂三石梁香鑪瀑布遙相望迴崖沓嶂凌蒼蒼
翠影紅霞映朝日鳥飛不到吳天長登高壯觀天地闊
大江茫茫去不還黃雲萬里動風色白波九道流雪山
好爲廬山謠興因

廬山發閔窺石鏡清我心謝公行處蒼苔沒早服還丹無
世情琴心三疊道初成遙見仙人綵雲裡手把芙蓉朝玉
京先期汗漫九垓上願接盧敖遊太清

送內尋廬山女道士李騰空

李白

君尋騰空去應到碧仙家水春雲母碓風掃石楠花若戀
幽居好相邀弄紫霞

贈李騰空

李白

多君相門女學道愛神仙素手掬青靄羅衣曳紫烟一往
廬山小志

卷十四

唐詩

五

嬋媛別館

屏風疊乘鸞着玉鞭

別東林寺僧

李白

東林送別處月出白猿啼笑別廬山遠何妨過虎溪

廬山五老峰

李白

廬山東南五老峰青天削出金芙蓉九江秀色可攬結吾
將此地巢雲松

勉愛行送小季之廬山二之一

李賀

洛郊無俎豆弊廡慚老馬小雁過鱸峰影落楚水下長船

倚雲泊石鏡秋涼夜豈解有鄉情弄月聊嗚啞

彭蠡湖中望廬山

孟浩然

太虛生月暈舟子知天風挂席候明發渺漫平湖中中流
見匡阜勢壓九江雄黓黓容鬢色崢嶸當曉空香鑪初上
日瀑布噴成虹人欲追尙子况茲懷遠公我來限于役未
暇息微躬淮海途將半星霜歲欲窮寄言巖栖者畢趣當
來同

晚泊潯陽望香鑪峰

孟浩然

廬山小志

卷

十四

唐詩

六

嫿媛別館

挂席幾千里名山都未逢泊舟潯陽郭始見香鑪峰嘗讀
遠公傳永懷塵外蹤東林精舍近日暮空聞鐘

過龍泉精舍

孟浩然

亭午聞山鐘起行散愁寂尋林採芝去谷轉松蘿密傍見
精舍開長廊飯僧畢石渠流雪水金子耀霜橘竹房思舊
遊過憇終永日入洞窺石髓傍崖採蜂蜜山暝辭遠公虎
溪相送出

夜泊廬江寄東林故人

孟浩然

江路經廬阜松門入虎溪聞君尋寂樂清夜宿招提石鏡
山精怯禪床布鶴棲一登如悟道爲照客心迷

望廬山

錢起

咫尺愁風雨匡廬不可登祇疑雲霧窟猶有六朝僧

題葉道士山房

顧况

水邊楊柳赤欄橋洞裏神仙碧玉簫近得麻姑書信否潯
陽江上不通潮

送舍弟孺復往廬山

熊孺登

廬山小志

卷十四

唐詩

七

孺媛別館

能騎竹馬辨西東未省烟花暫不同第一早歸春欲盡廬
山好看過湖風

春遊西林寺

白居易

下馬西林寺翛然進輕策朝爲公府吏暮作靈山客二月
匡廬北冰雪始消釋陽叢抽茗芽陰竇洩泉脉熙熙土風
暝靄靄雲嵐積散作萬壑春凝爲一氣碧身閒易澹泊官
散無牽迫緬彼十八人古今同此適是年淮寇起處處興
兵草智士勞思謀戎臣苦征役獨有不才者山中弄泉石

夜宿簡寂觀

白居易

巖白雲尚屯林紅葉初隕秋光引閑步不知行遠近夕投
靈洞宿臥覺塵機泯名利心既忘市朝夢亦盡暫來尚如
此况乃終身隱何以療夜饑一匙雲母粉

香鑪峰下新置草堂卽事咏懷

白居易

香鑪峰北面遺愛寺西偏白石何鑿鑿清流亦潺潺有松
數十株有竹千餘竿松張翠傘蓋竹倚青琅玕其下無人
居悠哉多歲年有時聚猿鳥終日空風煙時有沉冥子姓
廬山小志 卷十四 唐詩 八 鄉媛別館
白字樂天平生無所好見此心依然如獲終老地忽乎不
知遷架巖結茅宇斲壑開茶園何以洗我耳屋頭飛落泉
何以洗我眼砌下生白蓮左手攜一壺右手拏五絃傲然
意自足箕踞於其間興酣仰天歌歌中聊寄言言我本野
夫誤爲世網牽時來昔捧日老去今歸山倦鳥得茂樹涸
魚反清源捨此欲焉往人閒多險難

遊石門澗

白居易

石門無舊徑披榛訪遺跡時逢山水秋清輝如古昔常聞

蕙遠輩題詩此崖壁雲覆莓苔封蒼然無處覓蕭疎野生
竹崩剝多年石自從東晉後無復人遊歷獨有秋澗聲潺
湲空旦夕

題元八谿居

白居易

溪嵐漠漠樹重重水檻山窻次第逢晚葉尙開紅躑躅秋
房初結白芙蓉聲來枕上千年鶴影落杯中五老峰更愧
殷勤畱客意魚鮮飯細酒香濃

香鑪峰下新卜草堂偶題東壁五首 白居易

廬山小志

卷十四

九 娜嬛別館

五架三閒新草堂石階桂柱竹編牆南簷納日冬天暖北
戶迎風夏日涼灑砌飛泉纔有點拂窻斜竹不成行來春
更葺東廂屋紙閣蘆簾着孟光

喜入山林初息影厭趨朝市久勞生早年薄有烟霞志晚
歲深諳世俗情已許虎溪雲裏臥不爭龍尾道前行從茲
耳界應清淨免見啾啾毀譽聲

長松樹下小溪頭斑鹿胎巾白布裘藥圃茶園爲產業野
麋林鶴是交遊雲生澗戶衣裳潤嵐隱山厨火燭幽最愛

一泉新引得清泠屈曲遶堦流

日高睡足猶慵起小閣重裘不怕寒遺愛寺泉欹枕聽香
鑪峰雪撥簾看匡廬便是逃名地司馬仍爲送老官心泰
身寧是歸處故鄉何獨在長安

宦途自此心長別世事從今口不言豈止形骸同土木兼
將壽夭任乾坤胸中壯氣猶難遣身外浮雲何足論還有
一條遺恨事高家門館未酬恩

早發楚城驛

白居易

廬山小志

卷十四

唐詩

十

鄉孃別館

過雨塵埃滅沿江道路平月乘殘夜出人趁早涼行寂歷
閑吟動冥濛聞思生茆塘翻露氣稻壠瀉泉聲宿犬聞鈴
起棲禽見火驚矐矐烟樹色十里始天明

題遺愛寺前溪松

白居易

偃亞長松樹侵臨小石溪靜將流水對高共遠峰齊翠蓋
烟籠密花幢雪壓低與僧清影坐借鶴穩枝棲筆寫形難
似琴偷韻易逃暑天風槭槭暗夜露淒淒獨憇依爲舍閑
行繞作蹊棟梁君莫採留着伴幽棲

重過江州題別遺愛草堂兼呈李十使君

白居易

曾住鑪峰下書堂對藥臺
斬新蘿徑合依舊竹窻開
砌水親曾決池荷手自栽
五年方斲至一宿又須回
縱未長歸得猶勝不到來
君家白鹿洞聞道亦生苔

琵琶亭

元稹

夜泊潯陽宿酒樓琵琶亭畔
荻花秋雲沉鳥沒事已往
月白風清江自流

廬山小志

卷十四

唐詩

十一

鄉媛別館

送僧歸廬山

趙嘏

禪棲忽憶五峰遊去着方袍
謝列侯花啟樓臺千葉曙
錫含風雨一枝秋題詩片石侵雲住
洗鉢香泉覆菊流却憶前年別師處
馬嘶殘月虎溪頭

東林寺

黃滔

平生愛山水下馬虎溪時已到
終嫌晚重遊預作期寺寒三伏雨
松偃六朝枝翻譯如曾見白蓮開滿池

題紫極宮齋後

李羣玉

紫府笙歌碧落寒
晚星寥亮月光殘
一羣白鶴高飛散
唯
有松花掃石壇

過陶潛故宅

崔塗

陶令昔居此
弄琴遺世情
田園三畝綠
軒冕一銖輕
衰柳自無主
白雲猶可耕
不隨陵谷變
應有是高名

西林水閣

伍喬

竹翠苔花遶檻濃
此亭幽致詎曾逢
水分林下東西派
山峙雲間峭峻峰
怪石夜光寒射燭
老杉秋韻冷和鐘
不知廬山小志
來往留題者
誰約重尋蓮社蹤

廬山小志

唐詩

三

鄉媛別館

附 書蔣暉之門

呂純陽仙筆

宴罷高歌海上山
月瓢盛露浴金丹
夜深鶴透秋雲碧
萬里西風一劍寒

唐增

送張舍人佐江州同薛據十韻

王維

束帶趨承明
守官惟謁者
清晨聽銀蚪
薄暮辭金馬
受辭

未嘗易當是方知寡清範何風流高文有風雅忽佐江上
州當自潯陽下逆旅到三湘長途應百舍香鑪遠峰出石
鏡澄湖瀉董奉杏成林陶潛菊盈把彭蠡常好之廬山我
心也送君思遠道欲以數行灑

九江口作

王昌齡

泝泝江勢濶雨開潯陽秋驛門是高岸望盡黃蘆洲水與
五谿合心期萬里遊明時無棄才謫去隨孤舟鷺鳥立寒
木丈夫佩吳鉤何當報君恩却繫單于頭

廬山小志

卷十四

唐詩

三

鄉媛別館

太平觀

綦母潛

夕到玉京寢窅冥雲漢低魂交仙室蝶曙聽羽人雞滴瀝
花上露清冷松下谿明當訪真隱揮手入無倪

憶舊遊書懷贈江夏韋太守良宰

李白

僕臥香鑪頂餐霞漱瑤泉門開九江轉枕下五湖連半夜
水軍來尋陽滿旌旄空名適自誤迫脅上樓船徒賜五百
金棄之若浮烟辭官不受賞翻謫夜郎天

憶李十二白讀書匡山

杜甫

不見李生久伴狂真可哀世人皆欲殺吾意獨憐才敏捷
詩千首飄零酒一杯匡山讀書處頭白好歸來

秋杪廬山西峰題準上人蘭若

錢起

向山看霽色步步豁幽性反照亂流明寒空千嶂淨石門
有餘好霞殘月欲映上詣遠公廬孤峰懸一徑雲裏隔窻
火松閒下山磬客到兩忘言棲心與禪定

登廬山東峰觀九江合彭蠡湖

獨孤及

百川灌彭蠡秋水方浩浩九派混東流朝宗合天沼寫心

廬山小志

卷十四

唐詩

齒

鄉媛別館

陟雲峰縱目還縹緲宛轉眾浦分差池羣山繞江妃弄明
霞彷彿呈窈窕而我臨長風飄然欲騰矯昔懷滄洲與斯
志果已紹焉得忘機人相從合魚鳥

峽石西泉

韓愈

居然鱗介不能容石眼環環水一鍾聞說旱時求得雨祇
疑蝌蚪是蛟龍

琵琶行

白居易

元和十年予左遷九江郡司馬明年秋送客湓浦口

聞舟中夜彈琵琶者聽其音鏗鏘然有京都聲問其人本長安娼女嘗學琵琶於穆曹二善才年長色衰委身爲賈人婦遂命酒快彈數曲曲罷憫然自敘少小時歡樂事今漂淪憔悴轉徙于江淮閔予出官二年恬然自安感斯人言始覺有遷謫意因爲長句歌以贈之凡六百十六言命曰琵琶行

潯陽江頭夜送客楓葉荻花秋瑟瑟主人下馬客在船舉酒欲飲無管絃醉不成歡慘將別別時茫茫江浸月忽聞廬山小志 卷十四 唐詩 五 鄉媛別館
水上琵琶聲主人忘歸客不發尋聲暗問彈者誰琵琶聲停欲語遲移船相近邀相見添酒回燈重開宴千呼萬喚始出來猶抱琵琶半遮面轉軸撥絃三兩聲未成曲調先有情絃絃掩抑聲聲思似訴平生不得志低眉信手續續彈說盡心中無限事輕攏慢撚抹復挑初爲霓裳後六么大絃嘈嘈如急雨小絃切切如私語嘈嘈切切錯雜彈大珠小珠落玉盤閉關鶯語花底滑幽咽泉流水下灘水泉冷澁絃凝絕凝絕不通聲暫歇別有憂愁暗恨生此時無

聲勝有聲銀瓶乍破水漿遊鐵騎突出刀鎗鳴曲終收撥
當心畫四絃一聲如裂帛東船西舫悄無言惟見江心秋
月白沉吟放撥插絃中整頓衣裳起斂容自言本是京城
女家在蝦蟆陵下住十三學得琵琶成名屬教坊第一部
曲罷常教善才服粧成每被秋娘妬五陵年少爭纏頭一
曲紅綃不知數鈿頭銀篦擊節碎血色羅裙翻酒污今年
歡笑復明年秋月春風等閒度第走從軍阿姨死暮去朝
來顏色故門前冷落車馬稀老大嫁作商人婦商人重利
廬山小志 卷十四 唐詩 六 嫿嬛別館
輕別離前月浮梁買茶去去時江口守空船繞船明月江
水寒夜深忽憶少年事夢啼粧淚紅闌干我聞琵琶已歎
息又聞此語重唧唧同是天涯淪落人相逢何必曾相識
我從去年辭帝京謫居臥病潯陽城潯陽地僻無音樂終
歲不聞絲竹聲住近湓江地低濕黃蘆苦竹繞宅生其閒
旦暮聞何物杜鵑啼血猿哀鳴春江花朝秋月夜往往取
酒還獨傾豈無山歌與邶笛嘔啞嘲晰難爲聽今夜聞君
琵琶語如聽仙樂耳暫明莫辭更坐彈一曲爲君翻作琵琶

琶行感我此言良久立却坐促絃絃轉急淒淒不似向前
聲滿座重聞皆掩泣座中泣下誰最多江州司馬青衫濕

初到江州

白居易

潯陽欲到思無窮庾亮樓南湓口東樹木凋疎山雨後人
家低濕水烟中菰蒲餵馬行無力蘆荻編房臥有風遙見
朱輪來出郭相迎勞動使君公

按臣游入蜀記香山庾亮樓南句誤詳十卷

庾樓曉望

白居易

獨憑朱檻立凌晨山色初明水色新竹霧曉籠啣嶺月蘋
廬山小志 卷十四 唐詩 七 嫿媛別館
風暖送過江春子城陰處猶殘雪衙鼓聲前未有塵三百
年來庾樓上曾經多少望鄉人

寄默公

卽處默時居東林寺

賈島

已知歸白閣山遠曉晴看石室人心靜冰潭月影殘微雲
分片滅古木落新乾夜後風飄磬西峰絕頂寒

望廬山

周繇

匡廬千萬峰影匝郡城中忽被虎符去遙疑鳥道通烟霞
時滿郭波浪暮連空樹翳樓臺月帆飄鼓角風郡齋多岳

客鄉戶半漁翁王事行春外題詩寄遠公

寄落星史虛白處士

伍喬

長羨閑居一水湄吟情高古有誰知石樓待月橫琴久漁
浦經風下釣遲僻塢落花多掩徑舊山殘燒幾侵籬松門
別後無消息早晚重應躡屐隨

廬山小志

卷十四

唐詩

六 鄉媛別館

廬山小志卷十五

德化 蔡瀛 小霞 篋

詩

宋舊志

題濂溪

周元公

潺湲來數里到此始澄清有龍不可測岸木寒森森吾樂
蓋易足名濂朝暮箴

廬山大林寺

周元公

廬山小志

卷十五

宋詩

一 鄒媛別館

三月山房暖林花互照明路盤層頂上人在半空行水色
雲含白禽聲谷應清天風拂襟袂縹緲覺身輕

觀瀑布

范仲淹

靈源何太高北斗想可挹凌日三光直逗遛千仞急白虹
下澗飲寒劍倚天立閃電不得瞬長雷無敢蟄萬丈崑崖
折一道林巒濕險迫飛鳥墜冷洒山鬼泣須當截海去濁
水不能入

送馬程知江州德安

林逋

酒酣無復耿離腸一路之官盡水鄉
公廨寒生對廬阜客帆風定泊潯陽
波涵洲渚初收潦露浥蒹葭未作霜
到此何人先刺謁二林開士在琴堂

白鶴觀

蘇軾

五老峰前白鶴遺址長松蔭庭風日清美
我時獨遊不逢一士誰與碁者戶外屨二
不聞人聲時聞落子楸枰對坐誰究此理
空鈎意釣豈在魴鯉小兒近通剝啄信指
勝固欣然敗亦可喜優哉游哉聊復爾耳

廬山小志

卷十五

宋詩

二

娜嬛別館

青玉峽漱玉亭

蘇軾

高巖敞赤日深谷來悲風擘開青玉峽
飛出兩白龍亂沫散霜雪古潭搖清風
餘流滑無聲快瀉出玉硤我來不忍去
月出飛橋東蕩蕩白銀闕沉沉水晶宮
願從琴高生腳踏赤鯁公手持玉芙蓉
跳下清冷中

李氏山房

蘇軾

彭蠡東北源廬阜西南麓何人修水上
種此一雙玉思之不可見破宅餘修竹
四鄰戒莫犯十畝森如束我來仲夏

初解籜呈新綠幽鳥向我鳴野人留我宿徘徊不忍去微
月挂喬木遙想他年歸解組巾一幅對床老弟兄夜雨鳴
竹屋臥聽林寺鐘書窗有殘燭

三峽橋

蘇軾

吾聞泰山石積日穿綫溜况此百雷霆萬世與石鬪深行
九地底險出三峽石長輪不盡溪欲滿無底竇跳波翻潛
魚震響落飛狄清寒入山骨草木盡堅瘦空濛烟雨閔瀕
洞金石奏鬱鬱飛橋出激激半月穀玉淵神龍近雲雨亂
廬山小志 卷十五 宋詩 三 鄉媛別館
晴晝垂瓶得清甘可嚙不可漱

登廬山懷李十使君渤

蘇軾

讀書廬山中作郡廬山下平湖浸山脚雲峰對虛榭紅葉
紛欲落白鳥時來下猶思隱居勝亂石驚湍瀉

五老峰

蘇軾

偶尋流水上崔嵬五老蒼然一笑開若見謫仙煩寄語匡
山頭白早歸來

萬杉寺

蘇轍

萬本青杉一寺栽滿堂金氣自天來涓涓石溜供厨汲壁
壁山屏繞寺開半榻松陰秋簟冷一盂香飯午鐘催安眠
飽足平生事不待閑僧喚始回

白鶴觀

蘇轍

五老相携欲上天元猿白鶴盡疑僊浮雲有意來山頂流
水無聲入稻田古木微風時起籟諸峰落日盡生烟歸鞭
草草還城市慚愧幽人正醉眠

白鶴觀

黃庭堅

廬山小志

卷十五

宋詩

四 嫺嬛別館

荒徑行如錯蟠桃看轉奇鳥聲人寂處山色雨晴時賒得
漁翁酒閒觀道士碁箇中有佳趣莫怪下山遲

落星石

黃庭堅

落星開士深結屋龍閣老翁來賦詩小雨藏山客坐久長
江接天帆到遲宴寢清香與世隔畫圖妙絕無人知蜂房
自各開戶牖處處煮茶藤一枝

東林寺

黃庭堅

白蓮種出淨無塵千古風流社裏人禪律定知誰束縛過

溪沾酒見天真

白鶴觀

秦觀

複殿重樓墮杳冥故基喬木尚崢嶸
銀河不改三千尺鐵馬曾經十萬兵
華表故應終化鶴謫仙未解獨騎鯨
林泉一一兒童舊白髮衰顏只自驚

開先寺觀龍潭

米芾

度峽捫青玉臨深坐綠苔水從雙劍下
山挾兩龍來春暖花驚雪林空石迸雷
塵纓聊此濯却去首重回

廬山小志

卷十五

宋詩

五

鄉媛別館

彭蠡湖

王安石

茫茫彭蠡杳無地白浪春風濕天際
東西捩柁萬舟回千歲老蛟時出戲
少年輕事鎮南來水怒如山船正開
中流蜿蜒見脊尾觀者膽墮予方咤
衣冠今日龍山路廟下沾酒山前住
老矣安能學仗飛買田欲棄江湖去

按舊志爲朱子作誤

次張彥輔西源之作

朱文公

無處堪投迹空山寄一椽懸門窺絕壁
繚徑上層巔檻澗吞江浪窻虛響谷泉
丹經閱自讀不爲學神仙

景德觀

朱文公

循澗西北驚崎嶇幾經邱前往荒蹊斷豁然清溪流一涉
臺殿古再涉川原幽縈行復屢渡乃得寒巖陬飛泉天上
來一落散不收披崖日璀璨噴壑風颼颼採薪爨絕品淪
茗澆窮愁敬酌古陸子何年復來遊

廬山昭德源

朱文公

景幽人跡少惟有此源長水接天池綠花分繡谷香僧闕
多老大寺古半荒涼却怪尋山客何由到上方

廬山小志

卷十五

宋詩

六 鄉孃別館

羅漢寺

白玉蟾

林闕一徑似驚蛇中有禪關閉紫霞煙鎖蒼松遮寺額風
搖翠竹撼簷牙客來寂寞盤香穗飯罷從容瀾茗花到此
徘徊歸去晚夕陽挂樹幾聲鴉

泛舟黃橋歸廬山

白玉蟾

清風爲我送歸船數粒青松起薄烟帆影驚飛秋水雁艣
聲攬斷夕陽蟬幾人家在溪頭岸一片雲生水底天滿眼
良朋無好酒此心已挂九江邊

宋增

寄東林慧海上人

岳鄂王

湓浦廬山幾度秋長江萬折向東流男兒立志扶王室聖
主專征滅土酋功業要刊燕石上歸休終伴赤松遊慙
寄語東林老蓮社從今着力修

再登廬山

蘇軾

飛雲欲埋山勢與飄風南羣儕相應和勇往事驟驛可憐
廬山小志

卷十五

宋詩

七

嫿嬛別館

蔚蒼中時出紫翠嵐鴈沒出東嶺龍騰見西龕一時共坐
笑百態變立談暑雨破峽虬清風掃渾涵廓然歸何處陋
矣安足戡亭亭紫霄峰窈窈白石庵五老數松雪雙溪落
天潭雖然默禱應已有移文慚

浪井

蘇轍

江波浮陣雲岸碧立青鐵胡爲井中泉浪湧時驚發水性
本無定得止自澄澈誰爲女媧氏補此天地裂

二賢祠

蘇轍

雙旌相繼出湖濱千里桑麻化雨新遺廟尙存今日祀青
山曾見古時人空林門掩蒼苔合啼鳥烟深綠樹春幾度
繫舟星渚上欲從祠下薦溪蘋

溫泉

朱文公

連山西南來中斷還崛起千霄幾千仞據地三百里飛峰
廬山小志 卷十五 宋詩 八 嬋媛別館
上靈秀衆壑下清美逮茲勢力窮猶能出奇偉雖然丹黃
皴爨此玉池水客來爭解帶萬劫付一洗當年謝康樂絃
絕今久矣水碧復流溫相思五湖裏

濂溪祠

朱文公

北渡石塘橋西訪濂溪宅喬木無遺株虛堂惟四壁竦瞻
德容粹跪薦寒流碧幸矣有斯人渾淪再開闢

過虎溪對東林蒼崖翠樾下侵大湖宛似靈隱冷泉
鳴長老法才作亭名曰過溪且爲率山丁薙草定

基一朝而畢

范成大

過溪無限翠屏開
大笑從教虎子猜
不獨山中添故事
仍教題作小飛來

六月十四日宿東林寺

陸游

看盡江湖千萬峰
不嫌雲夢芥吾胸
戲招西塞山前月
來聽東林寺裏鐘
遠客豈知今再到
老僧能記昔相逢
虛窗熟睡誰驚覺
野碓無人夜自舂

戴月遊西林

白玉蟾

廬山小志

卷十五

宋詩

九

鄱陽別館

悄然無人聲
但有一杯月
誰家鳴乳厖
萬籟盡不發
蒼鬢指前路
滿地鋪翠樾
清露滴秋衾
夜氣飛霰屑
遙岑有無中
煙渺天空濶
劍光衝斗牛
長嘯蒼崖裂
山行二三里
詩腸思酒渴
冷雲曳山腰
暗水洗石骨
勒馬過斷橋
枯木凍欲折
枝頭驚鳥散
草根鳴蟋蟀
試問夜何如
孤猿啼不歇
柴門自推敲
殘燈更明滅
回首古招提
地僻居窮髮
紅裳照經幢
紫殿閉鎖闥
題名墨未乾
壁上龍蛇活
秉燭出雲房
古徑蒼苔滑
黃鳥啼四更
驚破梅花雪

淵明祠

顧祿

黃閣彤扉盡宋臣歸來松菊伴閉身舉頭誰識悠然意只有南山是故人

題龜峰

謝枋得

三十二峰峰最高腳踏高處真人豪近觀靈山一崕嶮俛視彭蠡無波濤眼明始見滄海闊心閒却憐塵世勞後百千年誰獨立萬古一覽皆秋毫

廬山小志

卷十五

宋詩

十 鄉媛別館

元舊志

石門

金元好問

兩崖橫絕倚山垠草徑低迷未可分潭影乍從明處見竹香偏向靜中聞石林萬古不知暑茅屋四鄰惟有雲曳杖行歌羨樵叟此生何計得隨君

遊白鶴觀

虞集

白鶴山人如鶴白自抱山樽留過客要看修竹萬琅玕更對名花春雪色山樽本出山下泉過客醉去山人眠客亦

是鶴君莫笑重來更待三千年

水簾泉

趙孟頫

飛天如玉簾直下數千尺新月如簾鈎遙遙掛空碧

廬山

揭傒斯

香鑪峰色紫生烟一入京華路杳然雲碓秋閑春藥水雨
犁春臥種芝田書憑海鶴來時寄劔自潭蛟去後懸忽報
歸期驚倦客獨淹微祿負中年

送僧歸廬山

薩都拉

廬山小志

卷十五

宋詩

十一

鄒環別館

楊子江頭木葉風上人歸興白雲重淨瓶滿貯蓬萊水客
舫遙聽精舍鐘到家自笑門前鶴洗鉢不驚潭底龍珍重
匡廬山畔路逢人應問舊栽松

潯陽江

林景熙

三弄知何處蒼茫起釣舟閑將千古意吹入九江秋驚雁
顧殘侶寒風生別洲曲終和月臥無夢到涼州

元增

登獅子峰

羅大紘

徙倚獅峰最上頭，仙宮縹渺接浮邱。
雲開孤嶂連天起，虹入長江帶壑流。
楓葉有情能醉晚，黃花無語自成秋。
高情別有陽春調，不擬人閒說壯遊。

廬山瀑布謠

并序

楊維禎

甲申秋八月十六夜，予夢與酸齋仙客遊廬山，各賦詩。酸齋賦，彭郎詞，予賦瀑布謠。

銀河忽如瓠子決，瀉諸五老之峰前。
我疑天仙織素練，素練脫軸垂青天。
便欲手把并州剪，剪取一幅玻璃煙。
相逢雲石子，有似捉月仙。
酒喉無耐夜渴甚，騎鯨吸海枯桑田。
居然化作十萬丈，玉虹倒挂清冷淵。

廬山小志

卷十五

元詩

三

鄉媛別館

明舊志

淵明祠

劉基

江左昔潰亂，桓盧遞相尋。
劉裕起寒微，長驅埽氛祲。
秋草雖未枯，霜雪已侵侵。
陶公節義士，素食豈其心。
我才非管

葛誰能起沈淪所以歌去來歸臥五柳陰悠悠多感激悵
悵寄謳吟哲人貴知幾芳名畱至今臨祠三歎息懷古一
何深

題李白觀瀑圖

方孝孺

天寶之亂唐已亾中興幸有汾陽王孤軍匹馬跨河北手
扶紅日照萬方凌煙功臣世爭羨李侯先識英雄面沉香
亭北對蛾眉眼中已見漁陽亂故令邊將儲虎臣爲我談
笑靖邊塵朝廷策勲當第一珪組不敢縻夫人西遊夜郎
廬山小志

卷十五

明詩

七

鄉媛別館

探月窟南浮萬里窮楚越雲山勝地有匡廬銀河挂空灑
飛雪醉中信馬踏清秋白眼望天天爲愁金闕老奴汚吾
足更欲坐濯清溪流英風逸氣掀宇宙千載人闕寧復有
夢魂飛度南斗傍笑酌廬山一卮酒雲松可巢今在無九
江落照連蒼梧欲從李侯叫虞舜盡傾江水洗寰區

廬山歌

解縉

昔年挂玉杖去看廬山峰遠山如遊龍半入青天中四顧
無人獨青秀五老與我同春容手弄石上琴目送天邊鴻

二儀自高下吳楚分西東洪濤巨浪拍崖下波光上與銀
河通吸澗元猿弄晴影長松舞鶴號天風天風吹我不能
立便欲起把十二青芙蓉弱流萬里可飛越因之獻納蓬
萊宮羲娥倏忽遂成晚往往夢裏尋仙踪如今不知何人
採此景樹下一老與我襟裾同披圖題詩要相贈氣騰香
露秋濛濛子歸煩語謝五老幾時白酒再熟來相從

杏林

曾 榮

董仙昔日家何處云在芙蓉峰下住當時種杏盡成林歲

廬山小志

卷十五

明詩

西

鄉媛別館

歲開花千萬樹藥鑪九轉成丹砂乘雲飛上太清家回看
杏樹宛如昨東風處處蒸紅霞春雲壓地花園屋秋實連
山虎收穀却笑蘇耽橘井泉一酌寒流不堪掬

雲錦峰

羅汝敬

廬山東南雲錦屏裂雲製錦羅紫青水簾捲秋天漠漠春
色入林花冥冥屏陰處處青山小古刹微鐘自昏曉一鏡
平湖凝黛螺萬里長天度飛鳥故人舊隱斗南家玉堂千
載思烟霞何時乞得南歸詔醉臥屏前掃落花

東林次邵二泉韻

王守仁

昨遊開先殊草草今日東林遊始好手持青竹撥層雲直
上青天招五老萬壑笙竽松籟哀千峰掩映芙蓉開坐俯
西巖窺落日風吹孤月江東來莫向人閒空白首富貴何
如一杯酒種蓮採菊兩荒涼慧遠陶潛骨同朽乘風我欲
還金庭三洲弱水連沙汀他年海上望廬嶽煙際浮萍一
點青

東林日暮更登山峰頂高僧有蘭若蘿雲磴道石參差水
廬山小志

卷十五

明詩

五

鄉樓別館

聲澗底樹高下遠公學佛却援儒淵明嗜酒不入社我亦
愛山仍戀官同是乾坤避人者我歌白雲聽者寡山自點
頭泉自瀉月明壑底忽驚雷夜半天風吹屋瓦

登廬山

唐寅

匡廬山高高幾重山雨山烟濃復濃移家未住屏風疊騎
驢來看香鑪峰江上烏帽誰涉水巖際白衣人採松古句
磨崖畱歲月讀之漫滅爲修容

舟抵南康望廬山

楊基

春山如春草春來無不好况是香鑪峰百疊煙屏圍五老
嚶嚶歷歷谷鳥哀朱朱粉粉山花開芙蓉削出紫霧上瀑
布倒瀉青天來船頭春山重回首世上虛名一杯酒李白
雄豪絕妙詩同與徐凝傳不朽明日移舟過洞庭蘭花斑
竹遠沙汀摩挲老子雙愁眼細看君山一點青

開先寺讀書臺二首

羅洪先

霸圖王業總淒然休道江南割據偏雙闕自捐書舍後一
龕誰寄佛燈前勞生悔不師宗遠歸夢應知託杜鵑舊引
廬山小志 卷十五 明詩 六 嬭媛別館
龍池今幾曲年年春雨助悲泉

南朝古寺幾銷沉猶有鑪峰送夕陰瀑濺雲霞空掩映山
高風雨易蕭森讀書臺古螢仍照洗墨池荒草自深世味
辨來枯淡久不逢陳迹已灰心

黃巖文殊臺

羅洪先

憑高直與太初隣始覺空行信有人卓地飛筇來萬里倚
天長劍伴孤身水看瀑布穿雲下日見扶桑出海新從此
御風無所惜可憐浮世只烟塵

訪仙臺

羅洪先

竹林寺下訪仙臺千里雲扉一望開
白鹿不逢空自笑爲誰兩度入山來

夢遊廬山

胡奎

我有紫霞想夢遊匡廬峰仙人凌絕頂
手掉金芙蓉芙蓉亭亭九天上疊嶂崩騰
湧波浪五色雲中白鹿鳴五更海底金雞
唱懸崖瀑布從天來疋練倒界青天開
高人自是陸修靜邀我石磴行莓苔
九江秀色可攬結欲跨長鯨捉廬山小志
卷十五 明詩 七 鄒孺別館
明月望斷蓬萊青鳥書琪花露盡無人折
飛身上挹香壚煙坐臥九疊屏風前
翻然舉手招五老一笑彷彿三千年
松風泠泠吹夢覺鶴背高寒露華落
早知此境隔塵凡只合棲神向邱壑
何人寫此江上山雲山與我心俱
閔明當會碾飈輪去長謝時人竟不還

紫霄峰

吳國倫

紫氣陵嶒碧漢斜每憑飛杖立烟霞
臨風一笑吹長笛落盡江南楊柳花

訪仙亭

朱多炆

客訪遺基歲月華
仙人何處弄烟霞
山中甲子無春夏
四月纔開二月花

東林寺夜宿

董其昌

偃息東林下
悠然澹旅情
泉歸虎溪靜
雲度鴈天輕
蒼蘚封碑古
優曇應記生
預愁鐘鼓動
擾擾又晨征

歸宗寺

楊旬瑛

石鏡鸞溪問舊踪
松篁深處見歸宗
墨池官窈曾雙屐
法廬山小志
卷十五
明詩
六
嫺媛別館
界莊嚴又曉鐘
雨後飛泉搖薜荔
秋深寒翠滿芙蓉
玉簾高挂長空上
羨殺金輪第一峰

遊白鹿洞歌

紫霞道人

何年白鹿洞正傍
五老峰五老去天不盈尺
俯窺人世烟雲重
我欲攬秀色一一青芙蓉
舉手石扇開半掩綠鬢玉
女如相逢風雷隱隱萬壑瀉
憑崖倚樹聞清鐘
洞門之外百尺松
千株盡化爲蒼龍
駕蒼龍騎白鹿
泉可飲芝可服
何人肯入空山宿
空山空山卽我屋
一卷黃庭石上讀

瀑布

葛一龍

怒劈青山走白虹散爲神雨復神風
半天忽有陰晴異絕壁豈無江海通
冷氣襲林秋葉脫濕光吹面凍花融
夕陽不捲枯藤倚人在石橋空翠中

明增

望孤山作

劉基

返照千山赤寒烟一島青
羈心霜下草生態水中萍
黃屋廬山小志

卷十五

明詩

九

嫺媛別館

迷襄野蒼梧隔洞庭空將垂老淚
灑恨到滄溟

登廬山讀李太白詩

宋濂

長庚煜煜天之章精英下化爲酒狂
匡廬五老森開張銀河萬丈掛石梁
下馬傲睨立欲僵聳肩伸手神揚揚
憶昔開元朝上皇宮中賜食七寶牀
淋漓醉墨蛟龍驤人疑錦繡爲肝腸
麾斥力士如驅羊營營青蠅集于房
金鑿不復承寵光并州可識郭汾陽
不可丹陽逢永王大風吹沙日爲黃
狻猊哀啼聞夜郎蒼天欲使詩道昌
頓詘萬物歸奚

曩何處更覓延年方北海天師八尺長芙蓉作冠雲爲裳
授以蕊笈青琳瑯蓬萊屹起滄海洋羣仙邀汝相翱翔誰
將粉墨圖繚紉顧我一見心儀儀詩成仰視天茫茫夜半
太白生寒芒

女兒浦

曾棨

彭蠡湖邊女兒港秋水未乾春水長女兒一去幾經秋時
有行人來繫舟岸柳汀花濕紅翠柳似顰睂花濺淚茅屋
參差石徑斜港口人烟凡幾家當初知是誰家女後來嫁
廬山小志 卷十五 明詩 辛 鄉孃別館

作誰家婦嫁時湖上墮弓鞋至今尙想凌波步我欲回頭
問小姑小姑迢迢隔重湖我欲從前大姑問大姑脉脉凝
新恨紅顏薄命真堪惜女兒名姓無人識年去年來湖水
春空使行人弔陳迹君不見古來多少大丈夫老死湖山
名亦無

龍潭夜坐

王守仁

何處花香入夜清石林茅屋隔溪聲幽人月出每孤往棲
鳥山空時一鳴草露不辭芒屨濕松風偏與葛衣輕臨流

欲寫猗蘭意江北江南無限情

題太白像

文徵明

宮袍錯落酒春風玉雪淋漓殢酒容殘夜屋梁棲落月碧
天秋水洗芙蓉麒麟豈是人閒物眉宇今從畫裏逢一語
不酬千載話匡廬山下有雲松

廬山雲松巢

官應震

白雲落青松來去飛不已一向說雲閒雲忙乃如此我時
在雲上我時在雲裏眼爲看雲迷心爲貪雲喜心眼俱茫
廬山小志 卷十五 明詩 三 嫿嫿別館
茫白頭吾老矣好殺數株雲裏松雲去雲來自爾爾

石門寺

劉先春

臨高謝屐思悠然欲向三清問太元一枕蝶翻花底月數
聲雞破竹林煙閉身不礙僧爲伴野夢無侵我自仙持得
紫芝歸玉闕九天鸞鶴共迴旋

廬山歌

萬嗣達

廬山九疊雲錦屏高逼清虛窺帝庭俯矚溢城大于斗萬
山雜遝如浮萍銀河倒瀉石門東金壁斜開錦澗中白鹿

未歸丹洞杳黃龍長去碧潭空觸石蒸雲郭郭上象馬龍
蛇森色相環珮時逢帝女蹤芙蓉秋潤仙人掌巖僧乞食
來天竺山鬼吟詩潛石屋洞口層冰六月寒山腰倒景千
年瀑渺渺仙源信可求青松白石總丹邱何時一杖雙峰
頂飄然長與盧敖遊

盧
山
水
畫

地732.5
36.86
2.5



廬山小志卷十六

德化 蔡瀛 小霞 纂

詩

國朝 舊志

寄廬山靈上人粵中

王士正

遠携瓢笠赴羅浮結社東林溯幾秋
冰雪晝聽三峽水雲霞春眺九江流
散齋鴿下香臺暝咒鉢龍歸曉殿幽
珍重雷峰西去約遺民相待虎溪頭

廬山小志

卷十六

國朝詩

一 鄉媛別館

李鏡月廬山勝覽圖歌

吳偉業

廬山南出青濛濛巔崖直上連蒼穹
萬丈恍惚凌罡風俯視雲氣繞半空
秀甲東南千萬里長天壁立驚芙蓉
我昔過此不得上至今髣髴縈心胸
陶潛李白古來士偃仰嘯傲常從容
塵埃轆轤忘仙踪展卷一看真面目
如倚瀑布香爐峰五老插入若相揖
石梁橫削誰能通壘泉蒼雨落翠巘
鹿洞古院蟠深松李君之遊誠難逢
丹青渲染烟霞籠置身絕嶂飛流中
快哉此圖閱欲終滄洲羽翼吾安從

送汪舟次遊廬山

宋 琬

好鳥非幽林無以肆頽頽名山無主人遊子慘不悅我友
施宣城坐擁江西節招我遊匡廬書來誇奇絕惜哉物役
牽老慙筋力劣扁舟凡屢艤峭帆行復輟之子樂窮探
鞋逝將別中路見早梅到日踏殘雪側聞香鑪峰千尋掛
霓虹白雲出床足繁星可攬擷置身巖壑閔森然見孤潔
寂寥徵君館蕪沒高僧碣往者陶謝輩詩篇或遺缺山經
與水志登臨須攷覈廬陵有故人懸榻爲君設想像西軒
廬山小志 卷十六 國朝詩 二 鄉孃別館
中開樽話所閱何時一把茅共向東林結

玉川門歌

施閏章

昨夜崖前龍象吼百泉迸出雷霆走玉川雨後多白雲片
片從風飛戶牖攀蘿倚石轉崔嵬鐵壁千尋掌上開因巖
結屋誰能住好跨青牛歸去來

竹林寺

朱 徽

寺自何年闕僧還出定無空中呈梵刹象外奏笙竽竹影
三天下花香大衆俱風清月曉後端的有元珠

錦繡谷花

朱之佐

峩峩匡嶽靄靄春暉和風朝扇柔露夕垂言度谷口仰睇
崖扉雜花芬郁異卉葳蕤清谿已流碧嶂方開遊魚競唼
靈鳥自啼中有仙真樂此忘歸乘鸞長嘯采藥療饑欲往
從之周道倭遲所期羽翰萬里奮飛旣餐霜雪載挹芳菲
濯纓晞髮山巔水滸

國朝增

廬山小志

卷十六

國朝詩

三

鄉媛別館

大孤山

王士正

宮亭湖上好煙鬟髮鬢初成玉鏡閨霧閣雲牕不留客蘋
花香裏過鞦韆山

大雪渡潯陽江

王士正

江水下江州茫茫九派流雪迷宗炳宅興發庾公樓六代
空殘壘千年此上游可憐形勝地擊楫未消憂

舟中望廬山

朱彝尊

昔予志名山夢寐五老峰今茲遠行邁舟楫欣來逢中流

望貝闕隱見青芙蓉空翠非一色飛雲渺千重歷歷澗中
水青青崖上松所嗟恨于役策杖誰相從空愁石梁在緬
懷虎谿蹤崖棲不得遂惆悵東林鐘

廬山遇雨

施閏章

山下自晴山上雨林深苔滑流石乳杖藜撥雲雲不開洞
口老猿作人語忽聞天際一鐘鳴隔水蒼茫尋磻戶

廬山雙劍峰

施閏章

山中誰說法雙劍化爲峰寺倚懸巖石泉飛半嶺松香臺
廬山小志

卷十六

國朝詩

四 嬋媛別館

鳴野鶴瓦鉢貯潭龍欲訪林閔洞雲深谷口封

泊湖口

王思訓

兩大忽抵薄揚帆一瞬閔驚濤飛浣漢苦霧欲沉山鼓鬣
魚龍怒撚鬚諷詠閔狂瀾應有砥相待一開顏

廬山太平宮

查慎行

北風江上來吹瓦墮屋角牛羊入廢觀古木一鳥啄問此
宅何神其來已渺邈肇興自唐代廟貌遞樸斲上古神靈
封每視三公爵東西南北中嵩岱恒華霍廬山雖僻佐不

得列五岳傲然踞江湖氣象頗卓犖無端加秩祀屈首受
正朔山靈恐未甘孰與一邱樂黃冠那解此意在崇榱桷
昏昏入醉夢舉世呼不覺神來風綽旛神去雲解駁下視
九萬空紛紛蝟與鶯

懷陶靖節

李紱

依山結城邑烟霞餘古色昔人此絃歌何異三徑宅去官
有深意督郵安足責曠懷屬霄漢渺渺浮雲白

鄱陽湖懷古

章秉銓

廬山小志

卷十六

國朝詩

五 嬭嬭別館

上游當日控荆襄戰鼓黃雲壓建康一敗遂成隆準帝百
年空笑駉頤王秋風草色餘殘壘孤艇波聲滿夕陽唯有
忠魂難泯滅靈旗風雨在康郎

廬山謠

洪少荀

我聞廬山之高七千六百丈其閔香鑪瀑布難追尋但有
紫煙飛雪砢砢訇訇吹落僊人青玉杖九派嚙其根水石
爲激盪三梁出其巔河漢失蒼莽羌余情兮洵芳送吾抱
兮孤賞玉京掃淨落花壇三疊琴心催月上劃然長嘯陵

谷開遂令天地光恠陸離之氣繪我以幽爽迺者乘好風
頓奮青冥想朝歷秋屏之欽崎暮憩西山之翠敞江流直
上三百里笑向雲中五老抗手高揖相推而借獎仰視星
斗忽破碎大者如箕小如掌陸之馭也鹿爲車海之策也
鼉爲槳手把芙蓉一萬枝上天而下光朗朗誓從匡君遊
精氣互滉漾水有簾盪詩肺玉有淵簸天響以冶以爐何
羈何鞅胡汗漫乎風塵而欬歔於昔曩嶽嶽者無言覓覓
兮安放我聞廬山之高七千六百丈願與七澤三湘美人
廬山小志 卷十六 國朝詩 六 嬋媛別館
同嚮達

廬山天池文殊臺

文行遠

疊嶂復巉岼此臺獨曠觀深溪浮暮雨古木集春寒雲帶
風吹斷苔衣鳥踏殘到來諸品淨閒嘯倚闌干

登蓮花峰

鄭南賡

亂峰深處宛羊腸爲訪仙踪興欲狂放眼遠觀滄海濶怡
情近藉白蓮香烟花拂徑山嵐滿風雨凌霄松韻長小坐
鉢盂亭畔石一天空翠冷衣裳

雨後重宴萬氏山莊

孔聖乾

濃雲迷嶺岫我竟破雲來山路滑春雨溪聲喧晚雷夕陽
沉古澗明月耀高隈聊備一樽酒千秋共舉盃

渡潯陽經廬阜至德安作

梁國治

涉江賤廬阜山谷若旆展巘岫撐雄奇澗壑想悠緬下臨
萬頃波上有高雲卷烟景互迴復歷落駐行幘浮嵐鬱濃
翠立石繡斑蘚覩此心神開頗忘征役倦嚴程催僕痛仄
徑策駑蹇彎環上長谿蝸旋閱層巘行行入圖畫路絕風
廬山小志 卷十六 國朝詩 七 嬋媛別館

雲轉層巘峭復深長谿瀉清淺丹葩閔翠篠卽事多幽顯
耳喧萬竅聾目雜羣視眩慷慨抒短歌聊俾客情遣

渡潯陽江經廬山至德安次香山德安趁潯陽韻却

東秦柱川太守 錢陳羣

侵晨薄潯陽煩慮始一展廣川利泛涉層巘揖清緬穿石
水紆迴出岫雲舒卷攀危倚僮僕攬勝去帷幙西崦竹逕
封東林碑字蘚登頓信云疲散誕乃忘倦山程延信宿茆
屋就偃蹇復此遵修塗仍忻開別巘村稠市稍喧礪豁路

初轉通津俯金帶古渡歷敷淺稽圖豈遂遊托志聊紀顯
凌虛馬蹄蹴窮皴吾目眩題詩報古人卽事得幽遣

三峽橋

彭啟豐

轟雷震危厓積雪飄飛霰車聲鬪千輛臨橋欲轉戰縱金
似鼓鳴扼吭環峽轉橫縱旣紆迴噴沸復幻變儼如歷瞿
塘舟行同激箭震棹不自持側足神爲顛積石溜可穿跳
波掣驚電高吟緬二蘇劉嶂排空見

廬山小志

卷十六

國朝詩

八

鄉媛別館

琵琶亭看雨次權使唐俊公原韻

謝溶生

司馬清狂若箇同千秋人去此亭空微茫樹色荒村雨斷
續漁歌遠岸風咽盡琵琶留月白翻新壁壘襯波紅使君
不濕青衫泪底事長吟曲檻東

廬山紀遊

趙翼

廣陵濤接潯陽濤夜夢五老來相招趣辦芒鞋青竹杖要

我去踏廬山高山靈此約意良厚那禁屨及室皇走遊山
不憚千里遙癡興古來亦罕有江西詩派江西人大都少
肉多骨筋廬山亦復犯此病青孱片片摩青冥要其靈秀
有獨絕雲爲海綿瀑天紳必逢蘭若始一憩不是遊山是
遊寺四禪林乃各擅奇占盡泉聲與嵐翠右軍墨池僅方
塘李主書臺亦復荒萬杉之杉不盈百棲賢舍利黯不光
寺僧貧亦少粲可蹟湮碑并無宋唐惟有景光畧不改銀
河仍挂三石梁礮轟直與霹靂鬥鼎沸不許蛟龍藏五老
廬山小志 卷十六 國朝詩 九 鄉媛別館

鬚眉自奇古昂精所化頽而長見我裹糧踐夙諾似爲拱
楫相低昂我來歷遍諸方丈移步換形莫名狀輿夫十二
健騾九如此遊山太豪放當年李清白香山歐陽蘇未必有
此行色壯獨媿前賢寂寞遊其人已往名長留未知今日
扶筇叟可有人傳趙倚樓

開先瀑布

蔣士銓

瀑布之水源何來劃然下裂長峰開下士目駭自天落絕
頂乃有千盤迴青山斷缺聳雙劍元氣直瀉巖頭摧飛流

已出不肯下一綫中折分澗洞隱現數折蓄精銳失勢一
落如奔雷跳波亂擊潭水立怪物潛伏寧鬢頤音聲頃刻
逐千變萬馬赴敵金聲催天光半壁照空谷此地萬古無
陰霾谿衍積雪挂千仞山中猿鶴猶驚猜銀花下散布水
臺混沌鑿破山根隈四壁皆刻大字有如蜂房擘窠大字洗不盡鐵畫
滿地鏤青苔太白已往老坡死我輩且乏徐凝才惡詩走
筆不敢寫山亭汲煮燒松釵明朝竹杖青芒鞋凌風踏碎
烟雲堆飛泉三疊絕傍倚坐觀一洗塵氛懷

廬山小志

卷十六

國朝詩

十

鄉媛別館

行十里至黃厓再登文殊塔觀瀑

袁枚

黃厓天上生對面作浪起我頭不敢昂誠恐浪壓已豈知
下望深青天反作底山外有山立山內有山倚頗類人衣
裳幅幅有表裡忽然暴雨來人天一齊洗避登千尋塔正
對一條水瀑布從高看匹練更長矣始知開先寺相離咫
尺耳只爲絕巘遮紆行十餘里

琵琶亭弔唐蝸寄權使

袁枚

一曲琵琶白傅賞千秋過者猶聞響遠望孤亭枕大江詩

人來去都停槩。蝸寄先生抱古歡。來持英篋守江關。灑漑
諺臺留古蹟。多增朶殿對廬山。老去風情尤媿媿。八墨三
儒來者喜嬾徵。商稅愛徵詩滿庭。鋪徧硃光紙。一紙詩投
兩手迎。敲殘銅鉢幾多聲。姓名分向牙牌記。賓主重申縞
紵情。酒賦琴歌聽不足。風警晨烏夜秉燭。才子高擎鸚鵡
杯。侍兒爭進防風粥。賤子當年繫短橈。也曾援筆賦鴛鴦。
東方獸錦筵前奪。平一宮花髻上標。身世悠悠五十載。黃
壚白社人誰在。侍史屏風草盡生。碧紗籠壁風吹壞。非關
廬山小志

卷十六

國朝詩

十一

嫿嫿別館

臺榭有凋荒。可奈騷壇少。主張峴首碑。移羊叔子鹿門亭。

前供香山遺像
拆去改立戲臺

落日憑欄一白頭。荻花風裏再

來遊。關心別有山陽恨。不聽琵琶淚亦流。

琵琶亭

瓊仙三女偶得末
句爲足成一律

宋五仁

湓江秋水望無涯。庾亮樓前月半斜。千里征帆停酒市。四
圍空翠濕蘆花。乍驚遠笛隨風度。知在鄰船第幾家。今日
已無白司馬。青山綠水弔琵琶。

琵琶亭

王文治

送客潯陽月墮遲清秋一首白家詩荻花楓葉今千古紅
袖青衫彼一時往事儘教隨水去傷心偏愛倩人知不因
謫宦來湓浦如此江山缺好辭

江上廻望香鑪峰

陳奉茲

匡廬轉迢遞香鑪秀孤峰色立寒氣正情留去人濃東林
初識面上流若爲容始知孟襄陽表此開奇胸江豚動浮
日渚鳧會晚風落木楚塞闊櫂歌已船逢家世幸得將桑
梓猶懷恭草堂戀宦轍况有籃輿蹤登艫眺旣切陟岸眷
廬山小志 卷十六 國朝詩 十一 嫺媛別館
彌重蒼然水煙渺曾是歸雲封

相思澗

熊爲霖

飛湍激楚怨情癡石爛泉枯兩不移恠得岸旁紅豆樹年
年結子縱相思

九峰雜詠 獅子峰

宋鳴珂

白羽不可肉高寒孰與齊上負排青冥下屬飲廻溪坐嘯
不歸去山山杜宇啼

初二日舟發潯陽

宋鳴璜

大江東去疾忽覺度雲峰城郭還如畫山川青與通舟疑
飛彩鷁珮已化蒼龍試寫長風句霞牋墨正濃

晚泊九江尋琵琶亭故址

黃景仁

晨發黃州郭夕宿潯陽渡沙平岸澗不見人瞥過千重萬
重樹潯陽渡口風蕭蕭江州城外魚龍驕匡廬作雲半江
黑倒吸白浪如山高是時日落葭葦暗湓浦瑟瑟生寒濤
一舟衝浪去杳杳獨雁帶雨來迢迢角聲振木木葉脫秋
聲漸高秋思發無言攬袖起徬徨却倚蘭橈望天末吳頭

廬山小志

卷十六

國朝詩

三

嫵媛別館

楚尾烟冥冥獨立百感來無情江風吹面酒亦醒掣笛吼
作翔鸞聲短衣踉蹌步沙灘草閒尋得琵琶亭崩堤毀岸
人跡絕狐狸跣嘯鼉鼉鳴昔聞樂天此閒夜送客琵琶聲
停江浸月擬向江山作主人却因商婦悲遷謫我亦天涯
有淚人對此茫茫慘無懌吁嗟乎淚亦不必落愁亦不必
愁君不見茫茫九派東向流千古萬古無時休我家乃在
東海頭西風滿意吹數日一笑可上吳淞舟蘓鱸蝦菜萬
事足安用江湖歎傲裘

回至匡廬馬頭山二首

周厚輟

身入山巔心不知輕篔惟任晚風吹白雲送我從天下蒼
翠空濛濕鬢絲

箭流飛去石巉崑十里松風夕照銜欲更漢陽峰頂立盡
收雲氣入歸衫

追和劍峰同宿東林

曾燠

谿風吹客寒遠宦心已歇堂上三人笑塵容迺來謁遊山
逢謝公有與約明發魂清不能寐遙指石門月

廬山小志

卷十六

國朝詩

西 鄭孃別館

琵琶亭

失名

青衫人去幾千秋山自青青水自流何事琵琶亭畔柳長
條偏繫往來舟

琵琶亭

孫韶

孤亭明月逐江流曾照青衫送客舟爲有琵琶數行淚荻
花楓葉也千秋

過東林寺

乾隆庚寅隨任江右作

汪學金

不識遠公地行行過虎溪石林殘雨響樵徑亂雲低落葉

埋人跡疎鐘送馬啼風塵猶故我何日問禪栖

庚申試竣擬蠟屐匡山因雨不得登遂按湓城歷覽

上鐘下鐘二山

吳烜

昔我遊黔中洞躡飛雲排虛空石骨倒垂儼列畫靈境詭
譎欲盪胸又嘗遊嶺南飛來峰下停征帆重巒曉帆銀練
瀉空谷谿訝怪石嵌今復持節來江右放眼名山重回首
匡廬石梁不可登上已乘輶憩湖口隔岸遙聞石鐘山山
峰參差落照閒湖水淼淼拍城角百雉森立萬笏環上鐘
廬山小志 卷十六 國朝詩 五 嫺嬛別館

下鐘左右列下鐘山石更奇絕濟河蠟屐尋其崖搜剔古
篆與殘碣仰視層霄俯重淵雲根地肺相鈎連是時風恬
波如掌鏗鉤鞞聲寂然但見峰獨者蜀屬者嶧或凹或
凸累千百剔空萬竅削不成水色天光透石隙髣蘇有記
碑有亭獨恨繪聲不繪形我今長歌求其似白雲穿破碧
瓏玲

遊五老峰道中望三疊泉

潘錦江

振袂凌秋嵐共踐登高約初行氣尙豪耽此山水樂危崑

忽軒翥三面了無着目眩難久留翻恐坤軸弱遙見新瀑
飛巖罅鬱迴薄何年縑冰蠶千絲散參錯不然天孫機下
與織地絡怪石亦何雄爪牙奮孥攫仰矚素練垂奔騰怯
羈縛束以玉川門千秋秘重鑰厓轉一徑絕步前意且卻
同遊互推挽橫行類郭索越礪然松脂茗香煮泉腳險出
如夢醒驚定還對酌臨危念垂堂從茲釋雲屨

日昃報國禪林宿登鉢孟峰望天池 洪亮吉

清晨出城南日晚宿山半江城望茲嶺已覺出霄漢寧知

廬山小志

卷十六

國朝詩

六

鄉媛別館

天池高俯此若童冠危峰前作梳

寺前一峰俗名梳
桿石正對天池

直石

後成岍翠雨屋上飛清泉竹中亂空明禮星斗念肅手先
盥回看斜照沒始覺來路斷時有五色烟山 僧夕將爨

度佛華山

方體

滿空煙霧浩漫漫忽散橫峰側嶺閉我欲凌虛無路入仙
風吹上佛華山

宿天池寺

方體

夜宿招提頂神僊望有羣手攜山礪月身坐海天雲浩浩

龍吟起茫茫岳色分瀑聲喧萬壑何處覓匡君

望大孤山

聶銑敏

我聞大孤小孤紛跌宕石黛雲鬟各相向又聞大孤宛如
鞦韆腳插入江心上今晨挂席皖江來小孤山色畫圖開
朝霞照耀丹青爛一空倚傍絕塵埃好風吹送湖口縣篙
師指點孤峰見既看大孤慕魁奇回憶小孤增眷戀噫嘻
小孤屹立水中央上下波流相頡頏胡爲大姑小姑別取
義鬚眉巾幗殊荒唐聖賢德行傳千古砥礪廉隅貴自樹
廬山小志 卷十六 國朝詩 七 鄉媛別館
人見聖賢貌無儔聖賢自與聖賢伍丈夫奮跡天地中物
則民彝寄我躬豈無指授藉師友宜自檢攝敦儒風偶然
習處共儕輩圭角圓融真性在依草附木恥爭趨別具端
倪成小大今君試望大孤山山在洪濤浩渺閔下臨具闕
紛光怪上探月窟窮躋攀浮圖七級最高處石骨嶙峋何
鞏固孤踪砥柱絕騫崩一任狂瀾自來去不然香鑪秀異
五老奇雲烟蟠鬱江之湄茲山仰附一崕嶺徒令觀者生
睥睨唯能冒視長江險翠瀾千頃橫絕巘四圍黛色漫招

邀一障雲屏自清遠往來江上駐征夫評隲佳山二妙俱
我今寄語看山客德必有鄰本不孤

過蘆林

舒夢蘭

松杉鬱濃翠夾道馳蛟螭碧水自成沼遠山飛上眉客來
村犬吠雲過落花知借問龍潭路孤僧倚杖時

李太白讀書堂

吳嵩梁

匡山讀書處頭白不歸來金匱石室惟荒臺我疑太白非
仙才神仙御風行暫居亦蓬萊俯視九洲若瀋溷出雲入

廬山小志

卷十六

國朝詩

七

鄉媛別館

泥胡爲哉君本長庚星人海偶遊戲朝下峨眉山暮踏長
安市宮嬪如花捧硯來沉香亭侍君王醉了吾事者郭汾
陽識吾心者賀知章將軍脫鞞頗吾辱要挽銀河濯雙足
一朝謫蒲辭王公依然手把金芙蓉十洲三島未免太卑
涇洞天卽在五老之中峰奈何不肯自韜晦一生徑坐因
詩窮高歌半夜鬼神泣搖筆萬里雲煙空天之所秘不可
洩奪以奇句天無功上帝聞之怒其頑罰令不得歸仙山
烽煙躑躅行路難豈容高臥雲松閱我疑太白非仙才乃

以才累殊可哀，鄉媛一閉不復開。洞口日日惟風雷，請君投此夢花五色之神筆，埋以陰壑萬古之蒼苔。人閱俯仰甘塵埃，悔過或望天心迴。踐汝丹巖翠壁，舊盟誓毋令山魃木客相嫌猜。我才非仙亦非鬼，折除清福今餘幾。昨夜見君弄明月，身跨鯨魚瀑雲裏。詩雖苦吟才不高，天應薄罰寬。吾曹讀書願借青蓮谷，不乞先生宮錦袍。

茶山草堂歌

并序

吳嵩梁

方茶山太守北遊匡廬，至報國後山，愛其樹石雄秀，廬山小志卷十六。國朝詩九。鄉媛別館築室三楹，若將投老焉。屬余賦詩。

我家石溪西，漁隱蘆花裏。一生詩愛陶，泉明恨不移家來。栗里君家半茶山，自名爲山樵。一官但飲九江水，七賢五老能相招。今年我作廬山游，載酒因君登庾樓。連旬積雨阻高興，竹杖芒鞋何所求。前日遊九峰，冒雨上山閣。石船雲氣腳根來，天柱泉聲眉際落。今日尋天池，踏雲經古寺。一竿插影入層霄，一鉢擎花出空翠。旛竿鉢盂皆山名寺門老松三百年，寺背新笋粗於椽。林陰漠漠水涓涓，嵐靄下合溪。

成烟巨靈手劈太華蓮化爲奇石態萬千龍跳虎臥鯤鵬
鸞至此馴伏皆皈禪君來結屋山東偏饑餐落花渴飲泉
謂君好奇心未然君今不歸坐無田石室非慕翟法賜草
堂亦非白樂天我行我意止則止非吏非隱仙乎仙邀我
作詩君自記我詩能道意中事一榻願分雲半閒漁弟樵
兄同入山

雨後行匡山道中

萬相家

雨後看無際匡山一片明斷巖籠翠色古木落泉聲谷口
廬山小志 卷十六 國朝詩 干 嬋媛別館
人烟合谿邊野草平何時登絕頂長嘯坐風清

亡未春同友人集烟水亭分韻得就字

李琪

遵渚泝洞淞春陰曖長晝所豫忻有隨招提遠相就孤嶼
媚寒漪汀草綠猶瘦日午來鉉關高榭抗層岫簾卷山氣
多花落風雨驟風雨多遠心羈旅少歡候好爵亦何縻清
義知所守眇彼潯陽隱白雲臥松竇舉觴倏已暝隔水動
鐘漏詠歌棹船艑江縣怒濤吼

廬山小志卷十六

詩

補遺

國朝以後諸作隨錄隨刻年齒科第或有倒置闕者諒之

舟中望廬山

裘日修

孳舟曉渡落星石一碧長空看出日舉頭五老如招邀雲
中面目曾相識十年橐筆賦遠游愛山謂可消百憂捫奇
歷險不辭瘁佳處往往成淹留散人胷次吞五嶽踪跡何
廬山小志 卷十六國朝詩 三 嬭孃別館

曾混行脚蒼茫雲海恣飛行太息人間有真樂昨歲裹糧
登岱宗紅門直上翠幾重盤磴道倚絕壁籃輿恍惚凌
虛空泰山之高甲天下竭來况是風雪中維時天鷄唱夜
半絕頂仰見寒雲封要窺陽烏浴東海衝黑徑達日觀峰
快哉斯游實稱首自託平生未會有欲將奇絕誇向人石
上題名記誰某名山遙遙難與期匡廬近在江之湄扁舟
兩過不一到俗駕毋乃山靈嗤東風曳帆下星渚一杯遙
共匡君語他年得間應來游後約分明其我許

白鹿洞

魏際瑞

季子先來此曾言洞口松千株百株盡古怪煙生白日寒
溟濛中有紫霞詩壁上拏驚龍風雷轟裂變晝夜精靈破
壁騰秋空洞門之側立五老洞中之鹿如冥鴻五老騎鹿
去不返遂使千古朱陸紛異同鹿不歸洞已坳洞口蒼松
日夜號苔蘚緣碑蝕山骨

登左蠡樓

魏禧

湖光晚不盡涼月正當樓遠嶼平煙沒明燈接樹流艱難
廬山小志 國朝詩 卷十六 三 娜嬛別館
成客路天地入虛舟欲逕洞庭水蕭蕭木葉秋

登五老峰

魏禧

西控荆蠻南控吳諸峰霄上托層圖元黃半合江湖水髻
履雙浮大小姑往日不堪多謬誤臨風長自笑頭顱最憐
星子城邊樹行列分明以藝蔬

五老峰喜晤日燄僧

魏禮

一逕萬松入前墀菊放初開門延日月登石小江湖世眼
爲誰白真心自不孤偶然成信宿歎息有吾徒

余旣闢鹿洞後山路作登眺地又得二泉引歸窻下

琮琤作漱玉聲名雙玉泉

戴第元

山人愛泉如愛竹日對蒼髯不肯俗山人愛泉如愛玉荷
鋤自引松山曲二泉千年隱空谷溪毛蒞藻映青綠咫尺
東西瑋赴壑有若參商挂簷屋六月炎風闌暑溽郛筒不
飲興不足芭蕉葉大拙呼風客似枰欄森一束尋穿乳蓋
刷雲根獲此清冷慰幽獨琮琤繞過雲母窻疑彈絲聲間
以肉不然跌坐持空鈎科斗龜魚月下讀我本蓬萊一散
廬山小志 卷十六 國朝詩 三 嫿嫿別館
仙偶向廬山訪匡續昨日登高發長嘯下瞰宮亭盈一掬
欲招五老骨已頑不共深林聽謾謾何如此泉清濯纓朝
晞陽阿晚睡熟漫學坡公踏赤鯁更駕蒼龍騎白鹿

次前韻

戴策元

種樹先種竹種竹可療俗俗腸誰使淨如玉不如引彼流
泉曲屋後山泉出涓涓携鍤具畚窮深谷千株不斷松蕤
青雙澗欲破苔衣綠上西下西聲琮琤匿澗灌注穿山屋
但覺兩腋快生風那知炎歊六月溽開先瀑布不得縱奇

觀緣慳不前如裹足行勝欲作遊山僧肚皮向日將箴束
幸有此泉漣且漪泥濁不煩歌獨獨信是名山有泉脉草
木爲毛土爲肉我來箕踞古松下一卷黃寧山中讀夔魑
長嘯猿猺驚風咽林蟬聲斷續日注新向石上煎清冷不
待軍持掬臥石聽松松謾謾蘧蘧倏報黃梁熟呼童且莫
閉柴門飲泉倘有仙家鹿

次前韻

戴心亨
十二歲

山路關後杖以竹蒼松萬樹韻無俗遙望五老如噴玉瀑
廬山小志

卷十六

國朝詩

二

嫵嬛別館

布千尋峰百曲返照倒映谿谷谷裏紛紛駭紅綠踈時
喜逢清泉二呼童共引穿我屋欄干佷亞暑風溽流泉墜
下樂事足每當亭午人倦時藤枕一方簟一束澹澹之聲
與耳謀宜洗青精劇黃獨何當擊鉢揮玉塵椰椀豉涼沁
骨月日者東坡喜臨流我今抱卷傍石讀前山石溜動復
靜山後蟬聲斷更續淺水清溪不容刀風微蹴浪魚可掬
更聞琅玕聲澁勒要與松濤和謾謾從此臨池學右軍水
有墨花書應熟明當拾級望宮亭木石與居遊麋鹿

次前韻

戴衢亨 十歲

昨日登邱入松竹坐石如仙靜不俗有泉琤琤聲似玉不
嫌小徑羊腸曲荷鋤引來入空谷水色臨松水更綠冷然
却似故人至留之不許出我屋斯時三更暑氣溽臨流正
當濯吾足高松百尺可挂衣解帶溪邊剛一束更欲持竿
到水上三人同行興不獨東坡先生竹最愛閉居寧可食
無肉我今愛竹兼愛松一弓南華石上讀溪邊枕石聽水
聲水聲潺潺聲斷續夜來月色臨溪中月在溪水手可掬此
廬山小志

卷十六

國朝詩

五

嫗媛別館

水與竹成知己肯亞松聲吹謾謾關路引泉二樂兼我來
此處路已熟泉悠悠兮清且甘飲澗遙聽鳴仙鹿

行經廬山至潯陽城旅館題壁

劉鳳誥

七十二匡峰春雲處處濃行程遲問柳古寺半依松塏遠
收潮勢江明助雪容逢僧先一笑勞爾飯前鐘

廬阜朝嵐

曹加鏗

萬壘廬峰聳翠隈悠然曉望畫圖開櫺窗面面皆軒敞好
放嵐光入座來

憩虎谿

劉際華

虎谿流不竭送客猶涓涓三笑人何處二林花爛然琤鳴
斜照裏石咽晚風前暫憩松漪綠吾心別有天

己卯四月予將移守信州述懷留別潯陽士民

朱 棨

廬山小志

卷十六

國朝詩

六

鄉環別館

風塵誰証去來因江海茫茫著此身客夢已隨流水遠吾
儕合與好山親劫空六代留雄鎮地接三吳扼要津郡守
未能成吏隱輸將佳勝付居民

大江九派水彎環城上高樓擁翠鬟

署後庾樓面江枕山為潯陽名勝

欲

弔興亾千古近只談風月一官閑樹因歷劫存孤幹

樓前有古

槐一株相傳為晉時物

齋為分雲補半闕

郡署東齋新增一楹題為分雲半闕房

後夜

相思應轉劇一杯亭外望廬山

登郡城懷古

廖泰珍

俯仰憑分上下游六朝雄并十三州祇今月冷魚龍夜何
限風悲荻蓼秋嶽色迥迷匡氏宅江聲長抱庾家樓躊躇
不盡登臨感畫角頻催客易愁

弔北林遺址

劉俊三

極目蒼茫動客愁北林遺址渺難求於今臺榭成虛境自
昔岡巒紀勝遊到眼空餘紅蓼岸傷心獨對白蘋洲行人
欲問當年蹟都付長江繞郭流

下化城寺

廖泰璿

廬山小志

卷十六

國朝詩

七

鄉媛別館

夕照萬峰明來遊下化城山深秋更早樹老葉猶生石髮
梳人影崖風墮虎聲却憐三逕裏只有白雲行

歷九奇登錦繡峰

廖泰璿

一峰斗斷一峰連踏遍峰峰向背偏紅雨似潮雲似海不
知身在萬花天

東林寺次壁間韻

廖泰璿

纔入幽谿又碧霄行歌終日不知遙六朝古寺雲常冷三
月桃花雪未消好鳥鳴春翻梵唄靈嵒飛瀑散瓊瑤高賢

十八都成夢莫誤蓮開未見招

遊太平宮

譚昌槐

萬騎千車下九天巍峩宮闕擁雲烟
譙樓直認開元塔陶舍難尋保運錢
寰宇未知猶採訪衣冠真欲夢神仙
何人尙解思姚璉一住匡山不計年

雪霽鶴問湖泛舟訪陶母墓

譚昌槐

斷碣模糊雪半堆牛眠長傍白雲隈
終年古墓無人問乘輿扁舟共客來
封鮓心曾盟白水留賓髮尙委蒼苔
劇談廬山小志

卷十六

國朝詩

六

鄉媛別館

往事懷賢母一路漁歌載月回

登郡城懷古

劉俊敏

東南半壁入牽牛百雉高城拱上游
千古大江流漢水當年重鎮領諸州
荻花夜月空檀壘碧草寒烟鎖庾樓
偶爾登臨無限思昏鐘隔岸起沙鷗

陶公壘

楊臺駿

柴桑蹟已振江東郭將臬心暗懾窮
韜畧自爭蘇武節勤勞還勝謝安風
六朝戰壘消都盡千古層陴築尙雄
底事

元規同討賊至今人但說陶公

過陶靖節墓

劉俊德

元亮高風不可求
羲皇何必覓丹邱
寸心已自堪千古
六代真推第一流
馬鬣封寒游鹿豕
鵲啼月白冷松楸
野花爛熳年年發
爭似東籬菊色不

凌虛臺望月

袁礪金

咫尺凌虛地臺高得月先
叢林團宿霧孤磬破寒煙
澗曲泉聲遠天空塔影圓
不愁風露冷一宿斗牛邊

廬山小志

卷十六

國朝詩

二九

鄉媛別館

舟中望廬山

高炳馭

廬山特向雲端立
峩峩可望不可卽
我聞山遠始爲容
嵐光翠色浮無際
昔年曾訂廬山遊
此願耿耿猶未酌
今年舟過鄱湖東
山腰石罅吹陰風
底事濤頭青隱隱
篙工報說廬山影
急起推篷豁兩眸
忽見千峰萬峰崩
崩無纖坳一峰插
天形尤殊欲倒不倒
雲爲扶其上怪石奇
松都不見但聞瀑布
聲響山鬼呼仰觀天
外青俯瞰湖心黑篙
打山頭響欲崩驚起
蛟龍眠不得風定波
平且酌酒廬山伴

我隨船走滿眼雲巒兩槩霞十年清願今消受須臾霧橫
江漠漠斜陽已向山頭落一聲欵乃雪打頭小船深入蘆
花泊

壬申三月廿日偕友人集南湖煙水亭酒酣首唱

高炳馭

小霞先生病更豪

謂蔡小霞瀛

小仲居士尤風騷

萬小仲青選

解囊

沽酒羅嘉肴湖樓招飲華筵高臞蠟熊羆與鷓燔炙羅

列如狷嶮酒氣沸沸熏堂坳拇戰呼叫聲嗷嘈蓮城噉啖

廬山小志

卷十六

國朝詩

三

嬋媛別館

如老饕

歐陽蓮城與

紫礮踏跳如生猺

袁紫礮礪金

稼儂執拍吹雲

傲

凌稼儂乘經仙航斫劍驅靈鰲

程仙航搏九

阮家叔姪形飄飄

謂蔡

鼎臣增猷蔡仙裳錦

荀氏兄弟心超超

謂歐陽霜介鶴齡蔡松泉增謨萬昆山青銓

吾家

阿連氣尤驕壓倒阿兄詩一瓢

謂舍弟炳馴炳聰

是時雲氣圍週

遭雨聲淅淅風颼颼酒酣一喝風雨逃鯨波蛟浪不敢搖

夕陽斜掛春林梢湖光送鏡明鬚毫五賢閣上四望遙綠

楊城郭誰能描廬山雙劍插雲霄

亭面廬山雙劍峰

長江一帶將

城包可惜六寄驅征鑣高會不來人意消

歐陽六寄士玉前一日赴豫章

嗚呼安得天地不使人離別名利不使人役勞年年日日
團樂歡集如吾曹

鄉媛別館聽蔡小霞鼓琴行

許俊

鞠雲子儒林亞識精學粹才藝化七絃勾剔妙乾坤五聲
淅瀝如雨下我歌正慷慨側耳附琴臺陡覺清風生座右
晶然明月人簾來一唱三嘆有遺音悠悠籟爽閱白雲蒼
翠一團孤鶴唳漉漉大壑老龍唼有時志忽在高山千
仞壁立天風寒有時志忽在流水萬頃飄翻海濶紫有時
廬山小志 卷十六 國朝詩 三 鄉媛別館
寶瑟叶湘娥有時銀箏和秦女有時晝殘野寺鐘有時夜
擊更樓鼓或高或沉厲琅琅鐵馬金戈撼戰場或清或婉
低淙淙嬰兒小女話幽窻此寧是骯髒怒弄漁陽曲蒼涼
悲擊漸離筑琵琶淚落青衫濕胡笳拍向邊關哭方自熙
熙登春臺曷爲乎羈臣慘嫠婦虺助余之嘆息停客之尊
罍星河爛縵雲日昭回如何不樂令人哀聲音之感一往
而深若是哉吁嗟乎齊桓號鐘長卿綠綺楚莊繞梁中郎
焦尾於今並作廣陵散古調不彈已久矣君獨指上任縱

橫香冥汨沕移人情嵇叔冲和神氣靜雍門澹遠風韻清
吾知夫子更有進幽篁坐嘯醇乎醇習其數矣得其志穆
然皦然猶將想見其爲人

題棠湖五弟對廬書屋圖

陳惠來

客路三千不計難七年兄弟話悲歡誰知旅舍相逢外更
把家山仔細看

漫擬嫿嬛與石渠年華一去悔何如余昔課諸姪于此中還當領取
先人意同向西窻讀舊書

廬山小志

卷十六

國朝詩

三

嫿嬛別館

蓮花洞曉行

蔡錦

十里攀山入重關聽瀑來蟬嘶千樹曉雲豁萬峰開亂葉
埋樵徑寒煙鑱釣臺幾家深處住風景問蓬萊

廬山小志卷十七

德化 蔡瀛 小霞 簪

歷朝神女詩 舊志

廬山君女

廬山君女名婉漢建康中小吏曹著為廬山君迎至廟
夫人呼婉出見命婢瓊林取琴促婉鼓之婉撫琴而歌
歌畢趨入山君因以妻著頃之著辭去婉泣然賦別以
織成衫袴為贈

廬山小志

卷十七

神女詩

一

鄉媛別館

琴歌

登廬山兮鬱嵯峨 晞陽風兮拂紫羅 招若人兮濯靈波 欣
良運兮暢雲柯 彈鳴琴兮樂莫過 雲龍會兮登太和

散花天女

宮亭湖神甚靈異能使湖中分風南北宋秦少游舟宿
廟下見湖月光彩憶昔西湖惜竹軒所見景色不殊是
夜夢美人戲以詩自稱維摩散花天女

戲贈秦少游

不知水宿分風浦何異秋眠惜竹軒聞道文章妙天下廬山對面可無言

廬山女 鯉魚

贈朱朴

但持冰潔心不識風霜冷任是懷禮容無人顧形影

歷朝神女詩 增

唐

廬山小志

卷十七

神女詩

二 嬋媛別館

廣利王女

唐長慶中進士張無頗居南康將赴舉道遇女子自稱袁大娘授以暖金盒盛玉龍膏使往治廣利王女疾疾愈告歸女遣青衣持紅箋詩贈之王見詩乃以女妻頗後袁大娘至女酬以珍寶頗問女女曰此袁天罡女程先生妻暖金盒卽某宮中寶也 太平廣記

贈張無頗二首

羞解明璫尋漢渚但憑春夢訪天涯紅樓日暖鶯飛去愁

殺深宮妬落花

燕語春泥墮錦筵情愁無意整花鈿寒閨欹枕不成夢香炷金鑪自裊煙

附鬼怪

鄭婉娥

吳江沈韶元詩人明洪武初辟徵泛舟琵琶亭月下彷彿聞歌聲次夜復往有麗人呼韶並茵而坐曰妾僞漢

陳王婕妤鄭婉娥也年二十死葬亭側遂命侍兒鈿蟬

廬山小志

卷十七

神女詩

三

鄉媛別館

取酒歌念奴嬌二闕自是流連半載談元末羣雄及僞漢宮中事歷歷甚悉有口占贈韶詩一首臨別以金條

脫爲贈

堅瓠集

贈沈韶

鳳艦龍舟事已空銀屏金屋夢魂中黃蘆晚日虛殘壘碧草寒煙鎖故宮隧迫魚燈膏欲燼粧臺鸞鏡匣長封憑君莫話興亡事淚濕胭脂損舊容

廬山女

廬山女

見前

贈朱朴

知君久積池塘夢
遣我方思變動來
操執若同顏叔子
今宵寧免淚盈顚

廬山小志

卷十七

神女詩

四

娜嬛別館

歷朝女史詩

增

唐

顏初元

顏初元字待月瀟湘人母夢絳雪而生年十九白樂天納爲造室聰慧能詩帛借春草二人至潯陽後爲蠻素所譖失寵有病中感懷詩一首後樂天召還京師以病不復隨寄居西湖靈隱山女真庵會昌六年閏七月初九日忽語人曰白尙書已爲海山院主先吾五日逝矣廬山小志

卷十七

列女詩

五 嬈嬈別館

今來相召吾當赴也端坐而化

病中感懷

月瘦花殘不似前淚珠零落枕函邊可憐惟有金條脫臂上依然伴妾眠

程洛賓

程洛賓長水人京兆參軍李華侍兒安史亂後失所在華後爲江州牧登廬樓見其在舟中鼓胡琴問之乃岳陽王氏舟也

歸李江州後寄別王氏

魚雁回時寫報音，難憑判葉數年心。雖然情斷沙叱後，爭奈平生怨恨深。

李治

李治字季蘭吳興人

湖上臥病喜陸鴻漸至

昔去繁霜月，今來苦霧時。相逢仍臥病，欲語淚先垂。強勸陶家酒，還吟謝客詩。偶然成一醉，此外更何之。

廬山小志

卷十七

列女詩

六

嬋媛別館

送閻伯鈞往江州

相看指楊柳，別恨轉依依。萬里江西水，孤舟何處歸。溢城潮不到，夏口信應稀。唯有衡陽雁，年年來去飛。

宋

葉桂

葉桂字月流

琵琶亭

樂天當日太多情
泪滴青衫酒重傾
明月滿船無處問
不聞商婦琵琶聲

琵琶入聲

明

婁妃

婁妃上饒人郎中信
汝與翠妃俱爲寧庶人
宸濠妃以詩文書法邀寵
幸濠謀不軌屢諫不聽
又題樵人圖以諷濠
被擒妃投江死流魄鄱陽湖
崇貞庚申二月降鸞

廬山小志

卷十七

列女詩

七

鄉媛別館

大椿堂署云謫星絕筆

大椿堂謫星絕筆

畫虎屠龍嘆舊圖
血書才子鳳睛枯
迄今十丈鄱陽水流
盡當年淚點無

附題樵人圖

婦語夫兮夫轉聽
採樵須是擔頭輕
昨宵雨過蒼苔滑
莫向蒼苔險處行

附翠妃咏梅七絕

繡針刺破紙糊窗引透寒梅一線香
螻蟻也知春色好倒拖花片上東墻

郭氏

郭氏江西士人女子歸日過湖阻風安仁舖時都憲王陽明亦泊於此閨中賦石牛詩云安仁舖內倚闌干遙望孤牛俯在山未得下句問有文士能續否女聞之續云任是牧童鞭不起田園荒盡至今閨時宸濠肆虐百姓逃亾故詩及之陽明大喜仍命作一律既成大稱賞廬山小志

卷十七

列女詩

八

鄉媛別館

命備綵幣厚贈之

石牛山

怪石崔嵬號石牛江邊獨立幾千秋
風吹遍體無毛動雨洗渾身有汗流
嫩草平抽難下嘴長鞭任打不回頭
至今鼻上無繩束天地爲欄夜不收

國朝

胡慎容

胡慎容字臥雲山陰人嫁馮氏著有紅鶴山莊詩太史
蔣士銓爲之序姊慎淑慎儀俱能詩

望廬山不見

準擬匡廬在望中行來却被白雲封可知妾命原如葉不
是名山不愛儂

望廬山

奇勢環吳楚崔巍迴不羣峰從天上現泉向日邊曛翠色
濃堪摘嵐光秀可分紫煙縹緲處只許臥層雲

廬山小志

卷十七

列女詩

九

廬山瀑布

倚日飛瓊晝夜流穿崖度壑幾經秋翠巒珠濺銀河動蒼
壁雲噴雪浪浮千尺白虹垂海穴一行素練掛山頭奔騰
天際疑風雨激石泠泠百丈湫

登琵琶亭

往事追維欲覓難遊人空自倚欄杆碧山依舊雲來去秋
水誰憐夜月寒

瑟瑟西風楚岸秋寒潮似泣古今愁青蛾一曲銷魂夢江

上蘆花幾白頭

楓落江亭古樹煙琵琶雁影夕陽天青衫淚濕今何在遙
憶琵琶聲可憐

琵琶亦有建亭名江水長流斷續聲莫怨天涯淪落苦不
逢迎處卽無情

李瓊

李瓊字素華漢陽人

與外楊璟庵同赴海寧官署舟次琵琶亭流覽諸詩

廬山小志

卷十七

列女詩

十

鄉媛別館

因自題一律

琵琶江上音聲歇琵琶亭上多遊客遊客羣深弔古情可
憐大半泥形跡一曲鷓絃妙幾何那能感激淚偏多勞臣
思婦千秋恨好與詩人細詠歌

宋鳴瓊

宋鳴瓊字婉僊奉新人潯陽教授宋五仁三女著有味
雪樓詩草

奉懷嚴君

粧罷揮毫拂錦箋重題別恨寄尊前懶行春苑愁花放不
捲秋簾怕月圓千里關山徒自感三年寒暑有誰憐傷情
脉脉看雲樹目斷潯陽江上烟

送別大兄荆璵返潯陽二首

此別重來未可期乍逢何忍又分離人情輾轉三更夢世
事輸贏一局棋異地風光容我賦客途蕭索動君悲丈夫
四海原非恨鵬路終當萬里馳

掛帆明日出潮塘從此愁思惹更長渺渺行旌連綠草匆
廬山小志

卷十七

列女詩

十一

鄉媛別館

匆歸騎傍斜陽階前花發知誰好檻外鶯啼只自傷重欲
贈言渾不解相看惟有淚沾裳

閔肅英

閔肅英字瑞淑奉新人適宋進士五仁次子兵馬司指
揮鳴珂

登鎖江樓塔

危磯迴望勢騫騰更上浮圖最上層江漢小從衣上抹風
雲依傍檻前升諸天清楚難爲聽五月高寒不可勝我欲

瑤池謁金母好憑青鳥到峻嶒

路紅雲

路紅雲字繞花晉熙人有茹香閣吟草

送外之潯陽二首 錄一

檢點征衫代束裝潯陽風景絆儂忙甘棠湖水年年綠惹
得騷人客興長

莊瑞紅

題豫章旅壁 並序

廬山小志

卷十七

列女詩

三

鄉媛別館

妾莊瑞紅菰城人也家近玉湖未受鏡臺之聘粧
成金屋曾誇珠府之藏刺綵線而成衣鴛鴦五色
吮香毫而詠絮錦繡千堆生憎賈氏之窺簾不學
秋娘之傳粉奈韶華二八羣稱傾國名花客路三
千頓作離鄉異草飄柳絲於雲水滯萍梗於章江
寂寞椿萱十載愴懷霜露敷榮棠棣一朝望斷關
山竊比文姬年年落魄幾同情女處處離魂有路
皆窮哭我閨中阮籍無金可賂誤他畫裏王嬙於

是緒以愁多情緣境感上滕王之閣徒怨朝雲登
庾亮之樓常悲秋月千重廬巘盡疊閒愁九派長
江難流夙恨綺窻春盡銷殘蛺蝶之魂繡閣燈寒
歸破杜鵑之血天乎難問聊翻舊案於前人酒也
曾澆更結新愁於今夕爰吟斷句泣盡還歌用賦
幽懷慨當以慷嗟乎花原善恨生成薄命之粧蟲
本可憐都是斷腸之語敢謂素毫寫怨他年籠我
碧紗庶幾白雪賡詞此日悲予紅粉爾

乾隆己酉

廬山小志

卷十七

列女詩

三

鄉媛別館

秋日

幽閣沉沉鎖翠鈿朱愁粉瘦有誰憐無情最是南昌月照
我離懷已十年

鄉思曾登庾亮樓大江九派別洪流不知何路江南去直
到吳興雪水頭

扁舟一葉泛潯陽五老峰頭望渺茫大抵詩人憐寂寞小
姑偏許嫁彭郎

蛾眉零落奈愁何暗把鮫綃拭淚多妾命正如江上柳生

來無分到靈和

峽中猿嘯總難聽鏡裏孤鸞舞暫停
自古才人淪落有不應紅粉怨飄零

黎玉貞

黎玉貞廣東嘉應州人

題對廬書屋圖

去年春半過匡廬今展斯圖面目如煙水
茫茫數椽屋有人指點鄭公居

廬山小志

卷十七

列女詩

十四

鄉媛別館

公今卽世幾多年手澤長存得象賢
屋對青山書萬卷十年心事白雲邊

武葵

武葵字鐵峰杭州人

題對廬書屋圖四首

雲屏九疊望中疎萬里傳神寫太初
莫道天涯歸未得臥遊咫尺到匡廬

東山遺澤感傳經想像當年繞謝庭
留得片圖先志在層

巒終古入簾青

銀河影瀉石梁寒瀑布香爐久耐看獨對廬山真面目白雲深鎖碧欄干

家隣白鹿重幽居千朶芙蓉萬卷書遙指扁舟隔溪去綠楊深處認吾廬

蕤羅女史

鎖江樓旁有旅亭乾隆間壁題寫懷三絕句署邗江蕤

羅女史

廬山小志

卷十七

列女詩

五

娜嬛別館

寫懷

燒燈未落理征衫苦雨顛風太不堪客意真如江上水奔流一夜到江南

釵撥金蟲惜別深寒宵擁被此時心春潮如箭帆如馬各倚蘭橈恨不禁

相別相逢早訂期何須惆悵損腰肢君成名日儂方嫁便是天人得意時

吳小茶

吳小茶字芸花號石溪漁女撫州東鄉人中翰嵩梁女
適化邑陳東浦方伯孫世慶有養花軒詩鈔母劉淑字
芳愫工詩早沒有蕙風閣詩集姑素雲名媛並工詩畫
養花軒春日遣懷

一春愁病強相支繡罷焚香誦小詩心事滿腔人不識花
前說與海棠知

歸潯陽後秋夜聽雨

悄悄小雨逼離愁酸淚都從枕上流忽聽西風吹落葉一
聲葉是一聲秋

廬山小志

卷十七

列女詩

十六

鄉媛別館

癸未秋歸寧東鄉以駱綺蘭夫人詩集留別潯城蔡

紫瓊女士

讀書經年共此心
瓊嘗就學墨蘭並以所製
花鳳樓小草商訂數載
瀕行彌覺感
難禁佩香詩藁聊相贈開卷應知憶我深

佇月樓寄外時還潯陽

窗外風聲窻裡寒錦衾香燼漏聲殘挑燈親把紅箋寫寫
到相思下筆難

廬山小志卷十八

德化 蔡瀛 小霞 纂

詞上 舊志

宋

醉江月

南康軍和蘇東坡

文天祥

廬山依舊淒涼處無限江南風物空翠晴嵐浮汗漫還障

天東半壁雁過孤峰猿歸老嶂風急波翻雪乾坤未歇地

廬山小志

卷十八

詞上

一

鄉環別館

靈尚有人傑 堪嗟飄泊孤舟河傾斗落客夢催明發南

浦闕雲連草樹回首旌旗明滅三十年來十年一過空有

星星髮夜深愁聽清笳吹徹寒月

元

洞仙歌

重遊太平宮

詹玉

舊遊何處有青雲隨步步入桃花碎紅雨倚東風點點玉

唾生春朗吟罷袖出青蛇飛去 錦袍流浪久老却廬山

竹下泉聲說今古一切不如閑裏天多春還在煙霞誰侶
又乘風長嘯上清都正浚月天西玉樓鐘鼓

水調歌頭

紫霄峰

· 詹玉

藜杖破晴碧鐵笛叫蒼寒此中別有天地初不是人閑落
魄半生詩酒自在一襟風月知我者廬山撫劍九州隘飛
筆五湖乾採黃精煮白石勘元關有時龍吟虎嘯滄海
一丸丹俯仰百年宇宙移換幾番陵谷塵世只如閑長嘯
廬山小志卷十八詞上二 嫺嬛別館
上天去直赴紫微班

詞下增

唐

梧桐影

題景德僧房

呂純陽

落日斜秋風冷今夜故人來不來教人立盡梧桐影

宋

點絳脣

秋思

蘇軾

獨倚胡牀庾公樓外峰千朵與誰同坐明月清風我別
乘一來有唱終須和還知麼自從添个風月平分破

元

法曲引導

尋真觀

虞集

闌干曲正面碧崔嵬嵐氣著衣成紫霧墨香橫壁長蒼苔
栢影掃空臺江海客欲去更徘徊霧鬢雲鬟何處在風

廬山小志

卷十八

詞下

三

娜嬛別館

泉雪磴幾時來鶴翅九秋開

明

點絳脣

天池

陳繼儒

鐘鼓沉沉寺門落葉歸僧獨晚鴉初宿影亂墻頭竹長
嘯風前清籟飛空谷松如沐炊烟斷續杯底秋山綠

朝天子

廬山

周德清

早霞晚霞粧點廬山畫仙翁何處鍊丹砂一縷白雲下
客去齋餘人來茶罷嘆浮生散落花楚家漢家做了漁樵
話

國朝

雙調江城子

旅思

尤侗

江城佳節也清明喜新晴午風輕寡柳孤桃妝點可憐生
羅襪繡鞋人不見空辜負滿堤青客遊隨分踏莎行冷
廬山小志 卷十八 詞下 四 嬾媛別館
旗亭隔花屏無限家山綠水畫船橫寶馬雲車香過處看
玉手撥銀箏

荊州亭

題扇上琵琶行圖

陳維崧

苦竹黃蘆想像湓浦潯陽悵半幅小丹青畫出東船西
舫白傅青衫已往商婦琵琶猶響無限斷腸聲只在行
閣紙上

河瀆神

大孤山神祠集唐

朱夔尊

川上晚蕭蕭張諤楚地連山寂寥李嘉祐女蘿山鬼語相邀李商

隱青山暮暮朝朝劉長卿樵子眾師幾家住皇甫冉鴛鴦一

處兩處皮日休潮至潯陽回去張繼風淒淒今夜雨王維

酷相思

阻風湖口

朱夔尊

社鼓神鴉天外樹見渺渺江流去向晚來石尤君莫渡大

姑也留人住小姑也留人住杜宇催歸朝復暮轉把歸

廬山小志卷十八詞下五 嬈嬈別館

期誤儘燈火孤篷愁幾許風急也聲聲雨風定也聲聲雨

長亭怨慢

重過琵琶亭

倪稻孫

又行盡淒淒三楚倦客單衣薄游情緒縱有琵琶半生淪

落向誰語別離如此盼不到江南樹江上已秋風却送我

揚舲歸去重住看扁舟來往嬈嬈艷歌無數青衫淚點

早吹作去驛亭殘雨算那日一醉成吟便贏得風流千古

怕幾叠遙山還似秋娘眉嫵

齊天樂

能仁寺看梅

吳 焯

五年重入孤山夢梅花不堪零亂十里蒼烟一庭翠雪香
界空濛吹徧疎跼細幹似歷盡荒寒漸成悽怨露冷嫣紅
破寒憔悴淚痕泣 婆娑花下小立悵年時蹤跡心病形
懶廢館苔青荒池水碧都付夕陽春晚悶愁自遣待相對
安禪藥爐經卷明月松門煖風飄碎點

解語花

廬山小志

卷十八

詞下

六 娜嬛別館

觀荷

張錫幘

涼生樾館綠上漁磯池面秋初逗篆消晴晝微風颭葉葉
競翻翠袖凌波獨秀似二八雲鬟還幼向華清才試溫泉
猶帶朝酣酒 零落露珠暗溜把雙鴛驚覺魚浪香透女
兒浦口迴蘭槩整頓摘花纖手清芬乍嗅絲歷亂惹愁依
舊到晚來幽韻誰知月上人歸後

蝶戀花

青山夜泊

江 昱

夜定收帆葭葦際鷗夢驚回撲簌深叢裏月上潮生涼入
袂篷牕酒醒人無寐 隱隱鐘聲何處寺響答空山遙度
空江水何必天涯縈旅思初程諳盡淒涼味

憶舊遊

大風渡江

吳錫麒

驀雲烟脫走片帆如馬高蹴層空練捲千條白賸吳頭楚
尾不了青濃醉吟浪花堆裏豪氣動魚龍正海日西斜三
山翠色吹落金鐘 遊蹤溯前度笑梗泊萍浮孤負長風
廬山小志 卷十八 詞下 七 嬋媛別館
萬里江流壯讓今朝濯足踏碎芙蓉只餘雪鷗飛處掀舞
一漁篷料鐵笛狂吹相期定在千仞峰

摸魚子

江州寄題張氏飛鴻堂

吳省欽

買芳園竹蒼梧碧宜陰宜霽宜雨滿夫指點繩橋外擎出
滿花無數人試度一片片沙禽驚起飛還住牽舟慢艣愛
穩稱裝書還宜把釣未算計遲暮 囂塵底有幾蔬畦藥
圃風流遜與張緒敲碁賭酒尋常事消遣膽孃歌舞琴自

撫望冥冥孤鴻秋影遙天去江州客路念寂歷琵琶叢殘
蘆竹錯了六州鑄

南柯子

登沙河岸

宋裕醇

水淺聽沙語山彎任柳牽短篙欲插又遲延恐惹清波搖
動鷺鷥眠 葉落疎如雨衫輕薄似煙推篷小望稻香天
却喜芳邨移近畫船邊

廬山小志

卷十八

詞下

入

嫿媛別館

新樣四時花

廬山

周禮之

小桃紅常旅駐潯陽鎮久肆志匡廬景月上海棠喜嶽奇
競秀秘異韜靈紅芍藥五老峰疊巘崕嶒三峽水噴雪飛
瓊石榴花動遊人遙看無定形細探討寒泉峻嶺水蒸花
問何時山僧汲引玉芙蓉攀蘿捫葛尋幽徑攬勝芙蓉九
疊屏梅花塘青蓮白傅占斷香爐日照清繫我情水仙子
把者山真面目恣步遊遍識青冥

廬山小志

卷十八

詞下

又

鄉媛別館

列女詞附

唐

法曲導引

貞元中女道蔡尋真常居廬山詠真洞有詩名闌于
曲後仙去宋靖康中陳東飲於酒樓有女倚欄而歌
其膚瑩潔如雪音調清越問詞孰為之曰上清蔡真
人法曲導引也言訖去亟追之已失矣

蔡真人

廬山小志

卷十八

詞下

九 嬋嬛別館

闌干曲紅颺繡簾旌花嫩不禁纖手捻被風吹去意還驚
眉黛蹙山青 鑑鐵板闕引步虛聲塵世無人知此曲却
騎黃鶴上瑤京露冷月華清

元

念奴嬌

洪武初沈韶登琵琶亭月下聞歌聲明日復往見麗
人曰妾偽漢婕妤鄭婉娥死葬亭側為韶歌念奴嬌
曰昨夜郎所聞也 詞苑叢談

鄭婉娥

離離禾黍嘆江山似舊英雄塵土石馬銅駝荆棘裏閱遍
幾番寒暑劍戟灰飛旌旗烏散底處尋樓櫓暗鳴叱咤只
今猶說西楚 憔悴玉帳虞兮燈前掩淚雙靨流紅雨鳳
輦羊車行不返九曲愁腸漫苦梅瓣凝粧楊花糝雪回首
成終古翠螺青黛絳仙慵畫眉嫵

國朝

模魚子

廬山小志

卷十八

詞下

十

嫿嫿別館

題對廬書屋圖

孫雲鶴

對匡廬數椽矮屋幽棲待拋簪組林泉一幅倪迂筆寫出
臯魚風樹憑迷取道晚歲天涯念切田園趣東山杖履悵
箕尾神歸爐峰夢斷月冷讀書處 平生志手澤關心珍
護星星更題繖素白雲親舍依稀在指點屏風瀑布紅塵
誤算水碧山青面目長如故那忘歸去念卷裏烟霞胸中
邱壑五柳舊門戶

廬山小志卷十九

德化 蔡瀛 小霞 纂

賦上 舊志

廬山賦

晉 支曇諦 道士

奇絕壯麗峻極氤氳包靈奇以藏器蘊絕巘於青雲景澄
則巖岫開鏡風生而林壑流芬嶺奇故神明鱗萃路絕故
人跡派分巖清升仙於元嵯世高垂化於邶亭應真凌雲
以踞峰眇忽翳景而入冥若夫南面巍岫北背遶遶懸雷
廬山小志 卷十九 賦上 一 嬋媛別館
分流以飛湍七嶺重標而疊勢映以竹柏蔚以檉松縈以
三湖帶以九江紅嗟四物之蕭爽森獨秀於元冬美二流
之潺湲津百川之所衝峭門百尋峻闕千仞香爐吐雲以
象烟甘泉瀉溜而先潤

望瀑泉賦

唐 李華

曙無雲兮川無波泛余舟於空碧彼廬山浮重湖之上兮
峩極天之峻壁凝黛色之深明噫林嶺之岑寂何神造之
杳冥躍騰泉於山脊孤流皎皎於蒼梁翠淙千仞兮懸帛

玉繩結於寥天銀河垂於廣澤春風雷兮從霜雪穿重雲
而下射白龍倒飲於平湖若天地之初闢委滔滔兮東迤
詎知夫維今之在昔何倚高帆而一望豁余心兮灑滌近
古有鴈門上德兮昭洗塵昏柴桑閔士兮捨印推尊靈境
殊象詮微究源人已古今山在泉無心兮道存將默貫
於精極欲置之而不言

望廬山賦

唐李德裕

湓湖口北望匡廬二山影入澄潭峰連清漢江水無
廬山小志

卷十九

賦上

二

鄉嬛別館

際煙景相鮮沿流而東若在世表因懷遠公陸先生
悵然成賦

春水湖平霽天景旭眇赴海之清瀾映于霄之翠嶽波鱗
爛而勢微帆雁引而相續輕烟冒於爐峰若香散於空谷
飛流灑於星灣疑虹飲於層曲想遠公之平昔比孟綽之
不欲談精義於松閔寄虛懷於岩足喜濯纓而旋返悲負
鼎而放逐恥隨屈賈之波不同宗雷之躅整襟帶於瑤席
望元帥於林檎徒佩紫青之書未脫朱丹之轂感明王之

嘉惠荷天地之覆育既復扶陽之爵又剖專城之竹被金
組於薄躬昭皇明於荒服豹文忽變蔚然以姿蟬綏更新
倏然而脫雖澡身於滄浪終有愧於玷辱念大福兮不再
來歸東臯兮供黍粟

廬山雲液泉賦

唐吳筠道士

坤元孕氣潛暢成泉冠五行之首爲萬物之先爰有清泚
出此山側處蒙險以難知猶井渫之不食我搜靈秘載披
載登見其地僻至潔源深有恒沍寒不爲之縮炎暑不爲
廬山小志 卷十九 賦上 三 嫿嬛別館

之增考室以飲樂在枕肱甘乃元玉之膏滴乃雲華之液
疾可蠲年可益引充狎玩唯意所適懸之則皎潔壅之則
澄碧晝浮光以悠揚夜含響而浙瀝陰陽爲災水旱失節
不雨炎夏暨乎元月汪汪洪波久已竭耿耿瀑布今亦絕
挫江湖之浩蕩沉溪澗之微劣斯泉秉彝毫纖無虧雖遠
不霑惠而近有所滋彼泐濡于疇昔豈不慚涓涓于此時
夫醴泉無源而易涸丹溜乍見而難挹曷若止以爲鑒酌
焉取給何異神山之瀦帝臺之漿湧異域之表湛無人之

鄉茲亦標奇於絕境真可謂靈而長者也

白鹿洞賦

宋朱文公

承后皇之嘉惠宅廬阜之南疆閔原田之告病惕農扈之
非良粵孟冬之既望夙余駕乎山之塘徑北原以東驚陟
李氏之崇岡揆厥號之所繇得頽址於榛荒曰昔山人之
隱處至今永久而流芳自昇元之有土始變塾而爲庠儼
衣冠而絃誦紛濟濟而洋洋在叔季而且然矧休明之景
運皇穆穆以當天一軌文而來混念敦篤於化原乃搜剔
廬山小志 卷十九 賦上 四 鄉媛別館
乎遺遯盼黃卷以置郵廣青衿之疑問樂菁莪之長育拔
雋髦而登進迨繼照於咸平又增修而罔倦旋錫冕以華
其歸琛亦肯堂而詒孫悵茂草於熙寧尙茲今其奚論天
既啓人以堂壇友又訂余以冊書謂此前修之逸跡復關
我聖之宏模亦既震於余衷乃謀度而諮諏尹悉心以綱
紀吏竭蹶而奔趨士釋經而敦事工殫巧而獻圖曾日月
之幾何屹厦屋之渠渠山璵璠而遶舍水汨瀨而循除諒
昔人之樂此羗異世而同符偉章甫之峩峩抱遺經而來

集豈顓眺聽之爲娛實覲宮墻之可入愧余修之不敏何子望之能給矧道體之無窮又豈一言之可緝請姑誦
其昔聞庶有開於時習日明誠其兩進抑敬義其偕立允
莘摯之所懷謹巷顏之攸執彼青紫之勢榮亦何心於挽
拾亂日澗水觸石鏘鳴璆兮山木萃尊枝相樛兮彼藏以
修息且游兮德崇業茂聖澤流兮往者弗及余心憂兮來
者有繼兮我將焉求兮

賦下增

落星石賦

唐崔沔

廬山小志

卷十九

賦下

五

嫿嫿別館

元氣初變有形既闢稟清明之表者騰爲星辰受重濁之
資者降爲土石肇經綸於邃古蓋常久而不易詭哉靈物
爰始混成參夫元象麗於太清彼在天也何譴奄淪落於
邊城其在地也何幸復推遷於上京爾其蘭臺廣庶芸閣
修除飛軒廓落邃宇崇虛芳草旖旎珍木扶疎邇九重之
宮闕藏萬古之圖書地禁務簡政和禮舒貞而不黷其清
有餘意棲閑之得所形變化其焉如徒觀其隱淪晶昭疑
蓄縮光芒體硤砢以難動氣埋冥而不揚擬於規矩既不

合於圓方徵其彩飾又無復於元黃匪處匪出不識於行
藏匪榮匪悴不達於炎涼夫其靜也何必徐生百祥夫其
重也何必能鎮百殃庶永終而知弊蓋抱璞而襲常彼無
用也亦至人之所謂允臧

大孤山賦

唐
李德裕

余剖符淮司道出蠡澤屬江天清霽千里無波點大
孤於中流昇旭日於匡阜不因左官豈遂斯遊謝康
樂尤好山水嘗居此地竟闕詞賦其故何哉彼孤嶼
亂流非可儔匹因爲小賦以寄友朋

廬山小志

卷十九

賦下

六
嫺媛別館

川瀆巖道人心所惡必有穹石禦其橫驚勢莫壯於灑灑
氣莫雄於砥柱惟大孤之角立掩二山而磔豎高標九派
之衝以捍百川之注耽若虎視蚘如龍據靡搖巨浪神明
之所扶不倚羣山上元之所固必迤邐而何多信巖然而
有數念前世之獨立知君子之難遇如介石者袁楊制橫
流者李杜觀其側秀靈草旁挺奇樹寧憂梓匠之斤豈有
樵人之路想江妃之乍遊疑水仙之或駐嗟瀛洲與方丈

蓋髣髴如煙霧據神鰲而艱脆逐風濤而沿沂未若根連
坤軸終古而長存迹寄夜川負之而不去雖愚叟之復
生焉能移其咫尺步

匡山館賦

明 湯顯祖

友人胡孟弼本豫章之才子慕匡仙之舊廬結架山
顏逶迤雲貌每聚遠公之笑自號栗里之人白雪恆
操元風再暢余嘉其志包宇宙爲賦所居

美澤國之洪洲奠江陽之名嶽柱北斗以崔魏鎮南條之
廬山小志

卷十九

賦下

七

嬋媛別館

廣邈爾其日月影射烟波沃漾積霧沈峰橫雲矯嶂碎瀑
珠寒香爐翠颺竹影之金書自然樹杪之鐵船無恙物死
強梁人生弱喪空迷閩水之中不住靈山之上如何孟弼
先我遊遨眉顏如畫意氣真豪河山不礙風雲自高書盈
唐述賦滿邊椽鵝峰比峭鵠岸雙遙發匡君之寶牒覓吳
嶺之金膏見白龍之時起聽元豹之潛號搏空屏而曉灑
寫石鏡於寒皋升降神阡吐納靈川林冥冥兮欲雨人飄
飄兮似仙仙家兮遊行層陰兮疊巘覽神邱而弗居孰人

寰其更選借禪林之一邱構丹房於九轉逗驂鸞於石梁
尋飛鸞與傲舩天門之松側生華嶠之蓮半捲况復巖流
自清藥樹恆榮留半空之霜雪隔浮世之陰晴長風夜作
則萬流俱響棲巖晨嘯則百嶺齊應朝飢則平湖上菓暝
暗則獮山佛燈允可以頓真人之響策儷神區之赤城乃
有辯才大士元德先生遡靈襟之滌覽泛馨香而解縈妙
喜對揚之地高真元憩之楹振林木以長嘯憶蓮花之舊
盟出淺見而遊戲捫重元而迅征方遺蛻乎生品又何流
廬山小志

卷十九

賦下

八

鄉媛別館

鷺于塵情

廬山賦

國朝 萬相賓

繫匡阜兮嶙峋表翠微兮蓮峰占西江之勝槩跨南紀之
雄風結雲氣於蒼冥洩精魂於衡嶽幻陰晴於朝暮削芙
蓉於緬邈音愕香爐長蕪兮蒸嵐異其倉皇石門永鎮兮山
帶護以翺翔禹碑六字蔓草芊芊右軍卜宅墨池宛然匡
家兄弟結廬忘年青蓮裂素而寫經兮栩栩世外以神全
懷紫陽之遺風擁琴書於半天香山草堂兮數椽蕭蕭落

日與寒煙董仙杏林白雲稠公擇山房恣臥遊狂呼岍幘
而長嘯兮曰此高人之故邱移文字兮問山靈奏絃歌兮
響林谷彷彿兮黃山之仙谿訝兮白衣之屋丹竈流霞兮
仙路蒼茫雙峰橫插兮巖壑生涼拍康王兮吹玉笛招五
老兮醉石床羨斯境之幽勝窮奧區而徬徨山之人兮潔
脩跨黃犢兮夷猶洒清風兮六合解衣磅礴兮誰儔聊結
屋於山麓指美人以徜徉效野人之三祝兮亘古山高而
水長

盧

山

水

寺

5017325
36.86
26



廬山小志卷二十

德化 蔡瀛 小霞 纂

碑上 舊志

簡寂觀碑

梁 沈璇

夫太清奧絕上元祕遠存主莫究化匿無方改陵谷於崇朝變椿齡於終食邈矣悠哉罕測其宗旨矣若乃煉質歸真瑩情遜俗控八龍而朝四聖擁三蓋而役羣英就跡非神求心在德口而嗜慾滯累傷生惑性名利玩習奪志擾廬山小志 卷二十 碑上 一 鄉媛別館

心季主莫追曼倩已遠遊溺難戒井甌易徵自非託隱幽棲憑高而沼聲跡絕象風馬無津觀榮落而厭遊隱雲烟而慕遠豈能濯穢歸真因枝表實七變化體九易移顏文生五臟花開六腑奏瓊笈於紫臺披金篆於碧室者乎三洞法師陸修靜心懷寡慾性蓄兼善忘爲棲住誠隆闡教投裝樂土解橐靈山以宋大明五年置館於廬山高嶺夫止煩曰簡遠囂在寂卽義表名因心顯號前陳蠡壑積水浮天却據匡山層巖入極瞰七澤真猶掌瞻九河直如帶

物色盈眸烟霞滿矚夕魂東引曉魄西延仰視奔星俯觀
駭電乃緣崑崙宇依平考室卽嶺成封因夷置墀聳構互
薨升降相臨峻坡六層傾塗九折丹崖翠壁削刻殊形八
峰七嶺參差異色飛溜垂虹積青似素輕蘿散霧接綠成
帷春林縮錦冬巖挺翠朝猿永嘯夕鳥攢吟町疇馴堦頡
頄滿袖晨桴曉唱聲彷彿其旣聞玉闕金臺路寂寥而方
啟豈直杏林重茂匡居接跡而已哉俗滓難排靈跡易隱
俄而先生托身劍杖飛迹壺天遺文餘記盈滕委篋摘元
廬山小志

卷二十

碑上

二

鄉媛別館

宗之奧旨暢祕訣之幽元是以通神閔出參嶽繼軫而三
芝奧遠非足跡所到九丹祕絕匪俗聽所聞故功過則遷
道至斯匿三洞弟子王道恩諳此遺塵範茲棄屑欲科述
明練餌養精淳方且浴日餐霞飛金化石曳屣越壑聳臂
升雲常慮末俗風頽後生志弱忘跬步之致遠聞尺木之
騰空所以式鐫往訓敬詔來哲無謂世隔神路則遐相契
道術義非疇矣匡膝洞府庶契冥緣攜手神州佇伸嘉好
乃作銘曰

三才並用萬品俱陳造物在象成務由人銓功等義拂命
非隣猗歟先哲覩實排賓練偏反妙養脆歸真愍斯輕菌
垂茲妙訣九曲五枝元霜赤雪援神鳳舉託情蟬蛻日成
輪奐爰儼裳袂羽衣優柔雲旗容裔法無難易志有浮真
囂靜係迹躁溢緣情棲巖協邃飲澗資清道基松木業著
芝瓊祛塵屏累遣愛遺榮神明濟濟靈壇肅肅念薦興翹
形祇永鞠白雲宵動芳烟夜簇來駕斑龍去留寶牘茂德
長鑄清芳永馥梁天監十四年十一月立唐保大甲寅重
廬山小志 卷二十 碑上 三 嬋媛別館
建

西林寺碑

唐 歐陽詢

蓋聞不生不滅圓照徧知無去無來冥機虛寂言語旣窮
心行跡斷利見鹿苑興捕誘之權倚迹鷲山導汲引之路
一音稱物隨類得解三達教闡迷途自識慧日騫幽法雨
遐濟德暢忍土是謂能仁然喻月譬鏡宜有隱顯髮鬣宗
極抑資圖鑄道冠域中金剛爲大故神塔湧現靈刹相望
先有曇比丘俗姓竺氏本爲趙將知苦器之難安悟浮生

之易盡以榮利爲桎梏視名聞爲羈絆屏棄諛譎專修真
寂虛舟觸遠津度罕概元風獨肩息心無侶匡阜北嶺地
接層峰日月之所縈迴雲霧之所蒸液激白水於紫霄照
離暉於石鏡南瞻五嶺北睇九州貞遯忘歸幽棲是卜法
師秉心萃止負錫來儀樹宇山閔游情梵表及遷卽化藉
草巖閔有息慈慧永河內繁氏高足稱首人師物匠儀無
虛位理必淵湮服道御身宏善被物形性兩忘寬親等觀
故異香入室猛獸馴堦紹修主業安禪結宇晉光祿卿潯

廬山小志

卷二十

碑上

四

鄭孃別館

陽陶範慕彼清聲遊茲勝地崇信正道擁篲式閭爲出俗
之藩籬爲入室之櫛櫛興建佛事締構伽藍指景瞻星鳩
徒揆日薙草開林增卑架巘夷峻築臺疏巒抗殿長廊繞
澗斜砌環池冬燠夏涼經行畢備命曰西林是歲太和之
一年永公化緣將盡曾無憂生之嗟冥照幽通豈若逆旅
之舍其日山房晦寂側塞幡花洞戶凝深鏗鏘音樂歡喜
合掌奄然終謝年八十三法師運載羣品舟梁大法翺羽
蠢族咸知締向賈遠法師德高人世道被幽冥能屈萬乘

之尊申其再三之敬相望江海獨在伊人言發響依契同
符合自爾戒定接式龍象咸泊感不虛至功有歸焉但年
代推薄寺宇凋敝梁天監三年僧恩律師戒品嚴淨隄封
十萬神理獨照宏宣五眼妙秉律儀尤精數論愛悅閑靜
栖神恬澹聿來憇止綸葺道場增桴重棼分霞聳極惟新
舊物輪奐爽塏大隋握鏡天下文明馭金輪而教十善秉
玉衡而齊七政所以六通勝地八紘與宇皆得刻意熏修
進力勇銳州都陶元安季安等兄弟以生死輪驚滯有情

廬山小志

卷二十

碑上

五

鄉媛別館

深趣此畏途莫先回首遂望風揖道膜拜至誠以爲道在
人宏固資羣望大林智錯法師研精九部深明十觀耆舊
多識悅可衆心與寺僧佛護等捫虛梯漠升階就列請知
寺任永奉神居錯公深明律藏蠲浮酌實棟梁宏護庸詎
可思續有慧達禪師太原王氏廓六度以爲津構四禪以
爲室世歸至德物仰高韻爲善終日匪憚劬勞自東徂西
興建佛事爰自金城至於淮水亘陸遵渚莫非教門旣宅
古栖空因心自遠虛室生白房櫳引靄四部翹誠頭目頂

禮禪師報云今上皇帝住持菩薩欲於道場奉爲營建七
閔重閣勸募之侶咸百其誠而有魯湛許州人相顧言曰
波聚煙散一瞬不過形滅神謝歸無異軫幸蒙誅誘共相
勸督以大業二年爰戒匠人匪日斯就透迤飛閣秀出干
霄延袤層軒俛視無地鑪香與峰雲齊鬱鐘聲與幽谷合
響有頃達公謂弟子寶焜曰吾欲往長沙模寫瑞像及刻
優填王像卽輕舉扁舟俄而旋返所造法身光相殊特勢
超鎔楷功踰琢磨丹雘競姿紫銑爭耀力雖人就妙乃神
廬山小志

卷二十

碑上

六

嬭嬭別館

輸大業七年達公無何而嘆謂弟子慧祐曰吾一期將盡
於今八十三年矣跏趺端坐頃之寂滅次有東林道生法
師樹明因於往劫襲慧果於今生理洞天人之際義超三
品之表虛心宏道忘已濟物纂修厥緒凡百經營克勤心
力允符勸口寺僧智正智崇慧鏘等並隱約自居含華履
順慧解明利德素淳美以爲樹道風於長世詒德範於來
葉莫若勒茲紺碣題以元碑寓言雕篆稽首作頌乃爲銘
曰

二儀肇判萬品流形恩愛煩惱續紛靡寧三彰四倒瘵惑
焦明十纏九結寵辱相驚遭廻三界輪環四生慾流長驚
薪火不停誰其拯物獨有能仁紆情緯識卽果明因開方
便門示彼元津雨大法雨洗滌深塵佛日雖隱宏道在人
爰有開士粵來萃止鏟跡銷聲爲法忘已置想依空求真
得理異人載挺大法舟航希踪祇樹標建道場披藜剪棘
抗陸浮梁切漢干霄含星浴日巖谷虛靜林樹闕謐宴坐
經行道糧權實法門無二義揆歸一總駕大乘終始竟畢
廬山小志

卷二十

碑上

七

鄉媛別館

像教有形取諸相質靈宇方固金剛不遷希夷至道緬邈
遐年須彌有盡法炬長燃咸慕偈讚敬勒雕鐫

東林寺碑

唐李邕

古者將有聖賢必應山嶽尼邛啟於夫子鷲嶺保於釋迦
衡阜之託思天台之棲顛豈徒然也故知土不厚則巨材
不生地不靈則異人不降陰隙潛運元符肇開宿根果於
福庭大事萌於淨土其來尙矣東林寺者晉太元九年慧
遠法師之所建也世居雁門樓煩俗姓賈氏童妙神悟壯

力精博初涉華學不讀非聖之書中留梵經尤邃是田之
說嘗就恒嶽觀止道安火遇於薪玉成於器雖根種諸佛
而果得一時獅子吼言載聞順喻維摩詰答更了空門安
住四依修捨二法和尙嘆曰吾道行者惟此人焉屬朱序
尋戈緇徒逃海道由茲嶺冥契宿誠謂其徒曰是處崇勝
有足底居居地若無流泉曷云法宇大雄神廟特異蓮峰
結跏一心開示五力以杖刺地應時涌泉旣荷殊祥因立
精舍堅卧禁戒宏演妙乘浮囊毒流木鐸正教首唱南部
廬山小志 卷二十 碑上 八 嬭嬭別館
轉覺後人以智慧刀斷煩惱鎖由是真僧益廣妙供日崇
隘其本圖宏其別業乃進自香谷集板安棲卽曇現之門
生隣慧永之阿若相與撰平圃踰層巖在山之陽居水之
右經其始而未究其末有所而未虞其勞當是時也桓
元司人柄幹國鈞以福莊嚴因橋檀施書日力之費盡土
木之功繚垣雲連厦屋天聳如來之室宛化出於林閔帝
釋之幢忽飛來於空外至若與宇冬燠高臺夏清玉水文
階而碧池瑤林藻庭而朱實琉璃之地月照灼而徘徊旃

檀之龕吹芬芳而秘靜相事畢集微妙絕時羅什致其澡
瓶巧窮雙口姚泓奉其雕像工極五年殷堪握衣而每談
廬循避席而累贊道宏三界何止八部宅心聲聞十方足
使諸天迴首觀其育王贖罪文殊降形蹈海不沉驗於陶
侃迫火不熱夢於僧珍願苟存誠祈必通感旣多雨以出
日乍積陽以作霖則有影圖西來舍利東化或塔湧於地
或光矚於天謝客欣味而成文劉斐詆訶而覃思所以山
亞五嶽江比四溟地憑法而自高物因詞而益重泊梁有
廬山小志 卷二十 碑上 九 鄉嬾別館
崇禪師者傳燈習明安心樂行指拳猶昔薪盡如生次有
果暉二法師僧寶所欽克和止觀法物爲大用繼任持上
座曇傑寺主道廉都維那道真等皆沐浴福河棲止靜業
諸結已盡白黑雙遣衆生可度名色兩忘纂盛名於舊人
啟新意於今作重建雅頌遠托鄙夫代斲有慚豈云傷手
握筆餘勇曷議齊賢但相如好仁慕藺名而激節伯喈聞
義讀曹碑而羨能倘青勝於藍冰寒於水非曰能也固請
學焉其詞曰

靈山光發真僧感通刺泉有力呵神致功法儀外演禪心
內融性除偏執門開太空瞻禮雲集底居峰薄越嶺圖勝
降乎規博信臣檀施護供興作大起重階廣延阿閣嚴幢
涌出寶塔飛來尊容月滿法宇天開化城改築道樹移栽
松青梵樂石敞花臺金容海游法影山薦毒龍業消漁子
心變萬里西傳一時東現萃戒異聞穹厚驚眄遠實法主
謝惟文伯光頌累彰德名增益助起江山聲流金石一言
可追千載相激了性了義或古或今止持紹律定慧通心
廬山小志

卷二十

碑上

十 鄉媛別館

觀物情至懷源道深敢憑淨業永紀禪林

九天使者廟碑

唐李玘

伏羲諸大易曰一陰一陽之謂道陰陽不測之謂神惟道
也生三混成洞微於變化惟神也得一而妙蓄秘於恬冥
欽若太元遐微妙有運陶甄之極不獨尊歟后唐累聖光
華大明終始陟曦陽之午廓照瑤京操元命之符銘昌鼎
算白雲孤峙時望嵩邱紫氣千齡日飛函谷我開元神武
皇帝圓靈受睠方輿寵秘握元珠之鈔捐可寶之珍演至

道於希夷刊雜法之凝滯乃聖一也於穆祀典清廟皦皦
孝友光明天地冥洽乃神二也劍戟之器返於三農弧矢
之威神斷六合乃武三也察時變者觀乎天文人習凡庸
無階測聖乃文四也故冲精象外高視鴻名昂薦河圖靈
朝海若堯心攝照顧言筌於几籙軒目司明屈旌乘於茨
隗所以虞環益地夏玉從天納殊賚於西王展告成於東
后五龍推紀邁梁甫之高曾八駿巡遊陋岷嶽之轍跡昭
回上轉山嶽下騰列聖攸居通僊福會文皇質義武帝披
廬山小志 卷二十 碑上 十一 鄉媛別館
圖至道之興其來尙矣自華封獻壽聖德祈年金格傳書
珠塗味液公主以天慈入道挹化芙蓉祕監以王子出家
調方芝朮北方著列仙之籍南州希至學之因聖緒無爲
斯其有作乃睠羣嶽真君道府光啟祠室幽贊神宗青城
廬嶽二山者佐命羣峰之望也丈人仙籙祕諦真君使者
靈司孔昭冥察名書五法舉亞三魔瀆洩崇巒異弗騫於
物阜寒暑穹谷將必順於人時開元十九年八月二十一
日降明旨曰青城山丈人廟廬山使者廟宜準五嶽真君

廟例抽德行道士五人焚修供養仍委所管揀擇灼然道
行者安置具年名申所由敕置廟使內供奉將使者真圖
建立祠廟并章醮行道設齋使大宏道觀法師張平公粵
自秦京宣猷江服煥丹青之節賜元牝之儀驛傳光臨雲
巖皎色使持節江州諸軍事守江州刺史獨孤禎重鎮柴
桑孚謠枳棘時觀武庫代伏文雄經始干城全摹益厲崇
窺逸麗壯思逾紛朝散大夫行長史楊楚玉行司馬皇甫
楚玉潯陽縣令魏昌等恭惟聖善式議靈塲道俗虔精冥
廬山小志 卷二十 碑上 主 娜嬛別館
休推異爰初築土則雨霾煙嶂俄頂佇立而色齊霞標寶
龜奠臬之辰金虬驛程之際陰濛洊密黜晦道交注想元
空肅思皇道芬芳載潔章醮翹襟六虛窈冥一夕融朗半
空之上忽吐神輝綴灼九微頰揚千仞窅窅率扞人吏並
觀昔天靈降周以雲門舞奏神光燭漢以太乙登禋然北
陸氣交南州燠變物委霜霰人嗟沍寒使法師恬懇仙庭
憑威國命故元冬易暖朱景敷輝暢於幽明優乎力役並
利攸往咸欣子來使茲勝郊遂甄靈域騰頰桂嶺鬱翠松

巖召斲郢門儻材荆岫疏峻岷繚長垣紅壁列錢丹楹繡
礎三閔四表炳繪文櫬八維九隅懸鏤鏤檻虹梁亘構風
牖承檐冽井蕖鮮芳壇竹掃銀鋪月曉瑤簏霜開至若聖
理全幽真容罕測大其祕狀遠降使司葢考三仙之圖不
放九牧之鼎皦姿粉堊備質光妍符彩冥標侔靈瑞表工
徒罄想殊思感通齋室盟祠旣優如在霓旌霞旆時颺羽
儀列冠名山禮均行潦覃薰紫極供養黃冠玉釜常煎金
鑪永蒸牲牲草享鸞鳳于飛露挹神翁星臨婺女清吹洞
廬山小志 卷二十 碑上 三 鄉媛別館
唱天渚匏瓜之津匹水仙宮海曲蓬萊之島龍驤鳳翥飄
翮淨戒之庭師子辟邪趨躍精思之地珠幡衛篋瓊葢擁
輿法供天厨六時朝念真經雲帙萬劫修行弗翦茅茨明
代久彰於克儉經營梓匠神理邈尊於寵光聖渥堂闡靈
棲窟宅鳩來禔福不亦宜乎冬十有二月司存式命畢鉤
繩也元門道士章沖寂等挹教五千齊驩億兆歷僭階而
仰止攀睿算以驥誠天使願奉於雕鐫心存魏闕法衆希
憑於茗琬道在吳岑春水桃花迷源遂遠幽林杏塢勝地

非遙伏賀天休敢述頌曰

道祕重冥神幽福庭三景運極五嶽棲靈其真有物厥妙
無形理則恍惚功惟泰寧於赫皇極昭融亭造睿握元珠
祥丕大寶蒼垠集貺紫雲宗道致享百神探因五老乃睠
崇山嶽靈之祕三象浮精十華僊使威瀋雲雨神存天地
法象昭凝真圖炳粹幸明德之嘉運降幽祠之寵章扈僊
儀兮肅肅煜瑞彩兮煌煌爍琳宮之夕照拂琪木之神光
雕輝兮翠輦玉釜兮調香擷五芝於秀嶠攀八桂於飛梁
廬山小志 卷二十 碑上 古 嫿媛別館
龍吟鳳舞天路長青雲衣兮白霓裳節空歌于瑤磬臻羽
旆於瓊漿冥激兮福宇影眇兮神極牽匹水之布流睨香
爐之奇色畱鶴語於千載翥鸞裝兮一息絳河真母將易
逢碧海仙姑淼難測恭至道兮三五奉休符兮萬億紀貞
石於名山壯鴻規於帝力開元二十年壬申正月乙巳朔
二十五日巳巳樹

廬山小志卷二十一

德化 蔡瀛 小霞 纂

碑下增

真風觀碑 并序

唐 韓熙載

道生一一氣剖是爲二儀二儀分是爲萬象故天得以覆地得以載日月得以晦明川岳得以融結四時迭運五才以序於是乎俶有生人樹之司牧當茲時也天下爲公大道未隱故不言而化無爲而治逮夫裁道以成德先仁而廬山小志 卷二十一 碑下 一 柳嬾別館

後義禮樂旣設巧僞遂生聖人猶是著元言開妙鍵蓋將拯其弊而反其源也道也者其大矣哉用之私則可以駕景躡虛拔一身於塵滓用之公則可以還淳反素驅蒼生於仁壽噫天下奉其教尊其像宮館相望者豈徒然哉我國家墜業復興澆風漸草皇上受天明命纘帝丕基思致時雍精求化本故能序百揆敦九族五音克諧羣望用秩人和旣感天瑞亦臻允所謂孝格乎上元而政符於大道矣以爲崇清淨之教則務在於化人飾元元之祠則義存

於尊祖於是乎名山福地勝境靈蹤壞室頽垣荒壇廢址
咸期完葺式表興隆廬山之陽有女真觀曰崇善松門蘇
磴蘿葛交陰層巒浚流嵐靄相接怪石古木峭壁懸崖怪
狀奇姿望欲騰擲千尋落水飛靜練於林端萬仞危峰聳
寒青於天半晝夜若風雨盛夏如素秋高岡密林豁達荔
鬱信洞府之絕境神仙之勝遊也而庭廡荒涼殿堂傾側
醮壇丹井但有榛蕪古像墮簷畧存香火是觀有女道士
楊保宗者浮虛早悟清淨自持卻粒鍊形幽棲巖谷勤行

廬山小志

卷二十一 碑下

二

嫗媛別館

之績達於九重雲鬣出於碧山鶴少留於丹禁乃訴其頽
軒未葺真侶奚依欲就良因實資帝力上俞其請賜以金
錢六宮之中競施服玩珠珍綵繡璀璨輝煌載之旋歸計
逾千萬於是庀徒度費卽舊創新經之營之厥功遄就爾
其爲狀也則坱圠低昂紛敷粲章間以金碧飾以銀黃層
櫺次第以鱗集厂宇參差而翼張鏤盤虬於密石圖悍獸
於飛梁下窈窕以宏麗上嵯峩兮煒煌寶鐸玲琅鏗宮韻
商望之者愕聆聽之者淒涼何蓬萊與方丈忽山峙而鸞

翔夫其架飛觀以干霄豁丹扉而瞰野迴廊夭矯以岡屬
正殿崔嵬而雲竦墉垣繚繞鈎楯連延巖翠炎以爲壇範
真金而作像道場嚴肅繪塑精明聖祖靈官儼然如在軒
薨互映丹漆相鮮層殿初成但有窺窗之女還丹儻就寧
無奔月之人靈草奇花千名萬品間以芳樹洗其密篠導
以清流濬爲滄沼扶疎葱蒨演漾泓澄年年有異木含春
疑遊閨苑夜夜而寒泉浸月似到瑤池若乃環珮珊珊笙
磬寥寥陟星壇於月夕會真侶於霜朝唱步虛於縹緲動
廬山小志 卷二十一 碑下 三 娜嬛別館

霞帔之飄飄朝禮將終起彤雲於丹井靈仙若下盤皓鶴
於煙霄顯敞幽陰奇特瓌美雖鬼功神運亦無以加足以
增氣象於江山誇壯麗於宮觀也卓矣乎清淨之門旣闢
元元之像又嚴固將扇以真風惇其孝治皇王能事孰與
爲先乃錫號曰真風賜女真楊保宗紫衣旌其幹也下臣
承詔作爲是詩美其功也

道未形時無有一物形旣有矣萬象紛出一動一靜一出
一沒運轉無窮到於今日中有大道則之者誰明明我后

亦公亦私百官承式品物其宜端拱而坐融融怡怡洪惟
我祖實道之主闡教利人與天同溥吾君奉之爲棟爲宇
欲化頽風重爲邃古廬山之高兮高莫窮隱映萬壑岩崑
數峰如削如畫凌摩碧空上有懸流之百丈恒噴雪而號
風下瞰長江之九派時吐霧而隱虹白雲兮翠靄密竹兮
高松清猿之與幽鳥恣吟嘯乎其中修鍊之徒或釋或老
亦有羣儒是論是討簡寂之前崇善爲號女真居焉研味
其道制作之野同乎草樓荒涼古迹寂寞靈游久而未葺

廬山小志

卷二十一 碑下

四 鄉媛別館

抑有其由良緣所屬非聖而疇羣材旣集哲匠有程攢櫨
簇拱結棟飛甍銀鋪飾戶玉礎承楹傅以朱綠垂之璧瑛
殿儼尊相旁羅衆真如聞大道似演長生修廊環布以曼
衍危樓對峙而崢嶸矗如山立施若霞明望之則煥爛晶
熒若經天台兮睹赤城就之則想像威靈若登丹邱兮趨
福庭天子聞之而動色於是乎錫真風以爲名保大五年
歲次丁未八月壬午朔二十八日己酉虞部郎中韓熙載

記

棲賢寺碑

唐朱遵度

夫太華維嵩作鎮周秦之地峨嵋劍閣僻臨邛蜀之區曷若峻極於天廬山列五嶽之次欲光於世棲賢居四絕之名其或秀生賢哲氣噫風雷控五嶺而壓三秀匯岷江而瀦蠡澤泉飛黃石千尋之長劍倚天雲吐鑪峰一炷之檀煙上漢石梁與塵寰不接紫霄信日月可親懷山襄陵文命導百川而屆此千乘萬騎漢皇馭六飛以躬臨旣如此廬山不得不稱其嶽也若乃五乳峰左疊石澗西屏展層廬山小志

卷二十一 碑下

五 如娘別館

巒狀五老飛星之所門臨三峽聽大禹鑿龍之聲香積具而谷震文魃毳侶賓而風傳金錫龍潭當戶甘澤與法雨齊飛禪客臨軒獅子共象王接武又如此則棲賢不得不名其絕也按張僧鑒潯陽記云姬周初匡俗先生屢逃徵聘結廬此山真人羽化於紫煙弟子指山爲廬岫又按張密九江新舊錄云棲賢寺本在州南二十三里齊永明七年詔議張希之造隋末始廢洎唐寶歷初給事中李渤以廬宮是棲隱之所遂捨舊宅以建精藍奏置舊廢寺額仍

請先歸宗智常禪師以居焉檀越處仁信之域覩空王而
發心菩薩啟圓頓之門馭五乘而接物紹遠公之能事皆
唐代之偉人當其海衆雲臻法幢峰立如聲召響目擊道
存應物隨緣薪盡火滅法須有主代不乏賢謝山和尚聞
法鼓銷聲慮慧日長沒出彼林下來此山中而後照覺禪
師再光祖席佛巖大士繼闡宗風今筠長老去來不住彼
我兩亡解龍濟之髻珠得清涼之心印源本清而任撓鏡
鑑物而忘疲蓮社嘆三草將枯密雲不雨黃屋念釋門無
廬山小志 卷二十一 碑下 六 鄒環別館

主百堵誰興眷彼名山在乎宸斷應明詔者其惟師歟繇
是虔奉綸言遂成素志遽辭丹闕深入白雲師乃乘般若
舟遊一真性海愍狂子病灌一味醍醐接引大心衆生俱
入華藏世界處羣華而不自異卽煩惱以爲菩提賓至如
初棟橈畢葺龍集辛酉天子省方千官扈從萬乘啟行大
明昇沖六合皆照東風扇律四海維新龍舟纒艤於星灣
天步俄登於雲岫心存億兆豈思石槲之堅牢志在寰瀛
不問瑤池之遠近瞰雙崖而壁立聽驚湍而雷吼橋橫虹

斷危若飛動乃顧謂筠公曰吾愛天下生靈視如己也豈
可使出塵之士來往而履險乎勿憚暫勞須求永逸目顧
頤使規模立成仍宣御庫錢二十萬以充其費焉旣而雲
罕未移勾陳尙駐覽布金之勝槩揖漱玉之清湍茶烟裊
而乳竇飄香禪悅味而虛皇生白寶釋門之盛事爲信史
之美譚玉輅言旋緇徒歲事衆人役役因善價而沽諸伐
木丁丁俄梓材而如積屹若神化皆從聖謀朱欄修且直
大厦壯而麗馬師皇過此免更乘龍鄧隱峰經行不勞飛
廬山小志 卷二十一 碑下 七 嬋媛別館

錫其新橋依舊以三峽爲名又於橋之北建駐鑾亭寺之
後改觀音巖爲宴聖巖皆先皇駐蹕之所也召伯聽訟國
風歌其勿翦叔子去荆峴山存乎墮淚况明明哲后垂二
十載覆燾於烝民者哉遵度大袖褰衣以登晉用聞先歸
宗之出世恨不同時慕李給事之爲人各逢明主而又於
筠長老有林泉之舊因御命如瀟湘之遊云欲立貞珉將
直書其實以文見託不敢多辭其詞曰

廬山天柱五老峰前地如靈隱寺號棲賢山中何有百物

生焉寺中何有俊哲居焉江湖會同天文星紀控越連巴
東南之美鼓震雷動觸石雲起何必崇朝滂沱萬里芙蓉
積翠帝子三宮九峰峨峨秀出雲中龍潭水黑錦谷霞紅
吉甫生周不獨惟嵩十八名賢首稱慧遠江州使君書讀
萬卷禪師知常竹林一作木之院一言道合法無關鍵指茲
舊院建彼祇園上棟下宇寶幢勝旛獅子一吼孰敢興言
以心印心如麈如堦那含如來圓寂覺路世界無邊非佛
不度迦葉慈悲愍衆生誤了真妄源絕生死怖謝山欽因

廬山小志

卷二十一

碑下

八

鄉媛別館

依紹能仁心如太虛本絕埃塵龍濟實相傳之於筠清涼
法海秋月一輪聖主知賢詔居茲寺入七葉巖當法王位
爲述正言與悟息意四執無着是不思議龍集作噩時維
小康翠華順動眷被山光造舟爲梁八鸞鏘鏘雲溼寶輶
谷散天香三峽嵌空雙崖如束直下百尺飛流噴玉橋危
飛動路險巴蜀念彼遊人履茲深谷將易舊制俄成久圖
旣壯且麗皆遵睿謨莫測天心蒼生是虞欲使萬物安如
覆孟亭思駐蹕巖紀聖遊南方後后碧嶂難留唐祚千葉

唐年萬秋惟山與寺配天齊休

太乙觀董真人殿碑銘

并序

唐 倪少通 道士

原夫自然生道道生太一太一生二儀二儀既立術明三景三景列像以均四氣四氣氤氳潛配五行五行相屬而聲六律六律爰叙以旋七政七政將平而定八方八方布設是爲九宮九宮各據周羅十極十極剖判而成萬彙萬彙既終返乎太乙卽太乙孕靈之道變化還元妙用虛無之旨也混沌既分張乾裹坤中有太乙虛無之尊騰闢二廬山小志 卷二十一 碑下 九 鄉孃別館 氣散爲真根清濁異體元牝通門道德之祖自然之孫卽太乙真精灌溉之理矣右月左日光輪星質大遊小遊分綱列職照運寰區定臨凶吉寒暑數遷災福靡失唯德可順唯道無窒卽太乙神處變遷之用矣動靜杳冥中含一精沖和純粹天清地寧統貫三才神靈谷盈春發夏養秋合冬成逐道開布萬化俱生卽太乙神氣覆育之道矣紫清之上玉皇御中有太乙之府上台之宮宮有九署三官所宗太乙真人太伯仙翁定生丹籍落死北酆統制萬靈

元化無窮卽太乙掌符錄權總之化也故陰陽不測之謂
神神者太乙之祖氣也是以一大謂之天故經云象帝之
先卽元元之首矣廬山真人殿者按仙傳卽太乙真人隱
化之所治也連虎溪福地按詠真洞天上應仙曹下通陰
府真人逐代降世魏末晉初孕靈於閩川侯官寓姓董氏
名奉字君異託跡混時行仁布惠活士燮於交址救屈女
於柴桑種杏拯民蘇苗降雨攝欺口以威虎歸貞信以輕
金驗太乙丹符知非常道散無功穀帛遠非常名真人久

廬山小志

卷二十一

碑下

十

鄉媛別館

處下方將朝上界以晉永嘉元年三月十五日感上帝錫
命曰太乙真人歷居凡世功滿三千可任碧虛上監仍掌
吳楚人民生死之文罪福之籍旌幢降處千條之蜺影盤
空羽駕行時萬朶之仙花出洞竟望天門隱隱而上卽知
聖人遁世俗眼何遼千載累功一朝現化暨乎風遺今古
事有改遷道隱時訛民囂淳散巨唐天寶初制下重加葺
修後值世更屢經兵火山口半里額挂卑祠少通幸憩名
山訪茲聖境榛蕪隘道荆棘漫穹水石亂基狸鼠交穴目

凌幽谷對百鳥傷嗟情斷孤雲聽流泉嗚咽默然憤至誓
續真風與弟德規力勤三禩形忘疲倦手覺胼胝迺遇韓
王節鎮江城仁霑野澤減有餘之俸助無罄之緣匠運斧
斤基圓殿宇時感松凝甘露山吐靈光沼綻交蓮林抽合
竹禎祥異事郡國咸驚卽今上皇帝膺嗣明堂丕圖寶位
堯雲四布舜日廣昭仰紫氣於函關重光道德敬朱鬃於
羊角繼肅乾坤文明丕彰無爲自化保大十一載遣北苑
使董源支慶王帑藏錢物計三百萬大建仙宮造四殿五
廬山小志

卷二十一 碑下

十一 娜嬛別館

堂重門諸厦都一百三十間正宇塑五十九品真容莫不
山見良材巖呈異礎工勤商伯匠巧般輸神助縈勞元資
夙智首尾四稔備用都周繇是梁竦虹軀簷飛鳳翅風搖
金鐸巖洞響清日映朱欄松筠影翠麗移崑島景象蓬瀛
瀑注方池稱養琴高之鯉雲鋪壘砌宜昇索靖之鳧九水
民歡五峰靈暢山燈夜照巖香曉歎文武星攢緇黃雲集
寶臺齋建霞分紅杏之原紺殿晨開光射白蓮之頂鯨鯢
鎖躍箕簏龍吟靈應九霄道傳萬古功標丹雀善記羅鄩

福利幽陰神超靜治冀扶帝座長慶皇宮少通受業朱陵
叩興真跡非邀名譽貴顯元猷愧無夙契之人直紀象先
之德用刊貞石永固仙壇誠懇誠歡勉爲銘曰

元黃未判大道爰昇太乙將兆萬化俱興爲而不恃得而
不矜日用匪測混然常澄無象有象非真是真道旣設教
德乃通神功動幽壤福慧生人聖恩不泯等劫長春皇化
元化真功神功靈光出谷仙花散空殿雲香靄壇星燈紅
天長地久算福無窮江嶺甌閩高仙混塵丹生冥腐杏拯
廬山小志 卷二十一 碑下 三 嬈嬈別館
孤貧遺風碧洞流香紫宸感乎聖德像化咸新溢水城南
詠真天北晃晃真宮巍巍聖德道合昌時靈扶睿國自晉
流唐元功靡測日月輪明人生萬徧山無改遷化有更變
杏擁仙壇香歎寶殿實謂瀛洲飛來嶽面山鎖平原亭臺
秀麗甘露凝松祥雲繞砌天上何殊人閒莫繼化獎元風
百千萬歲唐保大十二年歲次乙卯十一月記

皇清勅封溥福廣濟廬嶽神祠碑文并序 狄尚綱

惟嘉慶二十一年禮部以議覆江西巡撫請

班廬嶽封號疏上

制曰可

封爲溥福廣濟廬嶽之神時尙綱知南康府事實先申請
至是恭承

帝命集屬吏紳士謀新祠宇旣落成而爲文以記之曰盛
矣乎溥福廣濟之號也考祭法山林川谷邱陵能出雲爲
廬山小志 卷二十一 碑下 三 鄉嬛別館
風雨見怪物皆曰神有天下者祭百神孔疏謂有益于人
民者也有益則民受其福而沾其利濟溥之廣之

聖天子爲民祈禱之至意也故祀典隆焉若夫廬之稱嶽
始於伏滔其游叙云廬山者江陽之名嶽厥後徐陵亦有
峯號香鑪依然廬嶽之辭至李端詩弱冠家廬嶽韓愈詩
浚江詣廬嶽則相沿久矣廬旣稱嶽其神宜視五嶽爲次
尊乃唐時立廬山使者廟宋時加號廬山九天采訪使者
爲應元保運真君誕而陋矣明雖建廬嶽祠顧未有封號

今者恭逢

聖天子望于山川懷柔百神而稱名始正禮儀大備知廬
嶽之感格迥越尋常其所以溥福而廣濟者必有以酬夫
德意焉非獨生茲土者之大幸抑官茲土者之大幸也祠
舊在萬壽寺之左久傾廢今循白竹寺故址改建之經始
於二十三年七月落成於次年二月計材且工餼統費銀
五百金皆賴諸屬吏紳士捐輸襄事尙綱爲之議定春秋
祭品及致祭儀文復作歌以侑神其辭曰

廬山小志

卷三十一碑下

志

娜嬛別館

插紫霄兮宮庭銀漢爲幰兮雲錦爲屏芙蓉兮芝草紛陸
離兮羽葆眇香鑪兮朝煙復聖鑿兮夜然中有神人兮髣
髴下降于南斗之邊沂彭蠡兮趨大江客驚心兮多怒瀧
靈風兮倏來上挂颿兮下飛艤旱魃爲虐兮赤地千里訴
于神兮白雲起雲濛濛兮雨紛紛苗勃興兮旱魃死感聖
德兮饗神福我邦兮濟我民民自今兮瞻且拜同五嶽兮
綿億代

嘉慶二十有五年歲次庚辰孟夏月

終

廬山小志卷二十二

德化 蔡瀛 小霞 纂

雜文上 舊志

翟徵君贊

晉 庾 亮

夫所謂至人者體包傑量神凝域表該落萬動元心獨融故能虬驤丹霄而不繼參龍之轡鳳鳴瑤林而不屈伶倫之籠豈必欣太清而樂瓊藹哉顧蹄涔不足以濯神鬚翳蒼不足以翔雲翮是故藐姑有綽約之廬箕阜有高嘯之

廬山小志

卷二十二 雜文上

一 娜嬛別館

宇唐勳表於元庭夏功忘於虛室晉徵士南陽翟君稟逸韻於天陶含冲氣於特秀體認虛而委順恢昭曠而高蹈先生載營抱一泊然獨處神棲颺藹之表形逸巖澤之隅雖束帛仍降輶冕屢招而弓旌屈於匪石帝命慙於虛復矣是以高風振宇宙遠詠冠當時方將表大庭於絕代恢元解以釋紛仰朝霞而晞翼凌扶搖以獨翔景命不延卒於潯陽之南山哲人其萎高軌孰做余欽若人之風常問道於無何之廬賓想元珠主以瞻授沐道霑淳固已實而

歸矣自昔之違於茲七稔何悟先生忽矣升遐感至德之
長泯悼仁風之永翳標爾其傷潛然增欷乃援翰詠跡以
宣來葉其辭曰卓哉先生逸韻遐超蚪盤玉津鳳戢瓊條
滌耳夏鼎高揖唐朝洪崖邈矣元跡載劭淳風沐世飛芳
九霄

廬山碑序

梁簡文帝

夫日月麗天皇穹所以貞觀川嶽帶地后土所以維寧廬
山者亦南國之德鎮雖林石異勢而雲霞共色長風夜作
廬山小志 卷二十二 雜文上 二 鄉媛別館
則萬流俱響晨颺曉吟則百嶺齊應東瞻洪井識曳帛之
在茲西望石梁見指寶之可拾誠復慕類易悲山中難久
攀蘿結桂多見淹留

重結蓮社疏

明文德翼

原夫魚鳥親人爲適其意山水味道須辯以形開士錫來
澗洗苔邊之識諸公玉集岫飛葉上之文望一代英靈領
六朝風雅是以夢回西竺象教已傳影落東林雁門斯在
闡與理合十四性論驚筵深可神棲十八名賢滿座蓮漏

夕隕松梵晨吹如素業之未忘寧容通隱苟色絲之既染
未許雜心爰砌藕池引聰明之流水是成榆社傍蕭散之
數峰電折霜開擬呈無義風清月白欲墮有情巖峻千尋
齊得喪於非我草深一丈任興替兮由人東渡有經公存
司馬南山無史我作董狐野鳥啣花向誰欲藏舊種神龜
巢葉逢爾且問夙因三沐三薰拈香已竟一觴一咏沽酒
何妨共置邱壑之中不遊形骸之外芒屨布襪莫負平生
白石清泉徑於淨土眉攢便去知一室之已墟手招再來
廬山小志 卷二十二 雜文上 三 鄉嬛別館
欲衆山之皆響彌天濼座今日真公

雜文下 增

東林寺舍利塔銘

唐李訥

設位貞觀莫大於乾坤懸象著明孰踰于日月而世閔智
識強推廣大之名繫表機深莫究窈冥之類是以法身利
見無爲之寂風偃化跡分軀不盡之靈雲口竺乾清淨之
教始自他方菩薩慈悲之法聿行中土猶是元關幽鍵委
積龍宮紺髮青眸光暉鴈塔驅八紘于忍域置萬物於仁

寰非般若之蘊乎孰能臻于此也東林寺上方舍利塔者
有宋佛馱跋陀羅禪師之所立也爾其一經地理接化鳥
之南圖一緯天文承斗牛之北次崗巒出沒下積風雲洲
島縈迴旁羅井邑割東林之淨壤揆西域之神模瀑水周
軒鑪峰對雷丹楹翠拱標迴日月之宮寶綴珠龍影出雲
霓之路禪師先持舍利五粒隨身供養於是貯以石函藏
之珍塔屬陳隋代謝陵谷貿遷雖入神之作而有扶助而
必壞之相終從雕朽爰有沙門上座曇傑等柴桑盛緒蘭
廬山小志 卷二十二 雜文下 四 鄉媛別館
菴香名早悟三明深知二諦感禪師無生之業遠酌規模
覩禪師莫泯之蹤願言興葺昔景龍之歲御史清河房光
庭歎其荒毀盡留征橐蘇州司馬王弼紹其成績更脫僑
裝鷺鷥肇于前鵠鴻嗣其後軒疏若舊藻績惟新如鳥之
薨入烟霄而重翥盤龍之桷得風雨而還飛復增舍利一
十有四更以金銀鐵爲棺槨同寶聚之爭分似珠囊之交
映遊區果者覺地位之超昇覩光華者喜身心之快樂非
聖圖之冥感何公緒之速成耶跋陀羅禪師者迦維羅衛

國人漢言賢甘露梵王之苗裔少孤爲外氏所養從祖鳩
摩羅刹聞其聰異乃迎還度之年十七與同學業習衆皆
一月賢一日覽焉其師曰賢一夫敵三十人也及受其戒
國以禪律宗之禪師自西洎東數見神變允謂知變化之
道者其知神之所爲乎至長安常與鳩摩羅什剖析幽旨
什每屈焉秦主姚興大弛末法禪師退藏於密猶嬰謗議
乃拂衣東顧杖錫南騫益修無住之業卽事遊方之化因
指廬岳而慧遠法師在焉遠公以禪師名稱特高義諦攸
廬山小志 卷二十二 雜文下 五 嬋媛列傳
出慶珠鄰之會面得營道之同心乃招入香庭中分蘭若
規于塔後芟草而禪亦居不求安也宋武帝深加禮敬固
請還都止道場寺先是沙門於于闐得華嚴前分三萬六
千偈未有宣譯至是屈禪師會通華戎錯綜文義故道場
寺至今有華嚴堂焉皇帝自躍至飛笈中興之命先郊後
岳修太平之舉步自開元今龍集攝提格七月丁丑朔二
十八日甲辰凡一紀而有二載矣若夫鼓天下之動者存
乎文辭傳不朽之跡者存乎事業此寺營建六代于茲求

其刊勒兩碑而已遠法師高談色相欲求寂滅之源謝康樂初入妙微不書立言之意訥才非半古命不偶時項自庫部郎中出爲此州刺史剖符淹歲奉計臨歧傑師以琬玉圖文俯詢巴曲下走以蘭荃有興因奏楚辭駐楫抽毫乃爲銘曰

大道旣隱兮世運陵遲法雄利見兮光啟導師曲阜以夜明爲初日休屠以天際爲末時七覺來晚三明樂推詮其不住之法唱以無緣之慈爰有上人挺生迦衛信美東土

廬山小志

卷二十二

雜文下

六

嬋嬛別館

我違西裔遇澄什于關中披林遠于江滙密句不可以無說奉宣譯于瑤緘神物不可以終否寶光暉於銑函建神模于峇峇聳層臺于漸岳物壯期於必朽色空在于無滅其增舊也見白黑之彌綸其取新也有丹青之秀發惟精惟微兮等般若而無竭

宋廬山簡寂陸先生傳

唐李渤

先生吳興懿族陸氏之子諱修靜道降元氣生而異俗其色怡怡其德熙熙明以啟著虛以貫幽少宗儒比墳索識

緯靡不總該以爲先天撫化混一精氣與真宰爲徒者載
在金編玉字不形于此遂收跡寰中冥搜潛衡熊湘暨九
疑羅浮西至巫峽峩峩如雪映松風麗乎山而映乎水功
成扣元感神投靈訣適然自得通交於仙真之閑矣宋元
嘉末因市藥京邑文帝味其風而邀之先生不顧及太初
難作人心駭疑遂沂江南遊嗜匡阜之勝槩爰構精廬澡
雪風波之思沐浴浩氣挹漱元精宋明皇帝襲軒皇淳風
欲稽古化俗虛誠致禮至于再三先生固稱幽憂之疾曾
廬山小志 卷二十二 雜文下 七 鄉媛別館
莫降眇天子乃退齋築館恭肅以遲之不得已而莅焉於
是順風問道妙沃帝心朝野識真之夫若水奔壑如風應
虎其誰能禦之先生撥霧開日汰沙引金指方以倒之中
人以上皆自盈其分司徒袁粲之流是也旣立崇虛館爰
氏所寶經訣並歸于我焉初先離山有熊虎猿鳥之屬悲
鳴擁路出谷而止及天子不豫請事塗炭之齋是夜卿雲
紛郁翌日乃瘳先時洞真之部真僞混淆先生刊而正之
涇渭乃判故齋戒儀範至于今典式焉桂楊王構逆暴白

骨遍野先生具棺櫬收而瘞之其陰德密運則無得而稱也迨元徽五年春正月謂門人曰吾得還山可整裝衆感訝詔旨未從而有所說至三月二日乃偃臥解帶膚理輝爍目瞳映朗但聞異香芬馥滿室而已後三日廬山諸徒共見先生霓旌靄然還止舊宇斯須不知所在相與驚而異之顧命盛以布囊投所在崖谷門人不忍遂奉還廬山時春秋七十二所謂鍊形幽壤騰景太微者矣有詔諡曰簡寂先生以故居爲簡寂館宗有道也凡撰記論議百有廬山小志

卷二十二

雜文下

八 嬭嬭別館

餘篇並行於代門徒得道者孫遊嶽李果之最著稱首後孔德璋與果之書論先生云先生道冠中都化流東國帝王稟其規人靈宗其法而委世潛化遊影上元微言旣絕大法將謝法師稟神定之資居入室之品學悟之美門徒所歸宜其整緝遺蹤提綱振紀光先師之會化纂妙道之遺風可以導引末俗開曉後途者矣

正大姑小姑山神像

唐陳致雍

淮祠部牒據彭澤鎮申大姑小姑乞改神儀者大孤山釋

山云獨山曰蜀蜀孤也今下民訛言穿鑿浮僞作爲淫祠
何所尚哉必也正名於義安取且山川之神博施於民有
功則祀之其或名山大川能興雲雨水旱雩禱於斯不替
其可廢哉彭澤鎮所申改正甚爲允當中所安排神儀部
伍典式不載但依常式去婦人位立山神廟貌

西林寺水閣院經藏銘

唐釋雲真

佛卽三界經在上塵一塵經卷三界佛身悟則無上剖則
正真不垢不淨無我無人般若觀空區和涉有爲象王迴
廬山小志

卷二十二

雜文下

九

鄉媛別館

類獅子吼八藏流通三葉傳授詮以真心生從佛口峩峩
廬阜鬱鬱西林惠永遁蹟齊朗修心水擊清響松偃繁陰
香燈熠燿臺殿嶽岑懿哉定公建斯經藏字麤軸偉表契
函壯覲齒之僧龐眉之相披閱研精實爲現量定公薨
疇薦重泉怡怡情切綽綽心專架樹紺殿成就元詮惟
縣公畢此良緣日映綺窗雲凝繡闥棗稅穹隆藥櫨
勝果克臻福田彌濶用薦貞魂永歸解脫

湯思退罷相投觀文殿大學士提領江州太平

興國

宮制 宋隆興朝洪适藁

冢宰佐王治國意實注於安危大臣以道事君時具瞻于
進退矐維雅望久翼繁機旣殫上印之誠宜厚秉鈞之禮
茲推渥典用賁歸途鼎秘殿之崇資食珍臺之優祿式篤
股肱之誼以全體貌之恩於戲明哲以保其身靡失青氈
之舊喜愠不形於色可娛綠野之游無起遐心斯能終譽

廬山書目

廬山集

晉釋慧遠撰 凡十卷

廬山東林後集

唐刑部尚書白居易香山著 凡二十卷

廬山禪居記

唐評事楊浚撰

廬山僧傳

梁別駕張孝秀集

廬山記

宋員外郎嘉禾陳聖俞撰 凡五卷

續廬山記

宋知南康軍廣陵馬玕錄山中碑記以

補陳記之闕 凡四卷

廬山小志

卷二十三 書目

一 娜嬛別館

廬山拾遺

宋知南康軍朱端章著 凡二十卷

廬山紀遊

宋開封孫惟信花翁撰

續廬山記

宋尚書建昌李公擇著

廬山文物列傳

宋隆興進士戴師愈著 凡十三卷

廬山雜著

宋知南康軍錢聞詩撰

廬山記

宋廬山釋法琳撰 一卷

續廬山記

宋李常撰 一卷

廬阜人物藝文

元黎則景高著 凡二卷

廬山外史集 元九江于立彥成撰

廬山文紀詩紀 明孝廉星子但宗舉選

廬山小集 明德化柳邦傑匡廬撰

匡山集 明永新吳孟勤撰

匡廬圖考 明左布政德化萬衣撰

廬遊詩記 明少參德化黃堯彩撰

廬山志 口李澄鏡月撰

廬山雜記 口張密撰

廬山小志 卷二十三 書目

廬山事迹 口口口口

廬山記拾遺 口卜無咎著

廬山遊覽集 口姜瓊撰 凡二十卷

廬山集 宋董嗣杲著 凡五卷

廬山紀事 明嘉靖辛酉侍御揚州桑喬子木著

續廬山紀事 國朝孝廉會稽范初祖生撰

廬山通志 國朝萬松庵僧定暲聞極著

廬山續志 國朝康熙戊申提學順天吳煒榮叟著

廬山志

國朝康熙己亥屋子合浙江毛德琦心

齋訂 凡十五卷

廬山古蹟詩選

國朝徐鶴齡吳敬之訂

廬山小志

卷二十三 書目

三

嫗嬛別館

廬山小志卷二十三

德化 蔡瀛 小霞 纂

雜記上 舊志

翟湯

翟湯字道深晉時潯陽人篤行純素永嘉末寇害聞名不敢犯隱廬山以國子博士散騎常侍徵不就子莊孫矯並有高操矯子法賜居廬頂石室親喪後不復還家辟五穀以獸皮及結草為衣因徵聘遂遠遁

廬山小志

卷二十三 雜記上

一 鄉媛別館

胡份

胡份唐時隱廬山苦吟工詩其咏桑落洲詩云莫問桑田事今看桑落洲數家新任處昔日大江流古岸崩欲盡平沙長未休想應百年後人世更悠悠與李騰友善騰廉問江西弓旌不至

史虛白

史虛白字畏名隱廬山南唐元宗召至便殿醉溺殿上佯為踈野狀賜田遣歸常與殿撰伍喬善喬寄詩云白雲峰

下古溪頭曾與提壺爛熳遊
閣共看彭蠡水圍爐相憶
杜陵秋碁元不厭通高品
句妙多容隔歲酬別後相思時
一望暮山空碧水空流

李潛

李潛宋時隱廬山常撰乙卯記記太和中事

蘇庠

宋蘇庠字養直卜築廬山琴書自娛嘗以屬玉雙飛水滸塘詞見賞于東坡年八十遇羅浮黃真人與丹一粒服之廬山小志 卷二十三 雜記上 二 鄉媛別館 髮半再黑舊失一目亦復瞭卒之日張宴達旦忽披衣起曰黃真人至矣遽出門去家人逐之已立化

唐汝舟

宋時臨川進士棄官與妻張氏隱廬山衣不加紉浣莫測所以度寒暑也錢幣無所挈持莫測所以應緩急也年九十上下山險甚駛後不知所終

陳昂

陳昂明隆萬閒避倭難愛匡廬旅于琵琶亭側詩咏匡廬

者數十章竟陵鍾惺刻有白雲先生集

王長趙昇

廬山乃六十九福地王長趙昇二真人所理也

度索君

度索君著白布單衣冠高冠似魚頭常謂南海君曰昔廬山共食白李未久已三千年矣

方輔

周武王時方輔與李老聃跨白驢入山煉丹得道仙去惟

廬山小志

卷二十一 雜記上

三 嫗媛別館

廬存故名廬山又因匡繆廬此名匡山亦名匡廬

張璟

唐乾寧中書生張璟至衡州大隄灘廟神延坐璟爲之草奏神喜以白金餅爲贈

熊得融

熊得融唐人初于九疑山遇異人得道後隱廬山咸通二年坐逝

薛肇

薛肇宋時人與崔字讀書廬山字擢第授東畿尉經三鄉驛逢肇由小徑引入三里許殿閣森沈薛先入有數十人擁接升殿乃召崔開筵女樂四十餘輩見一女彈箜篌上有天際識歸舟雲中辨江樹十字薛問所悅以彈箜篌者對薛曰他日與君後崔妻柳氏女似曾識及理筵篋曲見十字詩問其故云昔夢一使言西城大仙陳溪薛君有客五百里內解音聲處女四十餘人盡隨去方知薛君已仙

老嫗

廬山小志

卷二十三

雜記上

四

鄉媛別館

明天順閒有老嫗年八十餘常搜祭餘餉虎獸人畏惡之輒送去已而復來

景超

景超僧禮華嚴法華身出舍利無算

慧景

梁僧慧景卒之晨山峰松樹并雨甘露因名甘露峰

智光

僧智光隋開皇召入京仁壽剗塔召送循州途中舍利放

光高丈餘過番州寄居寺內是夜銅鐘自鳴食時方止達
循州天降甘露後還廬阜

祖可

唐僧祖可蘇養直之弟詩多佳句如懷人更作夢千里歸
路欲迷雲一灘窗閒一榻篆煙碧門外四山秋葉紅皆清
新

神湊

僧神湊唐大歷八年制懸經論得三科策試天下出家者
廬山小志 卷二十三 雜記上 五 嫻媛別館
中等第方度湊應是選詔配九江興果精舍後居東林佛
手巖

法藏

唐僧法藏居五老峰有二仙乘雲而來日與談道

道信大師

道信大師唐武德中登廬山絕頂望破 山紫雲如蓋下
有白氣橫分六道弟子宏忍曰莫是和尙化後橫出一枝
佛法否後宏忍果得法嗣信化破頭山是爲黃梅四祖

僧慧圓

宋僧慧圓貌陋朋輩皆侮之一日足顛仆地開悟作偈題壁曰這一交這一交萬兩黃金也合消頭上笠腰下包清風明月杖頭挑即日離東林不知所往

卯齋和尚

卯齋和尚宋時人行則一虎隨身夜則共禪于巖巢寇叛逆師已前知遍告鄉里遠遁之

僧無學

廬山小志

卷二十三

雜記上

六

嫗嫗別館

明僧無學九江陳文初也人棄諸江忽放寶光水湧起遂成一洲

海紅

海紅卽山茶先春而開有紅白二種其最佳者寶珠也劉士亨詩小院猶寒未暖時海紅花發晝遲遲古詩云淺爲玉茗深都勝大日山茶小海紅

麝囊花

麝囊花類丁香性忌麝觸色紫號紫風流南唐後主取植

移風殿名曰蓬萊紫 國朝吳省欽詩移得麝囊花似錦
風流偏號紫蓬萊

麈尾松

麈尾松卽佛手松多生石門澗

萬年松

萬年松多生陰澗中以砂栽之乾不死

千歲竹

千歲竹盛以竹器培以砂石懸之檐前卽暢茂夏三月著

廬山小志

卷二十三 雜記上

七

鄉媛別館

花壅土卽枯

甜苦竹

簡寂觀陸修靜所植苦竹其笋反甜與歸宗寺造鹹齏而
味反淡并稱廬山佳味有句云簡寂觀中甜苦竹歸宗寺
裏淡鹹齏

芝

芝有石芝木芝草芝肉芝菌芝赤者如珊瑚白者如截肪
黑者如澤漆青者如翠羽黃者如紫金光明洞徹皆如堅

冰有百二十種陰乾百日色不變者真芝也石芝尤神靈
松脂三十年者其皮中聚芝狀如龍名飛節芝宋祥符六
年廬山崇聖院生芝九本知江州王文震以獻明宏治元
年芝草生有一本十餘莖者白鹿洞產芝七十餘本是年
十三郡士業洞者薦四十餘人

雲霧茶

雲霧茶山僧多種巖壁閒更有鳥雀啣子墜生林谷名閒
林茶色白香清穀雨時采之最良廖雨詩金芽碧玉可憐
廬山小志 卷二十三 雜記上 八 鄉媛別館
生又云雲根凍護香一絲

龍鬚草

龍鬚草長二三尺莖細無節多生石門澗

如意草

如意草服之能餐松栢

金燈籠

金燈籠卽山茨菰六葉一花多生陰澗中

金線重樓

金線重樓卽蚤休一莖挺生葉作二三層花色黃紫上有
金線下垂一名紫河車

堯薤

堯薤卽菖蒲相傳堯時天降精爲薤感百陰而生

胡麻

胡麻有二種葉青花黃圓莖者爲胡麻八稜而莖方色純
黑者爲巨勝寶元經云茯苓治少胡麻治老合以齋戒還
精補腦此仙方也先服此以去病後收日華以充之

廬山小志

卷二十三 雜記上

九 鄉媛別館

黃精

黃精根葉花實皆可食三月生苗高一二尺葉似竹而短
不尖兩兩相對莖梗柔脆似桃枝本黃末赤四月開青白
花狀如小豆花結子可種白如黍粒久服輕身延年

宮亭湖釵戟

昇明三年左蠡村人于宮亭湖得釵戟二枝傍有古字不
可辨

廬山道士

齊建元初延陵季子廟井中得木簡長尺廣二寸有字隱起曰廬山道士張陵拜謁木堅白字黃

飛雲履

白樂天常煉丹於廬山草堂作飛雲履以元綾爲質剪素絹爲雲四面緣飾之染以四選香每振履飄飄如雲霧嘗着之以示山中道侶曰吾足下雲生不久且登朱府矣

廬山五詠

廬山勝蹟最夥蘇東坡獨有五詠今其地惟聖燈巖可考廬山小志卷二十三雜記上十 鄉嬛別館所謂三泉飲酒臺障日峰皆不知處至盧敖洞秦時未詳其名惟始皇本紀盧生說始皇願上居深宮毋令人知然後不死之藥可得已侯生盧生相與謀亡去蘇詩王註盧生卽盧敖也

廬山君鼠

蠡湖有物大如水牛到宣城下郭璞卜曰是廬山君鼠也

瀑布詩

唐徐凝廬山瀑布詩瀑布瀑布千丈直雷奔入海不暫息

今古長如白練飛一條界破青山色東坡見之戲題云帝
遣銀河一派垂古來惟有謫仙詞飛流濺沫知多少不爲
徐凝洗惡詩東坡以徐詩爲惡然大白銀河句亦未免凡
近

雜記下增

敷淺原

敷淺原廬山也原古源字廬山瀑最多其為敷淺原乎通雅

廬山為籩豆

九江山水國也天以之賜詩人故賜之大江為之旨酒兕觥賜之廬山為之籩豆大房賜之庾樓風月陶逕松菊為之毛庖裁羹楊誠齋集

謝家園

廬山小志 卷二十三 雜記下 三 嫺嬛別館

淳熙中德化謝生母病思生柑時方炎夏遍覓不得乃夜赴園拜樹膝為穿裂詰旦已結丹實數顆奉母食之疾遂瘳至今傳為謝家園

賢女浦

祥符中南康劉氏女夫死誓不再醮為父兄迫沉於江鄉人哀之名其地為賢女浦汪信民紀以詩云賢女標名幾度秋行人撫事至今愁湘絃楚雨知何處月冷風悲江自流能改齋漫錄

張羽

明潯陽張來儀羽著有靜居集與高季迪楊睂庵徐幼文齊名吳人張習謂國初以高楊張徐比唐之四傑列朝詩小傳

周瑜帥府

潯陽鎮署相傳爲周瑜帥府乾隆閒壬午亭集鎮九江戎政清肅暇則拈筆論詩嘗有句云身任周郎養病宮舳艫無待借東風承平老將消閒久盡付扳鞍一笑中又云衙廬山小志

卷二十三 雜記下

三 嫿嬛別館

齋恰對廬山麓日與匡君論性情

瑞香花

廬山瑞香花宋天聖中人始稱傳訥禪師云山中瑞采一朝出天下名香獨見知張詞部以瑞爲睡其詩云曾向廬山睡裏聞香風占斷世閒春窺花莫撲枝頭蝶驚覺南窓午夢人

監懲錄

陳友諒舊都

九江衛廳在兵巡道署之西僞漢陳友諒之舊都址也嘗

于鄰居得僞漢上梁文首云乾坤遶漢宮獻符璽圖書之
瑞日月光天德立國家柱石之基末云廬山高幾千仞綱
紀四方天子壽億萬年本支百世徐頑卿翦勝野聞

噉肉先生

九天使者廟有羽士體貌魁岸飲酒噉肉晚餌丹砂躁于
冲舉魏王鎮潯陽時郡齋有雙鶴因風飄于道館廻翔嘹
唳羽士謂赴上天召控而乘之鶴不勝載毛傷背折血灑
庭除是夕皆斃處士陳沆諷之曰噉肉先生欲上昇黃雲
廬山小志 卷二十三 雜記下 西 鄉媛別館
踏破紫雲崩龍腰鶴臂無多力傳與麻姑借大鵬最嬉集

娑羅杖

劉宋時釋慧安止廬山凌雲寺學徒雲集嘗捉一杖云是
西域僧所施杖光炯澈有香氣上有梵書人莫能識羅什
見之大驚曰此杖乃在此閒耶因譯其字云本生天竺娑
羅林南方喪亂草木興後得羅什道教隆安後以杖覲外
國僧波沙邾邾賈還西域

鞞鞞墩

江州女馮小娘善鞦韆其墓處因名鞦韆墩 國朝明經
文行遠詩云縹緲魂歸夜月中羅裙香惹百花叢淒淒院
落看何在剩有鴟啼訴曉風

廬山三宮

廬山有三宮上宮居巖表人不能及次宮隔一谷有界城
悉是平石兩邊有小圓峰呼爲左右帳立羣石如駝馬之
形下宮在彭蠡湖際其山有紫芝田四十畝常有二仙童
採芝人若逐之寂無所見 寰宇記

廬山小志

卷二十三

雜記下

五

嫿媛別館

李白

杜少陵懷李十二匡山讀書處之句當以匡廬之解爲正
太白文集

李謫仙詩中龍也矯矯焉不受約束杜則麟遊靈囿鳳鳴
朝陽自是人間瑞物 藝圃折中

明宗臣過采石磯有懷太白詩十首其末云西望匡廬接
九華當年醉色傲煙霞可憐一片寒江月猶爲千峰護落
花

僧正德

僧正德信州徐姓棄官居廬山南疊石庵服漆辟穀登山臨水橫笛自娛兩手僅四指粗可執筆其松石人物學龍眠興至頃刻而就 歷代畫斷

陳景元

陳景元自稱碧虛子南城縣人初師高郵韓知止繼遇張無夢授秘術著書千卷游京師宋神宗賜遷副道錄後歸廬山行李百擔皆經史所役二奴一曰黃精一曰枸杞馴廬山小志 卷二十三 雜記下 六 嬈嬛別館 而不狡真有道之役也 宣和書譜

劉越洞詩

黃給諫雲思明季隱居龍蕩崖口距劉越洞天不遠其人日遊洞詩云墻東十載空峻岫此日兒曹屐齒新老學猿猱攀絕景瘦依蘿薜坐離塵白雲過壁窺生客丹竈餘灰待隱淪下界縷金真聚蟻會須長嘯洞桃春

書鼎金鼎

王羲之於九江作書鼎高五尺四面周匝刻隸書沈於水

中後梁武帝鑄一金鼎命蕭子文寫老子五千文亦沈九
江中鼎錄

柴桑竹

柴桑縣迸竹有來奉天子字蔣琬符瑞記

雲藍紙

段成式與溫庭筠雲藍紙詩序曰予在九江出意造雲藍
紙輒分送五十枚其詩曰三十六鱗充使時數番獨得表
相思蓋龍八十一鱗鯉三十六鱗也至宋景文詩云君軒

廬山小志卷二十三 雜記下 七 柳媛別館

結戀蕭蕭馬尺素愁憑六六魚又使六六三十六也彥周詩話

石墨

廬山石墨可以畫眉躡醢

寶盃泉

江州有寶盃泉徐陵文云泉流寶盃遙憶湓城是也躡醢

青雲驕

江州蔡孝廉諱廷輔公巡邊嘗著邊庭草塞外雜錄道中

遇一駿馬人莫能馭惟公隨父都督公勲平吳寇及自治
陝肅階文諸軍事磬控罔弗如意一日公卒馬聞之兩足
豎立淚下如雨未幾顛仆輾轉以首觸牆死時康熙戊子
十一月二日

秦中瑣事

義卒行

閔鶴湖標家鶴問湖上耽吟咏有義卒行一首序云江州
陳天桂代兄從軍余高其義作義卒行以紀其事時嘉慶
元年五月詩當陽烽火連天起羽書日飛八百里都護新
廬山小志

卷二十三

雜記下

支

鄉媛別館

添十萬兵豫章撥派三千矣三千軍冊有兄名軍中號合
點行兵長跪軍門求更換阿兄有婦未新婚父老母病無
依靠有兄有嫂得相親此身鞠育恩難報願赴戎機替兄
征官長憐孝友歸來告父母兒願代兄勞一家常聚首兄
長聞言淚如雨吾弟那知行役苦感君義氣念同胞何忍
見弟赴行伍義弟語兄勿復疑父母門戶兄主持斲時離
別歸有日天倫樂事兩心知拜我先人墓束我遊子裝挽
我鉄石弓整我紫絲韁雕翎壺中插寶刀鞘內藏晨興堂

上別慈幃睜睜暗淚腸中垂父母與兄走相送語言雖好
顏色悽愛我出征不便哭囑我平安急早歸今日出門同
一愁明日夫涯兩地悲山遙水遠望不極秋風秋雨淒淒
淒收淚就道氣慨慷行鞭不惜馬蹄忙金策有封三等爵
鐵衣不憚五更霜之子滿腔存大義至情一片格穹蒼早
立功勲歸故里名垂史冊被休光

孝子歌

嘉慶間里民陳登萬本姓余家貧負販事母孝上甲彭秀

廬山小志

卷二十三

雜記下

九

鄉媛別館

才家忤贈以孝子歌云販桃李登橘柚提筐每日街前走
庭無賓室無婦朝市豚魚暮沽酒晨饑夕膳供吾母或憐
孝子貧餉以膾與腥孝子對之不能吞小人有母未嘗羹
乃因其子遺其親孝子食之始欣欣母也有疾憂心殷殷
母也有怒怡色柔聲母心不懌神不寧憫其勞者渾未解
譽其孝者若罔聞嗚呼至性斯爲真鳳巢阿麟在藪蓮兩
花麥雙秀從來奇瑞史頻書未若庸行真不朽吁嗟乎聽
其言也愍觀其貌也陋誰知天爵自高超斯人宛占匡廬

秀至道常存宇宙間茫茫四顧徒搔首

月琴塚

僞漢陳友諒愛姬守茗華死葬石耳峰侯溪橋側生前善
月琴因樹石月琴以表其墓 國朝陳秀才世慶詩云遺
垢誰解弔傾城小字茗華亦有情祇恐空山明月夜石琴
猶作斷腸聲

煙水亭僧房壁間詩

嘉慶間煙水亭僧石舟善墨蘭其徒雪松善梅龍城柯明

廬山小志

卷二十三

雜記下

三

鄉媛別館

經翹贈以長歌有句云石舟平生好奇古作蘭不襲前人
譜別有心得在筆先葉葉花花神如許法嗣雪松能紹業
皈依久叅三昧訣寫梅能傳姑射仙人姿天矯鬱蒼筆屈

賦

九十九峰

廬山株嶺一帶大小峰巒九十有九 國朝萬廷芮詩云
九十九峰何崔巍九江九水天下奇查慎行東林寺題壁
云我欲向西添小閣盡邀九十九峰來

忠烈祠

康熙間江州周岱生宰廣西平南偕子儒殉節贈按僉事
祠額忠烈會元金德嘉祭云嗚呼慷慨一朝綱常萬古野
曠天清風淒月苦嗚呼哀哉魂飛河嶽骨委泥沙成仁取
義國爾忘家臣忠子孝婦節夫良靈依社稷血濺金湯

按嘉慶七年

勅祀

本朝各兵將岱生父子復

與劉別駕鎮寶姜少府文炳汪郡丞銓暨九江協標化
邑蔡昆羅昭李榮元張順蕭陞王光茂柳斌吳宗舜項
茂崔宏遠楊啟發羅秀鄭朝盧青邵士懷徐正國丁達
陶文尋鳳龔連發傅善海隋國周茂黃登榜熊
奇湖口段凱宛先春查玉麟等同祀昭忠祠

廬山小志

卷二十三

雜記下

三

鄉媛別館

木蘭洲

吳王闔閭植木蘭樹于潯陽江中用構宮殿後有魯班取
刻為舟詩家木蘭舟本此 躐醢

馬穴

廬山有馬穴時出馬數百匹吳陸遜曾得數十匹 襄陽記

五尺刀百歲錢

齊世祖治溢城得五尺刀十一口應永明年歷之數又得

一大錢文曰太平百歲 祥瑞志

廬山小志卷二十四

德化 蔡瀛 小霞 纂

神異上 舊志

楊牧遇仙

唐楊牧讀書廬山有道者曰子貌可仙如仕卽至宰相能捨所事從吾游乎牧謝不能道者遂不見

鹿裘道者

鄂州劉德本避亂廬山有鹿裘道者引至五老峰下深澗

廬山小志

卷二十四 神異上

一 嫿嬛別館

中見一老人扶策邀入大石洞澗中風日和煦花樹芳蔚
質異人境行二三百里有大宮殿金碧煥爛呵衛整肅榜曰
紫元景曜之門老人曰此九天使者所治也德本欲見使
者老人不可因出門逡巡失老人及道者所在

黃損

五代時黃損有大志嘗與桑維翰朱齊邱登廬山有道者
見之謂損曰子貌可仙若仕不過一州從事耳損怒罵之
道者遂不見後果驗

廟神作人語

欒巴守豫章廬山廟有神能於帳中與人語飲酒則自空中投杯又能分風送舟祈者甚衆巴至卽失所在乃遯至齊郡變爲美少書生縱談五經齊郡太守妻以女巴往捕之書生匿不肯出巴就坐作符符栩栩自行空中至書生所書生向婦人泣曰死矣奈何遂自執符詣巴巴叱曰老魅胡不復汝形書生應聲變爲狸叩頭求活巴勅神兵殺之太守女生一子亦化爲狸並殺之

廬山小志

卷二十四 神異上

二 嬖嬖別館

蛇村

吳末西域僧安世高過宮亭廟神忽人語言其前世爲僧以瞋恚故積業墮異類今且死求高立法營塔覓得善生高求見其形忽自座後出其首蓋大蟒也首與高膝齊高撫其首爲梵語讚唄數四蟒悲泣如雨遂隱去後死柴桑縣山谷中長數里因名其地曰蛇村

改蛇山爲吳山

邳亭湖上晉時江中有蛟害許旌陽真君斬之小蛟逸去

後頗害舟行宋大中祥符三年內侍趙履信奉使過滄湖有龍長十餘丈自空而下須臾暴雨因焚香祝之翌日乘雲而上又有木筏過湖忽有巨蟒登筏遂沉俗言卽廟神也遂詔官吏祭蛟又改蛇山名吳山立廟山側卽其穴六年十月上作戒蛟文遣中使齋往刻石仍致祭自是復有靈應

十丈夫叩頭祈哀

潯陽太守宗淵有龜十頭命庖丁曰以二頭爲臠其夜夢廬山小志 卷二十四 神異上 三 婦孺別館 十丈夫烏衣袴褶反縛叩頭祈哀翌日臠二龜其夜又夢八丈夫祈哀乃以其八放之廬山

毛人

桓宣穆使人尋廬山方下嶺見一毛人長大體悉毛

廬山君談春秋

顧劭爲豫章守毀諸淫祠至廬山廟夜有人來前狀若方相曰廬山君也劭邀之入與談春秋燈盡燒左傳以續之山君欲凌劭劭神氣湛然君反和遜求復其廟劭笑而不

答君怒曰三年內汝必衰當此時相報及期劭果病咸勸復廟終不聽遂卒

彩蝶化二女

劉子卿居廬山有五采雙蝶來遊花上大如燕後化二女來合歡

剖鯉得書刀

昔有估客下都過大孤山廟見二女謂至都爲買兩綳絲履客意其神至都市履並書刀盛以小筩還廟薦履忘取廬山小志

卷二十四 神異上

四 鄉媛別館

書刀舟方帆忽一鯉躍入剖之得書與刀

廬山神僊詩

晉太元十一年山南有採樵者見一沙門獨在巖中俄頃振裳飛錫乘雲直上窮目蒼蒼翳然滅跡時湛方生因作廬山神僊詩云吸風元圃飲露丹霄室宅五嶽賓友松喬

神異下增

廬山伯後身

胡某嘗於任城客邸遇一道流拉上太白樓曰聊與君飲遂袖出一盤如赤玉徑八寸許光瑩可愛又出二杯則琥珀也未幾以盤向空曰取無魂饌來忽見鹿脯滿盤杯中紅香撲鼻道人曰明月在酒清風滿襟不有歌舞多負佳客因向南招之頃之有白鶴一雙相對鳴舞胡不覺五體投地曰凡夫不知聖賢願知此身昔所從來今何抵止幸廬山小志

卷二十四 神異下

五 鄉媛別館

一爲指示道人曰人有星宿降謫身有菩薩出世身有真仙再來身有山川孕靈身有鬼神託現身汝是匡廬山伯來所從來止所從止後當驗

東越胡應麟甲乙剡言

老翁化鴨

晉周昉性膽果決宿宮亭廟晨見白頭老翁遂擒之化爲雄鴨還船欲烹因飛去後竟無他

述異記

黃苗體生毛爪

宋元嘉中平固人黃苗爲州吏受假違期經宮亭廟願希

免罰還家當上猪酒苗至州如志資裝既薄還遂不過廟
夜泊都界船忽自下疾至官亭有三人並烏衣縛至廟階
梁懸一珠大如彈光輝照屋見神年可四十面黃白披錦
袍遣吏送苗山林中鎖腰繫樹日以牛肉食之忽覺寒熱
身瘡體生斑毛爪牙性欲搏噬五年送廟遣以鹽飯飲之
體毛稍落經十五日還人形意慮復常送入大路驛爲戟
傷瘢尙在還家八年死

九江真人

廬山小志

卷二十四 神異下

六 嫗孃別館

宋元豐閒於立禮舟至落星寺舟設立禮爲人導至一官
府有牌曰三江都水使者九江真人稽立禮算未終令速
送出門詢吏曰九江真人誰也曰大丞相劉沆 錦繡萬花
谷

茅安道化鳶攫雙鼠

廬山道人唐茅安道曾授二弟子以隱形洞視之術二子
歸安道曰爾去不得行其術苟違吾教臨事不驗時韓晉
公滉在潤州深嫉此輩二子往謁韓命吏卒縛之二子乃

行其術果無驗韓將併詰其源而安道已至二子叩頭求
哀安道就公視水飲喫二子當時化爲雙黑鼠亂走庭前
安道忽變巨鳶每足攬一鼠冲飛而去

集異記

廬君敬義還二女

張璞爲吳郡太守道由廬山子女觀於祠室婢指像戲曰
以此配汝其夜璞妻夢廬君致聘懼催速發中流舟不得
行合船震恐或曰投女則船進妻以璞亡兄孤女代之璞
怒曰吾何面目於當世也乃復投已女將渡遙見二女在
廬山小志

卷二十四 神異下

七 鄉媛別館

下有吏立於岸側曰吾廬君主簿也廬君敬君之義故悉
還二女

搜神記

麗女持咒續前媼

李元平者睦州刺史伯成子大歷五年讀書東陽精舍有
女服紅羅裙襦來論宿事云已大人昔任江州刺史君前
生是江州門夫我與私交纔百日君患霍亂沒我不敢哭
哀倍常情素持千手千眼菩薩咒所願後身各生貴家重
爲婚姻以朱筆塗君左股爲志元平自視如其言因留宿

情契既洽欲曙忽謂元平日託生時至不得久留意甚悵
恨言訖悲涕云後身父今爲縣令及我年十六當得方伯
此時方合爲婚媼言訖訣去

廣異記

白魚言災祥

顧保宗釣魚江中夏夜忽有一人鬚髮皓然揖保宗保宗
問翁何至何往答曰來自江州復歸江夏我實非人以君
閒退故相語保宗曰野人漁釣何閒退之有答曰世方兵
亂閒退何辭保宗問兵歲月翁曰後年易號復一歲桓元
廬山小志

卷二十四 神異下

八 鄒巖別館

盜國未幾爲卯金所敗不及二十稔當見大命變草保宗
請翁嘗食食訖謂保宗曰今夕奉使向前江百里之中徧
我獨異來日平旦願觀之及曉江中水風漸急魚皆出浪
觀者相傳首尾百餘里中有大白魚長百餘丈驤首四望
移時乃沒是歲隆安五年六月十六日也後二歲改隆安
七年爲元興元興二年桓元果篡位三年劉裕滅桓元復
晉安帝位後十七年劉裕受晉禪一如魚之所言

九江記

頂上生角化鯉魚

晉末江州人年百餘歲頂上生角後入舍前江中化爲鯉魚角尚存首自後時時暫還容狀如平生與子孫飲數日輒去

廣五行記

柳萇

梁承聖初司徒主簿柳萇卒葬於九江三年因雨壞塚子褒移葬易棺萇開目曰九江神知我橫死遣地神以土乳飼我故不死扶出更生三十年

德化縣志

木偶人自言

廬山小志

卷二十四 神異下

九

嫗媛別館

武德初曹惠爲江州叅軍官舍佛堂有二木偶人長尺餘雕飾巧妙丹青剝落惠因持與稚兒後稚兒方食餅木偶引手請之兒驚報惠惠曰取木偶來卽自言曰輕素自有名何呼木偶於是轉盼馳走無異於人惠問汝何時物輕素與輕紅曰是宣城太守謝家備當時沈隱侯家老蒼頭孝忠所造時素墻中方持湯與樂夫人濯足聞外有持兵稱勅聲夫人畏懼跣足化爲白蝶少頃二賊執炬至盡掠財物見輕紅等曰二明器不惡可與小兒戲遂持出時太

平二年也惠曰曾聞謝康樂婚王敬則女爾何遽云樂夫
人素曰王乃生妻樂乃冥婚耳王性粗率冥中猶與宣城
不睦宣城啟於大帝許逐之二女一男悉隨母歸遂再娶
樂彥輔第八女美資質善書好彈琴宣城現爲南曹典銓
郎與潘黃門同列乘肥衣輕貴生前百倍又言曰廬山神
欲取輕素爲舞姬君能終恩請命畫工便賜粉黛惠卽令
工搗錦繡後有人禱廬山神巫言神君新納二妾要翠釵
花簪汝宜求之當降大福禱者求而焚之遂如願焉

元怪

廬山小志

卷二十四 神異下

十 嬋嬋別館

鍍銀杖

陳敏爲江夏太守至官亭廟祈在任安穩當上銀杖一枝
限滿作杖插竹幹以銀鍍之尋徵爲散騎常侍還到江口
送杖訖日晚廟降神巫宣教曰陳敏許我銀杖今以鍍銀
杖見與欺蔑之罪不可容也乃置杖浮水北流飛到敏船
徘徊不去敏遣小吏到廟遜謝旣發風浪滔天敏船覆沒
唯小吏四人在

神鬼傳

牛拜縣令

梁孝元在江州時有望蔡縣令寄寺而住民將牛酒作禮令欲解牛宴賓客牛徑至階而拜令大笑遂命左右宰之飲噉醉臥及醒卽覺體痒爬搔隱疹成癩十許年死

顏氏

家訓

浮生子魂見州牧

元宗時江州有張安者性落拓不羈自稱浮生子有時醉歌市中手舞足踏後忽無疾而終每夜魂謁州牧求立祠廬山小志

卷二十四 神異下

七 鄉媛別館

廟時李元爲牧氣直不信妖妄朝服而坐召問之其魂隨召至元問曰爾已死何能如人言朗然求見於余魂曰浮生子生之日不以生爲生死之日不以死爲死生異於衆死亦異於衆州牧曰天子立功烈貞孝之祠示勸後人倣之爾何使人倣微魂曰浮生子無功無孝無貞可紀也不知達人之道高尚於功烈貞孝也州牧無以屈命私祠焉

蕭湘錄

溫嶠照水怪

溫嶠平蘇峻之難及湓口夜以火照水底見宮寺赫奕人徒甚盛又見羣小兒兩兩爲偶車駕人民睚眦可惡

龜爲女子音

齊王奐至江州月夜棹舟北岸見藜葦中十餘女子或衣綠或衣青碧半坐半立一坐者泣曰我始與姊妹同在江漢不意皆爲上峽小兒所娶乃至分離一立者嘆曰潮水有迴而我此去應無返日言未竟北風微起立者曰潮至矣可以還家奐急捕之悉化爲龜入水而去

九江記

廬山小志

卷二十四神異下

三

鄉媛別館

甄母傳語世閒婦女

江州馮叟妻陳氏美而無子妾衛氏生二男陳心忌之適馮人蜀置鴆酒中召衛氏及二子翫月舉杯藥發死魂訴於府尹置陳於法叟歸畜一母甄已售諸屠甄忽作人言曰我君妻陳氏也殺妾母子上帝罰我爲甄未免千刀之報傳語世閒婦女勿抗拒夫子欺制妾媵身試我今日之報也

媵醢

放龜獲報

江西軍吏宋氏嘗市水星子見江濱漁人荷大龜屢顧宋以千錢贖放江中後數年泊舟龍沙忽有一僕夫至云某長史奉召隨往一府官出迎與坐曰君尙相識耶宋思實未嘗識又曰君亦記星子江中放龜耶曰然曰我卽龜也頃常有罪帝命謫爲水族見獲於漁人徵君之惠已骨朽矣今已得爲九江長史特以奉報後數日烏山神將朝廬山使者行必風雨君兒某此時當溺死名籍在是今有一人名姓正同亦當溺死但先期歲月耳吾取以代之君兒廬山小志

卷二十四 神異下

三 鄉媛別館

宜速避匿不然不免宋陳謝而出不覺已在舟次矣數日果有風濤之害死者甚衆宋氏子竟免

稽神錄

九江張相

九江張相煉丹服食洞賓憫其好道心切化一術士救之張不加禮洞賓頓去但見座閒有詩云可惜九江張尙書服藥失明神氣枯不思還丹本無質翻餌金石何太愚

同契陳致虛註

銅念珠

隋季林士宏結衆豫章僞稱楚帝僞尙書令鄱陽胡秀才據九江愿鑄文殊瑞像令釋慧雲監鑪錘雲以竹筒盛像色金百二十兩並念誦銅珠一貫遺胡行至宮亭湖中遭浪沒船唯人達岸須臾金筒隨浪逆流銅珠前後相繼向岸就胡計沒處至所出岸三十餘里

唐高僧傳

黑魚精

昔有許客過鄱湖有魚口大如門向天吐浪許客死焉子詣張天師求報父仇天師曰此魚據湖五百年神通甚大廬山小志

卷二十四 神異下

西 鄉孃別館

我雖有法必須有根氣仙官相助成事因出小銅鏡付許曰汝持此照人凡一人而有三影者速來報我許照鄉村楊姓童子果有三影天師衣童子袞袍縛劍臂上投湖中俄而霹靂一聲童子手提大黑魚頭立浪上湖水十里皆血色童子衣不沾濕人問所見童子曰我酣睡片時但見金甲將軍提魚頭放我手中其他不知童子後官總漕諡清恪

新齊諧

魚誦經

彭蠡湖側鄉人李進勅販魚爲業常以大船滿載金陵夜泊三山浦聞船內有千萬人誦經聲因悉放魚於江中由是改業販荻薪數年大作簾筏載於金陵值風筏沈惟勅不溺足下如有所履俄被風颭竹數竿至身側勅扶此竹乃見大魚數百頭于足下及竹頭共拽而行時夜不得渡栖洲上忽見荻叢碎罅中光芒爛然以手摸之獲金二斤俄見一人著白衣向波心湧立曰朝來得存性命及獲金於前者所放諸魚報子恩也言訖不見且有魚數十頭又廬山小志 卷二十四 神異下 圭 鄉媛別館 拽一葉舟橈棹俱備進勅因得反岸而歸 搜神記

燕巢小兒

宋程德度爲臨川王行參軍時在潯陽屋有燕巢夜見屋裡忽明有一小兒從窠出長尺餘潔靜分明至牀前曰君後二年當得長生之道倏然而滅德度甚秘異之元嘉十七年隨王鎮廣陵遇禪師釋道恭因就學禪甚有解分十九年家武昌空齋忽有殊香芬馥達於衢路闔境往觀三日乃歇 冥祥記

開先僧

開先僧法珍坐禪二十年自謂了道呂純陽化作道人曰爾雖端坐未能煉心觸物成魔未免墮落乃與珍歷雲堂見一僧坐頂門出一小赤蛇緣床左足至地徧遊見涕唾食之尋吸溺器飲之出軒外渡小溝繞花落駐玩狀復欲渡一小溝見水溢而返道人當其走處以刀插地蛇畏縮尋僧頂門入僧覺問之曰吾適夢從左門出逢齋供甚精食之又逢美酒飲之因褰褰渡門外小江逢美女一羣復廬山小志卷二十四神異下 六 嫋嫋別館欲渡一小江水驟漲返途遇賊持刀欲殺遂驚覺道人與僧大笑之躡醢

佩金剛經

九江唐元初年七十販薪於市晚歸江北中流風浪大起同涉者俱沒惟初浮于水面背上光高數尺漂南岸人爭詰之初云某讀金剛經五十年在背者經也前後厄難胥免經之力也感應記

